

CIMELIA

0

1329

inst.komp.



US

CA

lae

Nabyto w r. 1889 (akc. 1889. II. 15).

Dawna sygnatura: Filoz. pol. 1115.


Operarium w r. 1937.




1329

CIMELIA









708  
\*\*\*  
JOHANNIS CRELLII FRANCI

PRIMA

ETHICES  
ELEMENTA

*In gratiam studiosæ juventutis.*

*Opus posthumum.*



RACOVIAE

Typis Pauli Sternacii.

Anno Christi 1635.

См. 0. 1328



Биб. Яг.



PETRVS MORSCOVIVS à Morscov  
STVDIOSÆ IUVENTVTI S.

**V**Ino (ajunt) vendibili suspensâ nihil opus  
est hederâ. Nec opusculum hoc, dilecti  
Musarum alumni, ullum orationis leno-  
cinium requirit: quod ut Phidia signum simul fu-  
erit conspectum approbatores inveniet facile, si-  
ve rem ipsam, cui immoratur, cōsideres, siue mo-  
dum, quo eam pertractat, intueare. Nam res qui-  
dem ipsa, cujus hîc prima proponuntur elemen-  
ta, est illa omnium mater artium, animi medici-  
na, donum, ut Plato ait, ut verò Cicero, inventum  
Deorum; Philosophia moralis. Modus verò, quo  
vultus, ut ita dicam, ejus adumbratur ejusmodi,  
ut optandum esset, extare plures, qui eâdem viâ  
teneros ingenue pubis animos ad illam honestatis  
regiam dirigerent, & velut prehensâ manu du-  
cerent. Nec enim intra limites theoreticæ illius  
(liccat mihi sic illam vocare) praxeos consistit,  
definitiones videlicet, & divisiones solas ad pra-  
cticæ methodi leges exactas, ut fecere nonnulli,  
qui eandem divam vigiliis suis, in lucem produ-  
xerunt: sed verè practicè, & ut moralem Philo-  
sophum, id est, animi medicum decuit, sanitatis  
ac morborum animi fontibus comonstratis, quæ  
& illiquâ paranda, quâ conservanda, & his pel-  
lendis faciunt, fideliter aperit & dilucidè perse-  
quitur.



# PRÆFATIO.

quitur. Salutaria verò illa præcepta & animi medicamina non e triviò petit, & à pedariis senatoribus, aut proletariâ turbâ, sed ab ipsis illis Semonibus & Corypheis Philosophorum. Quorum ipsorum oculi sicubi connivent, aut cæcutiunt, (ut evenire neceßefuit, ideoq; cum veniâ errare licuit iis, qui naturali tantum lumine gaudebant) videbis & hîc parcè quidem, sed tamen quod Iuventuti satis est, affundi lucem ab illo cælestium oraculorum sole, qui omnes ignorantie tenebras fugat, & unamquang; rem in vero suoq; vultu spectandam exhibet. Nempe ut Zeuxis Helenam Crotoniatis picturus, pulcherrimæ mulieris ideam ex optimis quibusq; exemplis collectam habebat in animo: ita vir incomparabilis Ioannes Crellius augustam Ethicæ faciem iuventuti effigiaturus, non unius aut alterius in ponendis ejus lineamentis iudicio stetit, sed quod in unoquoq; illorum, qui ingenij sui penicillo ipsam depinxerunt, eximium animadvertit, id hîc sibi ponendum & sub uno velut obtutu exhibendum censuit. Atq; utinam ille ipse libelli hujus editionem adornasset aut relegisset saltem, & recognoscendo sub incudem decumati iudicii sui revocasset omnia, fallor aut habuissent hîc tyrones illud, quod alibi frustra requiras: viam videlicet quæ sine ambagibus duceret, & manuductorem, qui

# PRÆFATIO.

qui ad ipsa divina Ethices adyta sine nausæâ perduceret. Sed enim ille satum hunc, quem ante multos annos effuderat veriùs, quàm enixus erat, vix pro suo agnovit; ut verò tolli curaret nullis amicorum precibus & persuasionibus adduci potuit; certe vitalem futurum, nunquam animo concepit. Cùm enim modestiæ simul & candoris vivum exemplar esset; & deproperata ista sibi propter incipientes, quorum spei tunc erat admotus, ac proinde non ita amussitata dicebat, ut delicatuli huius seculi palato satis facere possent; nec eadem sibi nunc penitus arridere, quæ tunc placuerunt omnia. Innuebat videlicet se nimis anxio pede tum Aristotelis orbitam pressisse, qui uniuscujusq; virtutis naturam in mediocritate positam censuit. Noster autem id non semper ita habere ex divinis oraculis postmodum se comperisse asseverabat. Vnde cùm, ut hoc ipsum, quale esset, penitus excuteret, ideoq; resumpto in manus libello, quæ nigrû theta mererentur induceret, alia verò relamberet, & exornaret sæpius instarem; ille qui cupiebat omnibus esse omnia, hoc quidem facturum recepit, nunquam tamen quenquam, ut sub suo nomine hoc opus lucem aspiceret, effecturum spondit. Verùm ille, qui suum supra nos negotium agit, hîc etiam ut, quod utriq; non expectabamus, ex transverso fieret effecit.



## PRÆFATIO.

*Nam promissa quidem illius occupationes ecclesiastica primum, quibus distinebatur iugiter, mox verò mors inopina penitus intervertit: vestra verò, Iuvenes Nobilissimi, quam non vulgarem ad vos hinc credituram spondemus, utilitas effecit, ut quod vivente Crellio fieri nequibat, post illius obitum sub ipsius nomine librum hunc ederemus, quò non absolutus licet iste fatus, parentis tamen sui, quem aliquatenus referat titulo censeretur. Vt enim illius modestiæ fuit premere, quæ non usquequaq; a se videbat exasciata: ita pietatis nostræ a blattis & tineis vindicare, suisq; incunabulis asserere, quæ sine ullo auctoris, in quem post fata nil jam juris livor habere potest, intertrimento maximis juventutem publicè compendiis augere possunt. Quod ut tuendi nostri scribimus, qui contra mentem auctoris eruditi seculi huius soli non sumus exponere veriti ea, quæ perpetuis ille tenebris damnaverat: ita vitiligatoribus illis oris obstruendi, quibus nihil rectum videri solet, quod non ab ipsis proficiatur. Non Persii videlicet aut Senecis, Ciceronibus vè, & Ambrosiis scripsit ista Crellius: sed harenti in limine bona mentis juvenia, cui generosior sanguis ad regiam virtutis anhelat. Bonum factum igitur, si illi qui Persii, Senecæ, Cicerones, Ambrosiiq; videri volunt, & multum tinniunt, ne extremis quidem*



## PRÆFATIO.

dem digitis attigerint ista, quæ nihil ad ipsos; ne ubi genuinum in his fregerint, laureolam in mustaceo quasi visse dicantur. Nam veros illos Persios, Cicerones, Ambrosios, Senecas juvabit cum Agesilao repuerascentem, & cum Catone Laliogque conchis ejusmodi lusitantes conspiciere Crel-  
 lium. Vos vero liberalia pectora, quibus virent genua, fervet sanguis, & generosior spiritus in suo veroq; vultu divam istam cognoscere ardet, estis autem adhuc instar tabula, ut ait Philosoph<sup>9</sup>, rassa, in quâ permultum interest quid primitus inscribatur, obviis ulnis & pectoribus hoc posthumum munus accipite ab eo, qui vestris semper incrementis favit, & vobis ad bonam frugem perducendis jugiter advigilavit. Iis autem, per quos ad manus vestras defertur, quiq; talem vobis ducem & Mystagogum ad honesti sacrarium offerunt, gratias agentes, ne instar hesperij draconis sine ullo emolumento huic auro incubetis, elaborate. His chartis impallescite, has versate manu diurnâ, versate nocturnâ, sub hoc pollice vultum ducite. Digna est enim materia ingeniis, quæ sive corporis, sive animi dotium nomine cælo plurimum imputant, & spes suas ultra stolidæ plebeculæ vota mittunt: hic invenire licet frugem illam Cleantheam; hinc petere

finem animo certum miserisq; viatica canis:  
 hinc

# PRÆFATIO.

hinc deniq; discere,  
Quid sumus, & quidnam victuri gignimur, ordo  
Quis datus, aut metæ quàm mollis flexus & unde,  
Quis modus argento, quid fas optare, quid asper  
Vtile nummus habet, patriæ carisq; propinquis  
Quantum elargiri deceat, quem te Deus esse  
Iussit, & humanâ quâ parte locatus es in re.  
Hæc enim sunt summa ac præcipua Philosophia  
moralis capita: hæc illa Helice, & Cynosura, ad  
quam universus ad beatitudinis & tranquilla  
mentis portum contendentibus cursus dirigendus  
est. Sed manum de tabula: ne artificiosa oratio-  
nis mangonio credulitati vestra illudere velle,  
aut Hecates tuguriolo Priami vestibulum præ-  
struere videar. Longè infra libelli meritum præ-  
dicationem subsidere meam experimento cogno-  
scetis ipsi, nisi vobismet ipsis deesse & spei paren-  
tum, tutorum, & consanguineorum vestrorum  
decuquere malitis. Deus autem optimus Maxi-  
mus, cui sunt omnia mortalium cura, pectora ve-  
stra compleat ardore cognoscenda veræ sapien-  
tiæ, & paterno favore suo ad Bonæ mentis Tem-  
plum manu ducat, quo parentum votis & majo-  
rum decoribus succrescentes in viros olim Ec-  
clesiæ, Patriæ, vestris, vobisq; utiles & accom-  
modos adolescatis. Valete, Krzeloviæ 28. Augusti,  
Anno 1635.

# ETHICES,

*Sen*

DOCTRINÆ DE MORIBVS

## Prolegomena.

*Quid est Ethica?*

**E**thica est disciplina Practica, rationem humanæ felicitatis consequendæ explicans.

*Cur dicitur Ethica, sive moralis disciplina?*

Quia mores hominum, hoc est, actiones virtutum & vitiorum explicat. Actiones quidem virtutum per se, vitiorum per accidens.

*Quot sunt Ethicæ partes?*

Quatuor: Duæ Primariæ: & totidem Secundariæ.

*Quæ sunt Primariæ?*

Prima est de ipsa Felicitate: altera de Virtute.

*Quæ sunt Secundariæ?*

Prior de Voluptate: Posterior de Amicitia.

**A**

**PRIMA**



# PRIMA ETHICÆ PARS

## De Felicitate seu Beatitudine humana.

*Quid Felicitatis nomine intelligitur?*

**V**ltimum vitæ humanæ finem, seu summum ac perfectissimum hominis bonum.

*Estne ultimus aliquis vitæ humanæ finis?*

**Est:** quia si non esset, appetitio boni, quæ nobis est à natura insita, in infinitum tenderet, & nusquam acquiesceret. Hoc verò absurdum est, quia nobis frustrâ esset à natura data, siquidem finem suum assequi nunquam posset; at natura nihil frustra facit.

*Quid est ergo Felicitas?*

Felicitas est actio animi ratione prædicti, secundum virtutem perfectissimam, in vita perfecta.

*Qualis est Felicitas?*

Iucundissima: honore dignissima: αὐτάρκεια, seu seipsâ contenta, ita ut in ea hominis desiderium acquiescat.

*Quæ sunt ejus consequendæ mediæ?*

Primum ac præcipuum est virtus ipsa: tum reliqua bona virtuti subservientia, sive interna, hoc est, bona animi & corporis, sive externa.

humana:

externa quæ fortunæ vulgo dicuntur, & sunt honores, amicitia, opes.

*Quotuplex est humana Felicitas?*

Duplex. *Theoretica* & *Practica*. Quarum illa mentis solius est, & in contemplatione seu exercitatione sapientiæ consistit: hæc appetitus est ratione conjuncti, atque in exercitatione virtutis moralis sita est.

*Suntne ea prorsus pares?*

Non: Nam *Theoretica* potior est, & vitæ humanæ finis ultimus. *Practica* verò vitæ tantum civilis, quæ nonnunquam humana peculiari ratione dicitur.

## SECUNDA ETHICÆ P A R S

### De Virtute.

*Quot modis Virtutis nomen accipitur?*

**T**Ribus potissimum. 1. Latissimè pro cuiusvis rei affectione excellenti. Ea verò excellens est, quæ & subiectum suum & opus ejus perficit: qua ratione brutis quoque, aut inanimatis rebus virtutem tribuimus. 2. Strictè pro virtute humana studio acquisita. 3. Strictissimè pro virtute morum, quæ in actionibus honestis cernitur.

*In qua significatione Virtutis nomen  
hic accipitur*

A 2

In se

### *De Virtute*

In secunda: quia de ea agimus virtute, quæ felicitatis humanæ causa proxima est.

#### *Quomodo definitur Virtus?*

Virtus humana est habitus animi ratione præditi, eum perficiens & opus ejus bonum reddens.

#### *Quotuplex est?*

Duplex: Altera intellectus, altera morum.

#### *Quæ hujus distinctionis est ratio?*

Quia animus ratione præditus, qui subiectum virtutis est, duplex quodammodo est. Vel enim est per se ratione præditus, & est intellectus, sive mens. Vel per accidens, & est appetitus, quatenus à ratione, in eodem homine sibi conjuncta, regitur. Vtraque facultas habitibus quibusdam perficitur homini propriis, quos *virtutes* appellamus, quos inter se differre necesse est, quemadmodum & subiecta.

## DE VIRTUTE MORALI

#### *Quid est Virtus Moralis?*

Est habitus agendi cum consilio, consistens in medio quod ad nos, ratione recta definito.

#### *Quid Vitium?*

Habitus agendi cum consilio, consistens in extremo quod ad nos.

Quot



*Quot sunt partes tractationis de Virtute Morali?*

Dux: *Generalis & Specialis*. Illa de virtute morali in universum agit: hæc de singulis ejus speciebus. Adjungetur velut appendicis loco tractatio de *Virtute Heroica & Imperfecta*.

*Generalis tractatio in quot partes dividitur?*

In quatuor. Nam primò agitur de causis efficientibus virtutis: deinde de Materia circa quam, seu objecto. Sequetur Forma, quæ cū in duobus consistat, Mediocritate & Consilio: tertio loco de mediocritate agemus: quarto de consilio & cum eo conjunctis: nam de fine, qui est Felicitas, jam egimus.

## DE VIRTUTE MORALI in genere.

### C A P V T I.

#### De Causis Efficientibus Virtutis.

*Quot sunt causæ Efficientes Virtutis?*

**P**Ræter causas divinas, quas Theologus explicat, tria virtutem efficiunt; *Natura, Doctrina, & Exercitatio*: quæ causæ sunt omnium habituum; licet diversorum diversæ.

*Quid Natura confert ad Virtutem?*

Duo confert: Primò *Facultatem*, seu aptitudinem ad virtutem recipiendam. Deinde *inclinationem & imperum*, quæ facultatis illius naturalis quædam perfectio est.

A 3 *Inclina-*

*Inclinatio illa quotuplex est?*

Duplex: Vna communis & vulgaris, quæ in omnibus hominibus reperitur, & a ratione oritur, quæ honestatem, animi pulchritudinem, aliquo modo agnoscit & amat, corporis affectu licet reluctante: nam hujus inclinatio illi ferè contraria est. Altera est peculiaris & perfectior, quæ iis tantùm inest, qui singulari naturæ bonitate sunt præditi, & generosa indoles dicitur. Hæc ex temperamento corporis oritur.

*Quid Doctrina confert?*

Primò Præcepta, quæ monstrent, quid in quavis re sequendum sit, aut fugiendum, quæ hæc ipsa disciplina Ethica, quoad rerum varietas patitur, explicat. Deinde varia ad virtutem amplectendam incitamenta proponit.

*Quid Exercitatio?*

Hæc ipsum virtutis habitum nobis inserit. Omnis enim habitus usu paratur. Et in hac potissimum nobis elaborandum est.

*Quæ sunt præcepta ei observanda, qui se ad virtutem exercet?*

Ea sunt duplicia: Generalia, quæ hoc loco sunt tradenda; & specialia, quæ in singulorum virtutum explicatione ponentur.

*Quæ sunt præcepta generalia?*

Præterea

Præter ea, quæ ex ipsa virtutis definitione patent, hæc potissimum tradi possunt præcepta.

I. Ut divinum auxilium assiduīs precibus impetretur: quâquam hoc præceptum Theologicum est.

II. Ut virtutis tum pulchritudo, tum insignis fructus subinde consideretur, & animo penitus infigatur. Inter fructus autem virtutis eminet futuræ vitæ præmium, de quo Theologus: in hoc autem seculo rectæ conscientiæ gaudium. Contraria de vitiis ac sceleribus cogitentur.

III. Ne mediocria tantum aut faciliora facta in virtute tibi proponas sequenda; sed ad summum ejus fastigium semper aspires: quod ni feceris, vix in extrema ejus parte hærebis.

IV. Ut occasiones & irritamenta peccatorum, quoad licet, vitentur.

V. Ut animus tum, cum occasionem peccandi, quam prævidet, vitare non potest, adversus peccati vim & illecebras diligentissimè præmuniatur.

VI. Ut otium vitetur, & tum animus, tum corpus, in primis verò animus honestis laboribus perpetuò exerceatur: inter animi verò labores eminet meditatio rerum divinarum, & liberalia studia.

VII. Ut



VII. Ut ab eo vitio, quod à virtute longius recedit, quodq; voluptatem habet conjunctam majorem, aut ad quod naturâ sumus proniores, diligentius caveatur, & in contrarium quodammodo flectatur animus, ut lucente hinc natura, illinc studio in medio consistatur. Suspectum esse debet, quicquid appetitui vehementer placet.

VIII. Cum bonis versandum; abstinendum autem ab improborum consortio. Eligendi inprimis ii, qui ab iis vitiis, in quibus tu hæreas, vel ad quæ sis pronior, longè absint.

IX. Proponenda virorum virtute clarissimorum exempla, tum vetera, tum verò inprimis recentia, & ante oculos quotidie versantia. Cavendum autem diligenrer, ne unà cum virtutibus vitia quoq; aliqua virorum bonorum imbibamus, aut facta aliqua vitiosa imitemur.

X. Cogitandum nos in oculis Dei semper versari, eum omnibus nostris dictis ac factis interesse, & mediis intervenire cogitationibus. Quin etiam eligendus vir gravis, & reverendus, quem nobis perpetuò testem assistere cogitemus, & in cujus conspectu peccare horreamus.

XI. Admonitio. Prohurgari nos amicorum aut iocundis vis æquo animo

animo sunt non admittendæ tantum, verum etiam precibus efflagitandæ: quin & inimicorum reprehensionibus admoniti tantò diligentius à delictis cavere debemus. Adulatoribus non præbendæ aures, sed ab iis, tanquam peste, cavendum.

XII. Etiam illa, quæ levia videntur, cavenda sunt, & ne licita quidem omnia, si vitia aliquando videantur favere, facienda. Nam qui licita facit omnia, mox etiam ea faciet, quæ non licent.

XIII. Frequens & accuratum institutum est factorum nostrorum examen, in quo accusatoris partes libenter suscipiamus, defensoris autem raro: quod etiam tum faciendum est, cum absque peculiari inquisitione delicta nostra animadvertimus. ea enim nunquam sunt extenuanda, aut elevanda, nec facilè deponenda eorum memoria, & animi, quem facti pœniteat, dolor. Quod si tamen quippiam rectè à nobis factum occurrerit, gratiis Deo actis gaudere & ad alia similia facienda nos exstimulare debemus.

XIV. Eodem pertinet, ut de nobis quàm modestissimè sentiamus, nec tam quo progressi simus, quàm quousq; nobis adhuc sit progrediendum, cogitemus. Laudati ob virtutem ne superbiamus, nec aliis hæc in parte de nobis plus, quam nobis ipsis, credamus.

A 5 XV. Famæ

part. gen.

XV. Famæ tamen honestæ est cura habenda, quâ neglectâ negligi solent virtutes. Tanta autem in eâ re diligentia est adhibenda, ut non tantum peccata ipsa; sed & speciem peccatorum, quæ flagitii alicujus suspicionem in aliorum animis de nobis excitare possent, vitemus. Interea tamen cavendus est diligenter vitiosus pudor, & nimius offensionis alienæ metus aut fuga, quæ interdum non minus virtuti nocet, quam impudentia & honestæ famæ neglectus. Sæpe enim aliorum vel voluntas, vel sententia virtuti adversatur, ita ut ei gratificari, suamque facta accommodare, non possit non esse vitiosum.

XVI. Deniq; cavendum, ne vel malorum fortuna & prosperi consiliorum eventus, vel bonorum calamitates, & consiliorum infelicitas à virtutis amore te ad vitia abripiant.

*Quo tempore est inchoanda doctrina & exercitatio ad virtutem?*

A teneris. Nam non tantum multum est, ut ait Poëta, à teneris alluescere; sed propertorum in eo situm est.

*Quanam verò est rectæ institutionis ratio ad virtutem?*

Primò, ut ea pro ætatis ratione præscribantur pueris & adolescentibus, quæ illis ipsis,

qui se ad virtutem exercent, observanda esse diximus. Deinde ut ii, tum verbis, tum factis ad ea exequenda adducantur. Verbis quidem, si crebro admoneas ante factum: post factum vel laudes, vel reprehendas pro merito. Factis itidem dupliciter: primò exemplis, tūm præmiis aut pœnis.

*Quibusnam verò rectæ institutionis cura incumbit?*

Duplicis sunt generis ii, qui eam curare debent: vel enim potestatem habent in eos, qui sunt educandi; vel non habent. Qui habent vel *Magistratus* sunt; vel *Privati*. Magistratus leges de rectâ pueritiæ & adolescentiæ institutione ferre, & ut exserventur curare debent. Privatæ personæ duplices sunt: vel enim *naturali* quodam jure; vel *aliena concessione* potestatem illam habent. Istæ sunt in primis *Parentes*, quos sequuntur alii consanguinei seniores, ut *Patruī, Fratres natu majores*, & alii. Qui aliena concessione habent, sunt *Tutores* ac *Præceptores*. Qui nullam habent potestatem, sunt *ceteri amici*.

*Quodnam verò signum est habitus virtutis jam comparatis?*

Si quis multis illecebris ad peccandum incitatus nihilominus honestum frequenter sequatur, & exinde gaudium capiat.

CAPUT



CAPVT II.

De Materia seu Objecto virtutis.

*Quodnam virtutis Objectum est?*

**V**irtutis objectum non unum est; sed duplex: *Primarium & Secundarium.*

*Primarium quotuplex est?*

Iterum duplex: *Internum* quod est omnium praeceptum; & *externum.*

*Quid est Internum?*

*Affectus.*

*Quid est affectus?*

Est commotio appetitus, orta ex voluptate aut dolore, ad rem vel persequendam, vel fugiendam: ut *amor, odium, spes, metus, laetitia, tristitia, gratitudo, ira,* & quæ his subiunguntur species aut gradus.

*Omnesne affectus sunt verum virtutis Objectum?*

Non: nam alii sunt naturâ suâ mali; ut *invidia*, quæ est tristitia ex alieno bono, quod tibi nihil noceat: *ἐπιχαιρέκακία*, seu *malevolentia*, quæ est laetitia ex alienis malis nullo tuo commodo: *audacia* seu *confidentia* propriè sumpta, & alii similes. Alii non sunt mali; sed natura sua indifferentes, qui pro ratione circumstantiarum nunc boni, nunc mali fiunt: quales sunt affectuum genera paulo ante enumerata & multæ horum species.

*Quodnam*

Quodnam ergo affectuum genus materia est  
virtutis?

Eorum affectuum, qui natura sua sunt in-  
differentes & honestatis capaces. Ceteri  
virtuti non subjiuntur; sed opponuntur,  
tanquam actiones internæ vitiosæ.

An non est discrimen aliquod inter affectus, qui  
naturâ suâ non sunt omnino mali, quod ad  
honestatem ac turpitudinem attinet?

Est: Nam alii virtuti magis favent, alii vitio:  
vnde illi plerunq; in laude ponuntur, hi in  
vitio. Istius generis sunt affectus benefici,  
charitas, gratitudo, & his similes: hujus gene-  
ris sunt affectus malefici, ira, odium, & his co-  
gnati alii.

Quodnam est externum virtutis objectum  
primarium?

Actiones à corporis ministerio profectæ.

Suntne omnes actiones externæ virtutis ob-  
jectum?

Non: aliæ enim sunt natura sua malæ, ut  
homicidium, adulterium, furtum, calumnia: aliæ  
bonæ, ut *εὐπραγία* in genere; in specie bene-  
ficii, *δικαιοπραγία*, hoc est, justè factum,  
quæ ipso nomine bonitatem indicant: aliæ  
deniq; mediæ & indifferentes, quæ per se  
nec bonæ sunt, nec malæ, ut *edere, bibere, loqui,*  
*pecuniam dare aut accipere,* & aliæ infinitæ. In  
his postremis virtus tanquam in objecto  
versatur

versatur: cætera sunt partim vitiorum, partim virtutū aut causæ efficientes, aut effecta.

*Quodnam est virtutis secundarium objectum externum?*

Res omnes, circa quas affectus & actiones externæ occupantur, & quibus excitantur.

*Quenam inter res istas sunt potissima?*

Bona præter honestum omnia; sed inprimis jucunda.

### C A P V T III.

#### De Mediocritate.

*Quid vocas Mediocritatem sive medium?*

Id, quod inter plus & minus, seu nimium & parum interjectum est.

*Quotuplex est illud medium?*

Duplex: Alterum rei ipsius absolutè sumptæ, alterum rei ad alia relatæ.

*Quodnam est medium rei ipsius absolutè sumptæ?*

Quod ab utroq; extremo æqualiter abest: itaq; ubiq; & omnibus semper est idem; quæ ratione senarius numerus medius est inter binarium & denarium; ab utroq; enim abest quaternario.

*Quodnam est medium rei ad alia relatæ?*

Quod ita inter extrema interjectum est, ut iis, ad quæ refertur, conveniat & aptum sit: & hoc non ubiq; aut omnibus, aut semper est idem; sed pro rerum diversitate varium. Hoc medium sectantur artes, ut futor in confici.



in consiciendo calceo, qui nec arctior, nec laxior sit  
pede: sartor in vestitu: pictor in exprimendâ corpo-  
ris formâ.

*Vera autem mediocritas ad virtutis formam  
pertinet?*

Posterior, quæ est rei ad alia, nempe ad nos,  
& ea, quæ vel in nobis, vel circa nos existunt,  
relatæ, unde id medium quod ad nos dicitur.  
Sic medium, in quo temperantia consistit, varium  
est pro varietate personarum: neq; enim, verbi gra-  
tiâ, tantum debet cibi aut potus sumere vir doctus,  
& tenui corpore præditus, aut egrotus, si tempe-  
rantiam servare velit, quantum fossor aut arator  
benè valens. Sic in liberalitate fit: nam plus dives  
largiri debet, quam qui est in re tenui; & egentiori,  
meliori, conjunctiori, plus dandum, quam ei, qui mi-  
nus eger, minus bonus, aut conjunctus est.

*Quibus ergò in rebus cernitur istud medium,  
in quo consistit virtus?*

In observatione circumstantiarum actio-  
nis uniuscujusq; seu decoro.

*Quid circumstantiarum nomine intelligi?*

Omnia ista, quæ ad actionem concurrunt,  
& ex quibus ejus meritum æstimatur.

*Quenam ea sunt?*

Vulgò septem numerantur & hoc versicu-  
lo exprimuntur:

*Quis, quid, ubi, quibus auxiliis, cur, quomodo, quando.*

*Quid singule voces denotant?*

*Quis*

part. gen.

*Quis* denotat causam efficientem principalem, cujus natura & status variaq; adjuncta consideranda sunt. *Quid* tum genus actionis, tum objectum sive materiam circa quæ ex qua genus actionis propius denominatur. *Vbi* locum. *Quibus auxiliis* causas medias seu instrumentales. *Cur* causas impulsivas & finales. *Quomodo* formam seu modum actionis. *Quando* tempus. *Terre* & ultimæ ad adjuncta pertinent actionis: cæteræ autem causas.

*An in virtutis laude protinus privandus est, qui non omnes circumstantias accuratissime observaverit?*

Non: sed tum demum, si neglectus circumstantiarum & recessus à medio sit major & notabilior. Quod enim parum distat, præsertim in actionibus humanis, quarum infinita est varietas, propè nihil distare videtur.

*Quenam mediocritati huic opponuntur?*

Duo extrema, seu *nimum* & *parum*, vel ut vulgò loquuntur, *excessus* & *defectus*, quæ sunt vitiosa: Vnde duo eidem virtuti solent opponi vitia. Quanquam justitiæ extrema non duo distincta constituunt vitia; sed unius in justitiæ nomine comprehenduntur.

*An utrumq; extremorum seu vitiorum æquè solet cum medio seu virtute pugnare?*

Non

Non; sed alterum magis, alterum minus: part gen.  
& quidem nunc excessus, nunc defectus.

*Quenam verò sunt illa vitia, quæ magis aut  
minus virtuti repugnant?*

Id cognosces, si causas, cur id fiat, audieris.

*Quenam hujus rei est causa?*

Ea duplex est: prima. quod affectus, in quo regendo cernitur virtus, vel naturâ suâ vehemens est, ut *libido & ira*, vel remissior, ut *fiducia in periculis*: si vehemens, virtuti magis repugnat excessus, quam defectus: si remissus, contrâ. Nam cùm vehemens est affectus, virtutis opera potissimum in frænando affectu cernitur, & ad id, quod parum est, quodammodo contendit: cùm remissus, in eo excitando laborat, & ad id, quod nimium est, aliquâ ratione accedit, itaq; ibi excessus virtuti est amicior, hîc defectus. Sic fortitudini similior est audacia, quam timiditas, quia fiduciam in periculis imprimis regit. Mansuetudo propior est *τὴν ἀπορροίαν* seu lentitudini, quia iram, vehementem affectum, regit.

*Quenam altera est hujus rei causa?*

Quod ad alia atq; alia vitia procliviores esse soleamus, quod fit, vel quia vitium voluptatem majorem habet conjunctam, voluptatem autem naturâ amamus; vel quia ob temperamentum peculiare ad id sumus propiores.

B

niores.



part. gen. niores. Id verò, ad quod naturâ sumus pro-  
niores, longiùs à virtute solet recedere, quia  
naturæ impetus longiùs nos provehere con-  
suevit, cique repugnare admodû est difficile.

## CAPVT IV.

De Sponte & invitè factò, Voluntario,  
Deliberatione, Consilio.

### Sectio Prima.

*Cur de sponte & invitè factò, de voluntario  
& involuntario hîc agitur?*

**P**rimò, quia inde factorum sive honesto-  
rum, sive turpium merita imprimis æsti-  
mantur, laus & reprehensio, præmium &  
pœna constituitur. Deinde, quia consilii seu  
proæreseos natura sine his plenè cognosci  
non potest: quod etiam de deliberatione di-  
ctum volumus.

*Quotuplicia sunt facta hominum, quæ ipsius  
naturæ vi non perficiuntur?*

Triplicia: quædam sponte fiunt, quædam  
invitè, quædam veluti mixta sunt, & partim  
spontè, partim invitè fiunt.

*Quodnam est spontè factum?*

Cujus principium in agente est, sciente re-  
rum circumstantias; seu quod quis libenter  
facit.

*Quando*

*Quando autem principium facti censetur esse  
in agente?*

Cum agens ipse suo pte motu ac impetu ad actionem accedit, aut ad eam aliquid confert, non ab aliis sive rebus, sive personis prorsus coactus; quod etiam tunc fit, cum quis boni spe impulsus, aut ab altero admonitus quippiam facit, cum possit etiam non facere.

*Quid invite factum?*

Quod quis prorsus illibenter, seu contra animi sententiam facit.

*Invite factum quoruplex est?*

Duplex: vel enim vi fit, & dicitur *Violentum*; vel ignorantia, seu per ignorantiam.

*Quodnam est violentum?*

Cujus principium est extra, suo pte motu ad actionem nil conferente eo, qui patitur aut agit. ut, cum quis vento abripitur in eas partes, in quas minime voluit, quanta potuit vi renitens; aut, cum quis ab hominibus robustis, quibus resistere non potest, constrictus, vel ad hostem, vel in carcerem deferatur.

*Quodnam est invite factum, quod sit per ignorantiam?*

Quod proficiscitur ex ignorantia non affectata circumstantia alicujus, quam si novissemus, actionem haudquaquam suscepissemus, & quâ cognitâ factum dolemus. ut, si

B a . . . quâ

part. gen. *quis patrem, aut fratrem hostilibus armis indutum, & sibi in acie currentem interficiat, hostem esse arbitrat, quâ re cognitâ tristetur.*

*An non omni ignorantia factum invitum & excusabile reddit?*

Non: sed ea demum, quæ in definitione hæc à nobis est expressa.

*Quotuplex ergo est ignorantia, quæ ad facta pertinet?*

Duplex: alia culpâ nostrâ contracta seu affectata, alia à culpa nostra sejuncta.

*Quenam est culpâ nostrâ contracta seu affectata?*

Est ignoratio ejus, quod quis nosse poterat & debebat, ita ut ejus negligentia & improbitate factum fuerit, ut nesciret. Et hæc lata culpa dicitur à Iureconsultis.

*Quotuplex est?*

Vel alicujus universalis, ut legis, cujus addiscendæ occasionem quispiam & causam habuit, & dicitur ignorantia iurii: Vel ignorantia circumstantiæ alicujus singularis, quâ quis nosse debebat. ut, si quis in foro, aut platea, explodens sclopetum, hominem trajiciat, & dicat se ignorasse quempiam præteritum: id enim scire debebat, cum verisimile sit in istiusmodi locis homines versari. His duobus modis ebrii sæpe peccant, & ii, qui suâ malitiâ sunt excacati, ut rectum non videant.

*Que*



*Quæ ignorantia non est culpâ nostrâ  
contracta?*

Cùm quis circumstantiam facti nescit, licet  
eam diligentiam adhibuerit, quam viri boni  
& cordati ab ejus ætatis ac conditionis ho-  
minibus exigere solent.

*Quarum verò circumstantiarum ignoratio  
potissimum spectatur?*

*Materiæ & Finis.* Ex his enim factorum  
meritum potissimum æstimatur.

*An omnis hujusmodi ignorantia factum invitum  
& excusabile reddit?*

Non prorsus: sed tum demùm, si re cogni-  
tâ dolor consequatur. Nam quod quis facit  
invitus, illibenter & contra animi sententi-  
am facit. *Quare non prorsus invitus novercam la-  
pide ferit, qui canem petiturus, cùm novercam læ-  
sisset, dixit: Euge ne sic quidem malè.*

*An verò sponte facta censentur, si dolor non  
consequatur?*

Non: Sed sunt veluti media: ratione ta-  
men originis ad invitè facta propiùs acce-  
dunt; & discriminis causâ dici possunt non  
sponte facta, cætera invitè facta.

*Quenam facta censentur mixta, hoc est, quæ partim  
spontè, partim invitè fiunt.*

Quæ per se ipsa spectata mala censentur,  
ita ut ea libenter haud esses factururus, facis  
tamen vel majoris mali effugiendi, vel ma-  
gni ali-

part. gen.

gni alicujus boni consequendi causâ. Talis est  
jactura mercium in tempestate: Sectio & ustio  
membra, vita tuenda causâ: Perpressio tormentorum,  
& mortis, ob æternæ salutis præmium: aut contrâ,  
abnegatio religionis, cruciatuum effugiendorum  
gratiâ.

An ea sponte factis potius debent accenseri, an verò  
invitè factis?

Sponte factis potius: quia etsi simpliciter  
videtur invitè facta; tamen tùm, cùm gerun-  
tur, ob circumstantiarum rationem sponte  
fiunt, & sunt experenda, principiumq; eo-  
rum est in agente, sciente rerum circum-  
stantias: nam ipse membra ad agendum mo-  
vet, cùm posset non movere; aut non mo-  
vet, cùm posset movere. Factum autem  
quodvis ex eo tempore, quo fit, & circum-  
stantiarum ratione potissimum censeri de-  
bet.

Quotuplicia sunt?

Quadruplicia: Quædam enim laudem me-  
rentur: quædam veniam aut commiseratio-  
nem: quædam vituperationem tantum: quæ-  
dam denique pœnam.

Quanam merentur laudem?

Cùm quis honesti causâ gravia subit mala  
Huc referuntur Martyria: huc M. Reguli factum  
& Anaxarchi, qui, ne secreta proderet, & in per-  
iculum vite amicos adduceret, a Tyranno flagellatus  
sustinuit.

sustinuit. Nonnunquam & ii laudantur, qui part. gen,  
maximi emolumenti causâ malum, cum  
commodo tamen eo non comparandum,  
subeunt.

*Quanam veniam aut commiserationem?*

Veniam merentur, cùm quis, ut commo-  
dum non leve consequatur, aut malum gra-  
ve effugiat, quidpiam facit etiam non satis  
decorum. Quò pertinet Davidis factum, qui ut pe-  
riculum effugeret, furere se simulavit. Sed com-  
miserationem etiam meretur, cùm quis eo  
adigitur, & ob majora mala, quæ immerenti  
impendebant, evitanda, cogatur alia non le-  
via subire.

*Quanam vituperationem tantùm?*

Cùm quis aut emolumenti causâ, aut levi-  
oris alicujus mali evitandi gratiâ, vel com-  
moda majora relinquit, vel id facit, quod  
eum haudquaquam deccat; flagitiosum ta-  
men non sit. Vt si quis lucri causâ in foro saltet,  
aut, ne aliquot florenorum jacturam facere cog-  
atur, verberari se sustineat, aut hominem superbum  
humiliter deprecari malit.

*Quanam verò pœnam?*

Cùm quis, cujuscunque tandem boni aut  
mali causâ, aliquid committit, quod naturâ  
suâ sit turpe aut flagitiosum, aut cum præce-  
ptis divinis pugnet. ut, si quis spe lucri aut hono-  
ris, aut metu mortis, religionem, aut patriâ prodât.

B

aliquem

part. gen. *aliquem calumniatur veneno tollat.* Extrema enim omnia potius sunt ferenda, quam tale quid admittendum.

## Sectio II.

### De Voluntario.

*An Voluntarium non idem est cum Spontaneo?*

**D**uplici modo Voluntarium vulgo sumitur: nunc latè & improprie, nunc strictè ac proprie. Latè usurpatur pro Spontaneo in universum. Strictè pro Spontaneo, quod fit ab homine ratione jam utente, de quo nobis nunc agendum est.

*Quomodo ergo differt voluntarium strictè sumtum à spontaneo?*

Vt species à suo genere: Spontaneum in bruta etiam & infantes cadit, cum cognitio sensus & inclinatio appetitus ad id sufficiat: ad Voluntarium ulus etiam rationis requiritur.

*Quot modis sumitur Voluntas, unde Voluntarium dicitur?*

Duobus: nunc pro facultate, nunc pro actu.

*Quid est Voluntas priori modo sumta?*

Appetitus rationis. Unde consequitur, voluntatem, quæ actu est, nihil esse aliud, quam hujus appetitus operationem, quæ duplex est: vel inclinatio ad objectum, vel fuga.

*Quomodo appetitus vocem hanc accipis?*

Laxè



e. Laxè, pro quavis facultate, quæ bonum co-  
gnitum amplecti, malum verò averfari po-  
telt. Nam aliàs strictè sumitur pro appetitu  
sensitivo tantùm, qui etiam brutis inest.

part. gen.

*An non paulo plenius Voluntatis naturam ex-  
plicare potes?*

Voluntas est facultas, quæ id, quod ratio  
tāquam bonum apprehendit, persequitur,  
quod tāquam malum, averfatur; & si bono  
adjunctum sit quippiam mali, id liberè vel  
amplectitur, vel respuit, inter duo etiam vel  
bona, vel mala delectum liberè instituit.

*Quomodo libertas illa voluntatis appellatur?*  
Arbitrium.

*Estne ejus in moribus vis aliqua?*

Maxima. Ex eo enim, quod vel honestum  
aliis bonis cum turpitudine conjunctis li-  
berè præferimus; vel contrà, illa honesto  
anteponimus, virtus aut vitium, laus aut  
vituperatio, præmium aut pœna verè conse-  
quitur, seu meritum factorum nostrorum  
potissimùm æstimatur.

*An tamen est quippiam aliud, unde honestas &  
turpitudine æstimatur?*

Est: ipsorum etiam factorum per se confi-  
deratorum natura. Sed si voluntas nostra  
nullomodo consentiat, eos verè non pol-  
luunt, aut improbos efficiunt, nec pœnæ  
prorsus obstringunt, etiamsi per se sint tur-

part. gen. pia: & contrà, honesta facta nos viros bonos non efficiunt, nec laudem ullam aut præmium merentur, nisi voluntas concurrat.

### Sectio III.

#### De Consultatione.

*Quid est Consultatio?*

**E**st inquisitio mediorum ad finem quem Epiam consequendum utilium.

*Quis est Consultationis modus & ordo?*

Primum omnium, finis certus proponendus est. Deinde de mediis agendum, ad finem propositum utilibus.

*Quot sunt in mediis spectanda?*

Tria: *Primo*, quænam ea sint: *Secundo*, an sint in nostra potestate: *Tertio*, qua ratione iis sit utendum.

*Quænam in primo iterum sunt consideranda?*

Idem tria: *Primum*, quænam sint media cum fine proposito proximè cohærentia, an unum, an plura: *Deinde*, si plura sint, quodnam commodius: *Tertio*, uno constituto videndum, an id aliis iterum mediis sit parandum, & quibus; donec ad id veniatur, quod in promptu est ac nobis proximum, adeoque in deliberatione ultimum, in actione primum.

*Quænam verò media dicuntur esse in nostra potestate?*

*Quæ*

Quæ vel jam nobis adsunt, vel saltem parari à nobis quacunque tandem ratione possunt. Quodsi in potestate nostra neutro modo sint, consultatio omittitur, & ad actionem non fit progressus.

*An verò ista omnia semper sunt in deliberatione excutienda?*

Non semper; sed tùm demum, cùm aliqua potest esse dubitatio, vel difficultas. De rebus enim manifestis nemo consultat, nisi fortè insaniat. Quodsi de rebus manifestis etiam deliberare velis, consultatio in infinitum protrahetur, nec uspiam consistet, & prorsus erit irrita.

*Potesne Consultationis modum exemplo illustrare?*

Possum. Tranquillitas, verbi gratiâ, Reipublicæ sit finis; ad hanc obtinendam necessarium est, ut hostes, qui Reipublicæ imminet, ab ea avertantur: hoc medium est fini proximum; sed nondum est ad manum. Duobus igitur modis hoc iterum parari potest; vel hostes vincendo, vel pacem cum illis componendo. Si commodius esse videatur pacem componere, legati, qui de pace agant, mittuntur, & modus, quo id perferri debeat, inquiritur. Atque hoc jam sit medium in inquisitione ultimum, in actione primum. Si verò bellum gerere placeat, quia id sine ducibus, militibus, apparatu bellico, commeatu geri non potest, ideo hæc paranda decernuntur. Ad hæc rursus

*pecuniâ*

part. gen. pecuniâ est opus, ea vel ex vectigalibus, vel tributis indicto colligitur, vel mutuò sumitur, aut ab amico dono accipitur, vel pluribus simul modis, aut omnibus istis paratur. Quod si unus modus sit commodissimus, is eligitur: si plures, aut omnes, ii simul decernuntur. Quod si medium occurrat, quod sit impossibile, verbi gratiâ, vel pecunia, vel miles nullo modo parari possit, cessat deliberatio & ad actionem non fit progressus. Si verò omnia suppetant, tum inquiritur, quomodo istis mediis quàm rectissimè uti, & victoriam, adeoq; tranquillitatem Reipub. possit consequi, & ab iis, quæ in deliberatione fuerunt postrema, actionis fit initium, quæ in deliberatione prima, in iis actio ultimò acquiescit.

## Sectio IV.

## De Proæresi seu Consilio.

## Quid est Proæresis?

**E**st appetitio ejus, quod antegressa deliberatione conclusum est.

## Quodnam est ejus objectum?

Idem quod deliberationis, ratione tantum distinctum. nam primò versatur circa media, secundariò seu consequenter circa finem, quemadmodum & deliberatio. Differentia in eo est, quod media, cùm nondum sint certò constituta, deliberationis proprium sunt objectum; cùm jam constituta, proærescos materia fiunt.

Quæ



*Quæ sunt ipsius principia?*

Principia Proæreseos, quæ quidem in ipso sunt homine, duo constituit Aristoteles: *Rationem & Appetitum*, quæ inter se conspirare debent, ita ut, quod ratio affirmat, appetitus cupiat: quodd illa negat, hîc fugiat. Addi tamen his duobus potest tertium principium, nempe *Voluntas libera*, quæ, ratione aliquo modo præeunte, in hanc aut illam partem se inclinat, & appetitum secum trahit.

*Quotuplex est Proeresis?*

Duplex. Bona & mala. Bona quidem cum ratio id, quod rectum est, monstrat, & appetitus sequitur: mala si contra fiat. Illa virtutis; hæc vitiorum est.

*Quo sensu supra dictum est virtutem esse habitum cum Proæresi seu consilio?*

Non quod virtus semper deliberatione utatur, & sic demum aliquid faciendum discernat: (interdum enim res adeo est manifesta, viro præsertim prudenti, ut deliberatione non egeat: interdum temporis angustia deliberationem excludit, cum subito aliquid est faciendum:) Sed quod is, qui virtute præditus est, cum res postulat, & tempus permittit, non nisi cum consilio & deliberatione ad agendum accedat.

*An laude aut vituperatione carent actiones, cum Proæresis non accedit?*

Non:

Non. Satis est enim ad laudem, ut sponte facias id, quod rectum est; ad vituperationem, si sponte malum committas: Præclari-  
or tamen solet fieri actio bona, mala verò  
deterior, cum Proxeris accedit, & vel vir-  
tutis habitum, vel vitii arguere, si sit perfe-  
cta & constans.

Hactenus de Virrute Morali in genere.

## DE SPECIEBUS VIRTUTIS MORALIS.

### *Virtutis moralis Divisio.*

*Quotuplices sunt virtutes morales, & ad ci-  
vilem vitam pertinentes?*

**T**Riplices: aliæ ad nos ipsos potissimum  
respiciunt: aliæ ad alios: aliæ partim ad  
nos, partim ad alios, quas veluti medias me-  
dio etiam loco persequemur.

*Quenam sunt illæ virtutes, quæ ad nos potissi-  
mum respiciunt?*

Quæ cupiditates eorum bonorum, quæ ad  
nos referuntur, & ab aliis bona per accidens di-  
cuntur, regunt ac moderantur.

*Quenam sunt illa bona?*

Voluptates corporis, honores, & divitiæ.

*Quæ virtus versatur circa voluptates corporis?*

Temperantia.

*Quæ circa honores?*

Magnanimitas & Modestia. Illa circa honores  
magno

magnos ac minimè vulgares: hæc circa vulgares & ulitatos.

*Que circa divitias?*

Divitiæ duplici modo considerantur: vel quatenus ad nos referuntur, & nobis oblatae vel accipi, vel repudiari possunt: vel quatenus à nobis in aliorum usus cōverti queunt. Priori modo consideratae Magnanimitatis sunt objectum secundarium. Posteriori modo spectatae, quarum virtutum sint materia, postea dicetur.

*Quotuplices sunt virtutes eæ, quæ partim ad nos, partim ad alios spectant?*

Duplices: vel enim versantur in malis, quæ nobis ab aliis vel inferuntur, vel imminēt: vel in eo affectu coërcendo, qui aliis mala inferre jubet, hoc est, in Ira.

*Quenam virtus versatur in malis, quæ nobis ab aliis vel inferuntur, vel imminēt?*

Fortitudo & Patientia. Illa propriè in futuris: hæc in præsentibus malis cernitur.

*Quenam versatur in Ira?*

Mansuetudo.

*Quenam sunt virtutes, quæ ad alios potissimum respiciunt?*

Quæ non tam affectus, quam actiones adversus alios regunt ac moderantur.

*Quotuplices sunt?*

Duplices: vel enim in tribuendo & alienis bonis

bonis procurandis consistunt, & extra familiarem convivium possunt exerceri: vel in communicatione sermonum & in familiari convivio regendo cernuntur.

*Quotuplices sunt illæ, quæ in alienis bonis curandis cernuntur?*

Duplices: vel enim aliis tribuimus, quæ ipsorum sunt: vel de nostro illis largimur, operamve nostram præstamus.

*Quenam virtus versatur in tribuendis alienis?*  
*Iustitia.*

*Quæ virtutes versantur in tribuendo nostro, operave aliis præstanda?*

*Beneficentia, quæ Liberalitatem in se complectitur & Magnificentiam.* Illa in usitatis ac vulgaribus sumtibus, aut opera præstanda versatur; hæc in magnis & inusitatis impensis faciendis.

*Quotuplices sunt virtutes, quæ in convivio familiari versantur?*

Duplices statuuntur ab Aristotele: Vel enim in sermonibus seriis cernuntur: vel in jocosis. quod posterius nos cum grano, ut ajunt, salis admittimus.

*Quotuplices sunt iterum virtutes, quæ in sermonibus seriis versantur?*

Iterum duplices. nam vel veritatem dictorum spectant: & hæc est *Veritas*: vel jucunditatem



tatem ac commodum, quod ad alios ex iis part. spec.  
redundet, & dicitur *Amicitia*, vel *Humanitas*.

*Quenam virtus versatur circa sermones  
jocosos?*

*Urbanitas*, quam nos, quatenus ab *Humanitate* sejungitur, pro virtute non habemus.

*Annon sunt adhuc aliqui habitus laudabiles,  
qui virtutes appellari possunt?*

Sunt aliqui; sed ii vel sub his continentur, tanquam species quædam sub suis generibus; vel ad eos propter affinitatem reduci possunt, ut *Gratitudo*, cum pro habitu quodam sumitur, partim ad *Iustitiam*, partim ad *Beneficientiam* revocatur.

*An omnes virtutes enumeratæ sunt prorsus  
pares?*

Non: quædam enim sine flagitio omitti non possunt, ut *Iustitia*, *Mansuetudo*, quæ crudelitati opponitur, *Castitas*, quæ *Temperantiæ* pars est. Aliæ non quidem sine turpitudine, sine scelere tamen ac flagitio, quod civiliter ita dicatur, ferè negliguntur. Dico ferè: quia nonnunquam fit, ut quædam earum officia negligere flagitiosum judicetur. Huc refertur *Liberalitas*, *Magnificentia*, *Magnanimitas*, *Humanitas*, & aliæ.

## C A P V T I.

### De Temperantia.

C

Quid

*Quid est Temperantia?*

**T**emperantia est Virtus circa voluptates belluinas gustus & tactus, hoc est, circa voluptates cibi ac potus & venereas.

*Quotuplex est?*

Duplex. *Sobrietas & Castitas.*

*Quid est Sobrietas?*

Est temperantia in voluptatibus cibi ac potus.

*Quotuplicia sunt quia Sobrietatis?*

Triplicia: quædam ad perfruitionem voluptatum istarum pertinent: quædam ad earum desiderium: quædam deniq; ad dolorem ex earum absentia ortum, quæ distributio etiam in officiis castitatis per se locum habet.

*Quotuplicia sunt ea, quæ ad perfruitionem voluptatum ex cibo & potu manantium pertinent?*

Duplicia: quædam sunt potissimum spectanda: quædam secundariò.

*Quæ sunt potissimum spectanda?*

Quantitas & qualitas cibi ac potus.

*Quid quantitatem vocas?*

Copiam ac paucitatem.

*Quid qualitatem?*

Suavitatem, ejusq; contrarium: quod etiam precium revocamus.

*Quodnam*

*Quodnam est præceptum primum in quantitate ac qualitate cibi ac potus observandum?*

Vt tantum sumas cibi ac potus, non amplius, taliq; utaris victu, qualem vitæ ac valetudinis tuæ ratio requirit, & vitæ genus laboresq; tui postulant. Cibus enim vitæ ac valetudini, hæc laboribus honestis servire debet. Itaq; alio victu pro constitutione corporis, pro ratione laborum uteris: alio cum eger es, alio cum sanus: alio is, qui literas tractat, alio sorsor aut arator.

*Quod est secundum?*

Vt caveas, ne cor (ut Servator noster loquitur) cibo ac potu gravetur, hoc est, ne animus ad divinarum rerum meditationem, ad devotionem præcû planè ineptus reddatur.

*Quod tertium?*

Ne eo utaris victu, qui cupiditates voluptatum turpium facile excitet, & ut Paulus loquitur, ne carnis curam geras ad concupiscentias: quod præceptum juvenibus imprimis est observandum.

*Annon jejunium huc etiam pertinet?*

Pertinet. Nam si metuas, ne corpus luxuri-  
et, aut ejus stimulos jam sentias, satius est et  
victum ad tempus subducere, ut rationi facilius pareat.

*Quid in qualitate cibi ac potus potissimum est observandum?*

C 2

Ne

Ne rem familiarem, lautiori ac pretiosiori cibo utens, quam necessitas postulat, exhaustas, aut id, quod in pauperes conferre debes, gulæ impendas, aut desiderium voluptatum corporis deliciarum usu irrites. Itaque cibi ac potus condimenta potissima sint famæ ac sitis: ea quæ sine famæ cupiditatem edendi, sine siti cupiditatem bibendi excitant, ægris permilla sunt.

*Quenam sunt secundo in perfruitione istarum voluptatum spectanda?*

*Primo*, ne multum temporis in cibo ac potu capiendo, utut alias videaris moderatè id facere, conteras. *Secundo*, ne tum, cum res magis necessariae sunt tractandæ, veluti cum sacris operandum, ventrem cures. Sunt quidem & alia, sed quia in illis rariùs peccatur, aut minus graviter, ea brevitatis causâ omitimus.

*Quid in desiderio istarum voluptatum, & dolore ex earum absentia orto est observandum?*

Id audies tum, cum Castitatis præcepta, quæ altera est Temperantiæ species, exponemus.

*Quid est Castitas?*

Est temperantia in voluptatibus venereis.

*Quotuplicia sunt hujus virtutis præcepta?*

Duplicia, quædam per se ad eam pertinent, quæ-



quædam quodammodo per accidens. Et illa quidem, quæ per se huc pertinent, triplicia esse jam monuimus: nam vel ad perfruitionem voluptatum, vel ad desiderium, vel ad tædium ex earum absentia ortum spectant.

*Quid in perfruitione spectandum?*

Vt ea legitimæ matrimonii cancellis circumscribatur, parcissima sit, ac verecundissima.

*Quid in desiderio?*

Ne inhonestas voluptates unquam desideres: honestas moderatè, suoq; tempore & ætate.

*Quot modis in inhonestarum voluptatum desiderio peccari solet?*

Duobus: Vel dum decernit quispiam, se iis potiturum, & occasionem tantum expectat: vel non decernit quidem; animum tamen earum cogitatione titillat, quæ duo in omnium rerum inhonestarum cupiditatibus vitanda sunt.

*Quid ergo faciendum est, si rei turpis cogitatio obrepit?*

Ea statim excutienda est animo, & cogitatio aliò convertenda: quod si constanter velis, precibus ac meditationi rerum divinarum vaces, moderatione victus corpus coercereas, somnum atq; otium vites, honestis studiis ac laboribus occuperis, non difficulter assequeris.

*Quenam per accidens quodammodo huc  
pertinent?*

1. Ut oculi, aures, manus sint continentes, hoc est, ne quid aspiciatur, legatur, audiatur, attrectetur, quod istarum voluptatum desiderium in nobis excitet. 2. Ut lingua etiam nostra, & totius corporis gestus & habitus sit verecundus, ne in aliis turpium voluptatum cogitationem ac desiderium excitemus.

*Quanam hujus virtutis est perfectio?*

Virginitas perpetua, hoc est, perpetua ab hoc voluptatum genere abstinencia, corporis & animi puritatem servans: qualis in Domino Iesu & Paulo fuit. Hanc qui capere potest capiat: an quis autem capere possit, in ætatis juvenilis flore cognoscendum est.

*Quanam sunt extrema, seu vitia Temperantiae opposita?*

Intemperantia, & ἀναιδηςία seu stupor.

*Quid est Intemperantia?*

Est vitium, quod in voluptatibus cibi ac potus, aut venereis modum superat.

*Quae sunt hujus species?*

Duae: Ingluvies sive Gula; & Libido atq; Impuritas: quarum illa Sobrietati; hæc Castitati adversatur.

*Quid est Ingluvies?*

Est Intemperantia in cibo ac potu.

*Quomodo dividitur?*

In Vo-

In Voracitatem, & Ebrietatem. Illa ingluvies part. spec.  
in cibo est; hæc in potu.

*Quid est Libido?*

Intemperantia in voluptatibus venereis.

*An sunt ejus species?*

Sunt variæ: sed de iis honestius tacemus,  
quàm loquimur.

*Quid est ἀναίδυια seu stupor?*

Est vitium in voluptatibus cibi ac potus &  
venereis modum deserens: seu cum quadam  
naturæ injuriâ genium defraudans, & à ne-  
cessariis etiam ac honestis voluptatibus ab-  
stinens. Sed hoc adeò rarum est, ut nomen  
vulgò non invenerit, nec species ejus con-  
stituatur, licet ex contrariorum natura  
constitui faciliè possint.

*Verum vitium est deterius, Intemperantia an  
Stupor?*

Intemperantia. Ratio ex cap 3. tract. de vir-  
tute in genere peti potest.

## C A P V T II.

De Magnanimitate.

*Quot modis Magnanimitatis vox accipitur?*

**D**Vobis potissimum: Latè & strictè: Latè,  
pro ea virtute, quæ in despicientia re-  
rum humanarum & vitæ ipsius cernitur. quæ  
despicientia facit, ut etiam res arduas ac dif-  
ficiles suscipias. *Strictè*, pro ea virtute, quæ in  
despi-

despicientia bonorum ac malorum exter-  
norum, præsertim magnorum spectatur.

*Quæ verò sunt externa illa bona, aut mala,  
circa quæ Magnanimitas strictius sumta  
versatur?*

Bona quidem sunt Honores. & Divitiæ: Mala  
verò iis contraria, Ignominia, & Paupertas, o-  
pumq; jactura.

*Quid verò Honorum nomine intelligi?*

Non tantum nudam alienæ de dignitate  
nostra opinionis significationem, sive in ver-  
bis, sive in gestibus consistentem, sed magi-  
stratus quoq; & imperia, & si quæ sunt alia  
his similia, quæ ad dignitatem cujusq; spe-  
ctant.

*Quenam sunt præcepta Magnanimitatis la-  
xius sumte?*

I. Ne magnanimus bonū ullum, præter Im-  
mortalitatem, Sapientiā ac Virtutem magni  
faciat, nec, nisi qua necesse est, appetat, aut in  
eo parando retinendoq; anxie laboret.

II. Hinc consequitur alterum, ut animo  
semper tranquillo, ac constanti sit, fortunæ  
ac perturbationi nulli cedat, nec secundis ef-  
feratur, nec adversis animo frangatur, nec  
nimis confidat propter temeritatem, nec de-  
speret propter ignaviam.

III. Ut gerat res magnas, vehementer uti-  
les, præsertim publicè, laboris ac periculi  
plenas.

Num



*Num supersunt etiam alia ejusdem virtutis officia?*

Sunt quidem & alia, sed ea partim in Magnanimitatis strictius sumta; partim in Fortitudinis explicatione tradentur. Hæ enim duæ virtutes illius quædam partes sunt; quanquam eadem Magnanimitas ex aliis etiam virtutibus multa sumit, in id quicquid ferè in quavis virtute maximè splendet, id illa sibi decerpit. quare ea ex singularum virtutum tractatione petantur.

*Quenam verò sunt præcepta Magnanimitati strictius sumta?*

Ea sunt duplicia, prout & illius stratum seu objectum: alia enim ad Honorem & Ignominiam; alia ad Divitias earumq; contrarium spectant.

*Quenam ergo ad Honores & Ignominiam spectant?*

I. Operam dare debet Magnanimus, ut ab omnibus; sed maximè à viris prudentibus ac virtute præstantibus laudari ac honorari sit dignus: quod quidem fiet, si quam præclarissima semper suscipiat.

II. Honores, quibus dignus est ac magistratus, quibus par esse potest quærere, aut oblatos admittere tunc debet, cum videt, eos sibi ad res eximias, atq; inprimis ad bonorum defensionem fore adjumento; cæteroquin eos spernere potius debet. C 5 III.

III. Ignominiam etiam contemnat, cum sciat, eâ se immeritò affici, & speretam tandem exolescere: calumnias tamen, quæ fidem fortè apud alios invenire, & famam ejus lādere possent, tum verbis, tum factis refutet.

IV. Non moveatur rumoribus imperitorū, ac multo minus improborum, ut honestatem negligat, aut in publica peccet commoda, Fabii exemplo, ut de eo cecinit Ennius:

*Vnus cunctando Romanam restituit rem:*

*Non ponebat enim rumores ante salutem.*

*Quenam in opum aut bonorum jactura Magnanimo sunt observanda?*

I. Pecuniā non amet, oculatamq; vel repudiet, si id quæri videat, ut aliis fiat obnoxius: vel beneficentiæ potissimum causā capiat.

II. In paupertate bonorumvé jactura ne sit querulus, nec, nisi necessitate quadam compulsus, aliorum opem imploret.

*Quæ sunt vitia Magnanimitati opposita?*

Potissimum quidem *Pusillanimitas*; sed opponitur tamen etiam *nimia quedam animi elatio*, quæ partim in *Superbia*; partim in *Audacia* consistit. de quibus duobus posterioribus in sequentium virtutum explicatione agetur: illa enim *Modestiae* magis propriè opponitur; hæc *Fortitudini*.

*Quid est Pusillanimitas?*

ER

Est vitium ea, quæ contemni debent, maioris æstimans, & ardua ob metum quendam refugiens. Ejus pars quædā est *Ignavia* seu *Timiditas*, de qua in Fortitudinis explicatione.

## C A P V T I I I.

### De Modestia.

#### *Quid est Modestia?*

**E**ST virtus, quæ honoris cupiditatem moderatur.

#### *Quo pacto ea differt à Magnanimitate?*

Eo, quod *Magnanimitas* dignitatem suam, suasque vires aliqua ratione æstimat, & honores, præsertim vulgares, tanquam infra suam dignitatem positos, contemnit: quos verò ambit aut admittit, eos vel non supra dignitatem, vel non supra vires suas æstimat. At *Modestia* indignitatem suam ac vilitatem potius considerat, & propterea laudis ac honoris cupiditati fræna inijcit.

#### *Annon ergo duarum istarum virtutum officia sese mutuò perdunt?*

Non: Nam si dignitas atque indignitas quædam, seu vilitas in eodem homine concurrere possunt, ab eodem etiam homine æstimari non modo possunt, sed & debent: quisque enim se ipsum nosse debet. Et dignitas quidem consideranda est, ne se quispiam ad res indignas abijciat, aut à rebus præclaris ob-

ani-

part. spec. animi abjectionem refugiat: vilitas autem atq; indignitas, ne se nimium eleuet.

*Quæ ergo sunt modestiæ officia?*

I. Ne quis se majoribus dignum honoribus judicet, quam revera dign<sup>9</sup> sit: quod maximè tum ei cavendum est, cùm ab aliis laudatur.

II. Ne eos honores ac laudes, quibus dignus est, cupidè persequatur.

III. Ne alios debito honore ac laude ulla ex parte fraudet.

IV. Ne nimium vel in cultu corporis, vel in reliquo apparatu splendorem sectetur.

*Quibus autem modis primum consequitur homo modestus?*

Istis: 1. ne bona, quibus honor deferri solet, sibi arroget, quibus planè caret. 2. Ne, si quæ habet, majora esse sibi persuadeat, quam revera sunt. 3. ne ea, quibus est ornatus, majori honore digna censeat, quam revera sunt. 4. deniq; ne ea sibi potissimùm imputet, & quæ Deo, nonnunquam secundùm Deum etiam aliis adscribenda sunt, suæ industriæ, virtuti, ingenio adscribat, atq; ad suam potissimùm laudem referat.

*Quot modis consequitur alterum?*

Istis: 1. ne se ipsum laudet, aut ab aliis laudari ac honorari se velle significet, & ejus rei ansam aliquam præbeat. Hoc autem inter alia obliqua via à nonnullis fit, dum se ipsos

vitu-



vituperant, suas vè laudes dotesq; extenuant: ii enim, qui id audiunt, ne videantur eorum vituperationem approbare, eos vè parvi pendere, coguntur dicta illorum aliquo modo refellere, & aliquid ad ipsorum laudem dicere.

2. Si quis tamen interdum honor sit vel quærendus, vel admittendus, ne nimium exultet, & se eo nimium capi, ac laude suâ titillari aliqua ratione significet. Sed idè tantùm id se facere ostendat, ut occasionem habeat, res præclaras suscipiendi ac perficiendi, quemadmodum in magnanimitatis præceptis dictum est: vel quia benevolentiam aliorum erga se, cujus indicium est honor ipsi delatus & honestum ipsius præconium, delectetur.

*Quomodo verò tertium consequitur homo modestus?*

1. Si neminem præ se contemnat, utut aliàs vilem atq; abjectum; & in omnibus hominibus Dei, quam gerunt, suspiciat ac veneretur imaginem. Quod si aliis præterea dotibus sint ornati, eas se in iis & agnoscere & colere pro cuiusq; dignitate ostendat.

2. Ut eos inprimis colat, quorum operâ illa, quibus præditus est, bona fuerit consecutus, & adeorum laudem ea libenter referat. Cum verò omnia à Deo primùm profluant,  
ejus-

ejusq; benignitati sint imputanda, ad ejus maximè laudem atq; honorem omnia ea sunt convertenda, isq; quam demississimè est venerandus.

3. Ad omne officii genus etiam vile & abjectum aliis, præsertim Christianæ religionis vinculo ipsi devinctis, paratus esse debet, cùm res atq; usus postulat.

4. Deniq; promptè debet obsequi iis, & singulari quodam honoris genere prosequi, sub quorum est potestate. Sumus autem omnes primùm sub potestate supremi numinis; pleriq; sub imperio magistratus; liberi sub parentum; servi sub dominorum; discipuli sub præceptorum suorum regimine.

*Quomodo ultimum consequitur modestus?*

Si non modo aliis ejusdem ordinis ac conditionis hominibus splendidius sese ac sumptuosius non ornet; sed etiam aliquantò vilius; nisi gravis quædam caula eò compellat, ut majorem quendam apparatus, ac cultum corporis splendidiorem quærat: quam ad rem utile est, proponere sibi exemplum virorum ejusdem ordinis gravium ac honoratorum, Modestia ac Frugalitate reliquos superantium.

*Quenam sunt vitia Modestie opposita?*

Potissimum quidem *Superbia* atq; *Arrogantia*, quæ *Iactantiam* vel sub se complectitur, vel

vel ex se parit. Deinde *Nimia animi abjectio* seu *vilitas*, quam Latini *Humilitatem* vocant; licet ea vox pro *Modestia* hodiè usurpetur. Hæc quia ad Pusillanimitatem ferè pertinet, ideo non est necesse, de ea plura dicere, præsertim quia ferè est rarior.

*Quid verò est Superbia?*

Vitium in appetendis honoribus modum superans.

*Quot modis illud committitur?*

Totidem, quot exercetur *Modestia*, ex cujus officiis facilè de *Superbiæ* ingenio judicari potest.

## C A P V T IV.

De Fortitudine & Patientia.

*Quot modis Fortitudinis vox accipitur?*

**D**uobus: primò propriè, in qua significatione nos mox definiemus. Deinde impropriè, pro quavis affectione, quæ Fortitudini propriè dictæ sit similis, & in quovis siue periculo, siue malo intrepidè sustinendo versetur.

*Quid est Fortitudo propriè dicta?*

Est virtus, quæ in morte pulcherrima, & periculis ejus impendentibus cernitur.

*Quæ est illa Mors pulcherrima?*

Christianis ea est mors pulcherrima, idq̃ verè, quæ pietatis causâ subitur: Politicis, iis præ-

præsertim, qui à Christiana religione alieni sunt, *Mors bellica*. Vnde duplex quodammodo oritur Fortitudo: *Christiana*, quæ verè hoc nomen meretur, & *Politica*, quæ virtutis nomen hodiè vix sustinet.

*Quæ est mors pietatis causa suscepta?*

Est ea, cùm, nisi mortem subire velis, vel veritas foret prodenda, vel quippiam aliud adversus divina mandata committendum: vel cum pro aliis, fratribus præsertim, animæ ponitur, hoc est, idè mors ejusvè discrimen subitur, ut eorum vitæ, vel æternæ, vel temporariæ consulatur.

*Annon sunt alia etiam pericula & mala, in quibus perferendis Fortitudo versatur?*

Sunt: nempe ea omnia, quæ eundem ad finem spectant, id est, ad pietatem ac justitiæ tuendam, eaq; morte nominatâ, tacitè comprehenduntur. Qui enim mortem adire justitiæ causâ non horret, multo facilius cætera mala propter eandem spernet.

*Quomodo distinguitur Fortitudo?*

In duas veluti partes: *Fortitudinem* strictiùs sumtam, & *Patientiam*. Illa in periculis mortis pulcherrimæ, aliorumq; malorum similium, versatur: hæc in ipsa illa morte, aut malis perferendis: illa metum ac fiduciam regit: hæc tristitiam.

*Quæ*



*Quæ sunt præcepta ad Fortitudinem Christianam spectantia?*

I. Ne ad pericula, evidentia præsertim, ac gravia properes: sed diligenter consideres, an ea sit adire necesse: tunc autem necesse est, si non possis discrimen effugere, nisi aliquod præceptum divinum violes.

II. Animus ita muniendus est, ne periculorum magnitudine frangaris, sed ut, quantum ejus fieri potest, & rei fert natura, intrepidus sis ac constans, nec quicquam indignum te admittas, nihil examinatum aut dicas, aut facias, quod etiam in ipsa malorum perpeffione observandum est; imò etiam opera danda, ut cum gaudio quodam mala omnia justitiæ causâ perferas.

III. Cum de æterna aliorum salute agitur, vitæ, si ita res exigat, minimè parcendum est. Sed cum de temporaria aliorum vitâ conservanda agitur, discrimen constitutum est inter fratres, hoc est, eos, qui Christianæ religionis societate nobiscum sunt juncti, & alienos. Pro alienis ut Christianus homo vitam divinæ gloriæ consecratam perdat, non est necesse, imò ne decet quidem: alia multa pro iis impendere, facere, ac perpeti non solum licet, sed etiam decet, præsertim si homines sint non improbi, aut certe si nō videantur insanabiles. Pro fratris

D

vitâ

part. spec. vitâ temporariâ nostra tum in discrimen ad-  
ducenda est, cum illius vita divinæ gloriæ,  
aliorumq; saluti vel utilior est, vel æque uti-  
lis atq; nostra: vel si videamus, aut ipsum vi-  
tæ hujus amore inductum, aut ejus necessa-  
rios, uxorem præsertim ac liberos ab ipso  
desertos, facillimè aliquid facturos, quod æ-  
ternum illis afferat interitum. Nam tum  
consendum est, æternam aliorum salutem a-  
gi, licet per accidens tantum.

IV. Sic nec, ut fratrem, aut quemvis alium  
tali commodò augeamus, quod ad vitæ con-  
servationem haudquaquam sit necessari-  
um, etiamsi tandem sit insignis, decet ho-  
minem Christianum vitam suam in præsens  
conjicere periculum: sed tum demum, cùm  
salus aliorum simul agitur, aut res illa ad di-  
vinam gloriam insigniter promovendam  
pertinet.

V. Quam ob causam mortis discrimen ad-  
eundum esse diximus, ob eandem multò  
magis alia sunt pericula subeunda, aut da-  
mna doloresq; perferendi. Quod si de aliis,  
commodis, fratrum præsertim, augendis a-  
gatur, hoc semper spectetur, num ad alios ex  
tuo periculo boni plus, quàm ad te damni sit  
rediturum. Majus enim damnum propter  
minus incommodum incurrere velle stul-  
tum est.

VI. Quod ad alia sive pericula, sive mala attinet, in quæ non ob iustitiam, sed aliam quamcunque causam, sive humanam improbitatem, sive divinam castigationem, sive denique casum aliquem incurrimus, ea etiam moderatè ferre debet vir fortis, nec committere, ut ab animi tranquillitate deducatur, aut quicquam per impatientiam dicat, aut faciat, quod vel in Deum, vel in alios sit injurium, vel animo virili indignum. Nam etsi in his propriè non versetur fortitudo, efficit tamen, ut etiam in aliis rectè te geras.

*Quæ præcepta Fortitudinù politica seu bellice tradi possunt?*

I. Ut bellum justè suscipiatur. Iustè autem suscipi statuunt, cum injurias, easq; graves vel à nobis, vel à nostris, hoc est, patria, parentibus, uxore, liberis, cognatis, amicis aliter depellere non licet, & ab iis suscipitur, quibus vindicandi aut defendendi legitima est potestas. Omnia enim priùs tentanda esse monent, quàm ad arma deveniatur, & ei, qui vindicandi legitimam potestatem non habet, mussitandam potius vel ferendam esse injuriam, quàm vi repellendam.

II. Ut justè etiam geratur. Ad quod *Primum* pertinere putant, ut bellum iusto tempore indicatur. *Deinde*, ne quis dolo malo, aut per-

part. spec. fiducia utatur in hostem, ne item venenis.

III. Ut in periculis adeundis tum prudentia adhibeatur, tum animi constantia, & virtus, si ita res exigat, non parcatur.

IV. Ne sæviatur in victos, eos præsertim, qui se fidei tuæ permiserunt: inermi vis ne inferatur, & ubiq; detur opera, ne ad innocentes calamitas belli perveniat.

*Quæ sunt vitia Fortitudini opposita?*

*Audacia, & Timiditas, seu Ignavia.*

*Quid est Audacia?*

Est vitiū in pericula temerè sese coniiciens.

*Quid Ignavia?*

Vitium in metu modum superans, aut pericula nimium fugiens.

*Annon miscentur aliquo modo ista vitia?*

Miscentur: nam nonnulli sunt ante pericula, aut etiam inter initia periculorum feroces, in ipsis animum despondent, qui Græcis dicuntur *θρασύδειλοι*. Ad hoc genus etiam illi pertinent, qui sibi ipsis manus violentas inferunt: nam audaces videntur, quod mortem non horreant; timidi, quod id ob impatientiam, aut metum cruciatuum, ignominia, aliorumq; malorum faciant.



CAPVT V.

De Mansuetudine &  
Clementia.

*Quid est Mansuetudo?*

**E**st virtus, quæ in ira moderanda cernitur.

*Quid est Ira?*

Est cupiditas reponendi doloris orta ex opinione injuriæ.

*An mansuetudo etiam non versatur circa  
vindictam?*

Versatur: nam dum circa iram versatur, versatur etiam in ejus effectu proprio, is autem est Vindicta. Nam dolor ille, quo iratus affici vult eum, qui videtur læsisse, injuriâ, vindicta est, latè hoc nomine extenso, ut quamvis pœnam etiam à legitima potestate infligam comprehendat.

*Quæ sunt præcepta Mansuetudinis generalia?*

I. Ne unquam innocenti, licet fortasse cum eo, qui te tuosvé læsit, conjuncto irascaris, & tanquam injuriæ participem atq; affinem tractare cupias. Quare nec patri innocenti propter filium, nec contra irasci debes.

II. Ne unquam adeo efferaris ira, ut eum, qui te revera læsit, puniendum statuas, aut te ipsâ punias, cum tantum in finem, ut ipsi male sit, & tu cupiditatem tuam exsaties, siue pœna illa delicto sit par, siue minus. Hæc e-

nim est vindicta strictius sumpta, quæ in Sacris Literis prohibetur, & ejus cupiditas est ira illa, quæ in peccatorum gravissimorum numero reponitur.

III. Ut tardè animo commovearis, ac diu molestias & injurias feras, nec ad pñam properes, quod vox *μακροθυμία*, hoc est, *Longanimitatis* indicat, quā virtus hæc in Sacris Literis insignitur.

IV. Ut si contingat aliquando te commoveri, ne graviter irasceris, sed iram facilè deponas, tum per te ipsum, tum multo magis, si alterum delicti pñiteat, & is culpam deprecetur, id quod Græcè *πραότης*, seu *Lenitatis* ac *Placabilitatis* nomen postulat.

V. Ut ei etiam, qui læserat, benefacere studeas, ei comem tum in vultu, tum in verbis te præbeas, & ejus injurias beneficiis vincas: id quod *χρηστότης* nomine exprimitur.

*Quotuplex est Mansuetudo?*

Duplex: vel enim est Privati erga quemcunq: vel ejus, qui aliquod imperii ac potestatis genus habet in alterum. Illa generale tantum Mansuetudinis nomen retinet: hæc speciali nomine *Clementia* dicitur.

*Quid est clementia?*

Est lenitas superioris erga inferiorem, seu mansuetudo ejus, qui regit, in eum, qui potestati ejus subjectus est. Regit autem in un-

55 *& Clementia.* Cap. V.  
verſo Deus: in Republica Magiſtratus: in bel- part. ſpec.  
lo Imperator: in familiâ Pater, ſeu Herus.

*Quotuplicia ſunt Clementia præcepta?*

Duplicia: quædam ad pœnæ remiſſionem  
pertinent; quædam ad moderatam pœna-  
rum inſiſtentionem.

*Quenam ſunt in condonatione pœnæ ſpe-  
ctanda?*

I. Spectandum eſt ipſius delicti genus, ſeu  
peccati per ſe conſiderati gravitas, aut levi-  
tas. Levioribus enim facilius dari poteſt ve-  
nia, quàm gravioribus, cæteris paribus.

II. Spectandum eſt, an ex imprudentia aut  
imbecillitate quadam hominibus familiari  
delicta fuerint proſecta: qua in re ætatis, ju-  
dicii, virium, occaſionis, avocamentorum &  
irritamentorum, quæ nunc majora ſunt,  
nunc minora, diligens habenda eſt ratio. Im-  
prudencia enim & imbecillitas delictum e-  
levant, aut mitigant.

III. Spectanda eſt ante acta vita: nam qui  
rariùs ac minùs graviter peccarunt, iis vel  
condonanda eſt culpa, vel mitiùs cum iis a-  
gendum.

IV. Ratio habenda eſt reſipiſcentiæ, ac do-  
loris factum conſequentis: nam ii, qui gravi-  
ter dolent factum, contumaces non ſunt, &  
dolor illis inſtar pœnæ eſt.

*Quæ*

I. Ut non nisi eos punias, qui meriti sunt, nec ultra meritum: quod præceptum etiam ad Iusticiam pertinet.

II. Ut non nisi eos punias, qui vel contumaces sunt ac refractarii: vel aliis ad facinorosa fuerunt autores: vel impunitate deteriores possunt fieri: vel quorum impunitate alii corrumpi possent: vel deniq; cum invidiosum foret punienti, illis prorsus ignoscere, aliis pœnæ subjectis. Potissimum autem puniendi sunt contumaces, & antesignani scelerum, qui imperium aut leges contemnunt, ordinem bonum in societate turbant & disciplinæ nervum convellunt. Contumacia autem vel proditur apertè, contemptu imperii, qui verbis aut factis declaratur; vel ex his potissimum indiciis colligitur: 1. ex eo, quod quis idem delictum sæpius, præsertim monitus, iteret. 2. quod sciens prudens spretis admonitionibus, minis, castigationibus præcedentibus, multisq; aliis, quæ cum à peccato dehortari possunt, aliquid admittat, præsertim grave, ac sæpius idem repetat. 3. quod dolor & resipiscentia delictum, etiam post admonitiones & objurgationes, non consequatur.

III. In pœnâ infligenda observandum est, ne  
is, qui



is, qui punit, alterius pœna per se delectetur, aut ullam ex ea se capere voluptatem ostendat. Ideoq; si fieri commodè possit, per alium eam potius, quam per se ipsum exequatur, ac ne spectet quidem.

IV. Acerbitas ac contumelia, quam coërcendorum delictorum ratio non omninò postulat, absit à pœna; quod fiet, si ea infra delicti meritum subsistat, & ei, qui pœnam sustinet, non insultetur adhuc & illudatur.

V. Caveatur, ne eo usq; progrediatur supplicii severitas, ut is, qui punitur, vel corrigi amplius nequeat, vel necessariis superesse laboribus non possit.

VI. Cùm multi simul peccarunt, danda est opera, ut pœna ad paucos, metus verò ad omnes perveniat: quod fiet, si facinorum auctores & antesignani potissimùm puniantur.

VII. Ne castigatione irritentur eorum animi, qui eam sustinent: quod fiet, si prius verbis ostenderis, eos justè puniri, ac moderationem in ipsa pœna adhibeas: nec enim irascimur, cùm justè nos aliquid pati arbitramur; sed cùm injustè, aut gravius, quàm conveniebat.

VIII. Ne privatam ex pœna utilitatem videaris quærere: quod tamen aliquatenus licet, cùm is, qui punit, est pars læsa, & id agit, ne in posterum lædatur.

D. s. . . . . Quoru-

*Quotuplicia sunt præcepta Mansuetudinis,  
quâ uti debent ii, qui in alios imperium  
non habent?*

Duplicia: quædam enim usurpanda sunt ad-  
versus superiores, quædam adversus pares.

*Quomodo se gerere debet Mansuetus adver-  
sus superiores?*

Præter generalia Mansuetudinis præcepta,  
hoc I. observet, ne, si forte injuriam infer-  
re cogitent, vi illis resistat, sed vel jure se tu-  
eatur, vel precibus, tum suis, tum alienis in-  
juriam avertat, vel fuga aliavé honesta arte  
declinet, vel tandem, si declinare non possit,  
patienter ferat.

II. Illatam jam injuriam ne vindicet, sed si  
possit, restitutionem damni requirat, & de  
futura securitate, atq; ab injuriis immunita-  
te sibi caveri curet.

III. Ne irâ facilè commoveatur erga supe-  
riores, etiam eâ, quæ in pares aut inferiores  
licita est. Inprimis verò parentibus, aut iis,  
qui parentum loco sunt, quiq; plurimis ipsû  
beneficiis cumularunt, irasci caveat.

IV. Adversus Principes, etiam alienos, ma-  
jori utatur iræ continentia, quàm adversus  
alios quosvis.

*Quomodo se gerere debet Mansuetus erga  
pares?*

Hic distingvendum est tempus ante injuri-  
am, & post injuriam illatam.

I. An-

I. Ante injuriam illatam, ubi res patitur, jure potius, quam vi agendum est, & declinanda potius injuria, quàm durioribus modis repellenda.

II. Si aliter tutus esse nequeas, & res ita ferat, magistratus auxilium adversus eum, qui injuriam inferre conatur, implorare licet, ut vi etiam coërceat hominem, imò in quibusdam injuriæ generibus decet. Cavendum tamen est, ne vindicasse te jam videaris, & ne forte gravius malum, aut ei par, quod tu fuisses perpeffurus, incurrat is, quem ad magistratum defers.

III. Si magistratus opem implorare res non permittat, injuria tamen cogitata sit intolerabilis, defensio legitima est adhibenda, in quâ tamen omnis vindictæ cupiditas, de qua superius actum, cavenda est, & id tantum agendum, ut injuriam à te tuisq; avertas.

Post injuriam illatam I. Restitutionem damni legitimis modis etiam per magistratum licet requirere, si modo caveatur, ne is, qui læsit, pœnam ejusmodi simul incurrat, quæ vindictæ sit loco.

II. Pœnam læsus postulare non debet, nisi emendandi ejus causâ, qui peccavit, aut securitatis publicæ privatæq; gratia, iis præterea observatis, quæ de pœnarum inflictione supra docuimus.

Quæ

*Quæ sunt vitia Mansuetudini opposita?*  
*Iracundia*, sub quâ *Crudelitas* continetur, &  
*Aopynola* seu *Lentitudo*.

*Quid est Iracundia?*

Est vitium in irâ modum superans. Cùm autem de irâ loquimur, simul etiam vindictam, quæ illius proprius est affectus, intelligimus.

*Quibus modis committitur hoc vitium?*

Quinq; potissimùm modis. 1. Cùm quis irascitur iis, quibus non debet; ut *Parentibus*. 2. Cum ob eas causas, ob quas non debet; ut, cum quis ab amicis monetur. 3. Cum gravius aut diutius irascitur, quam debet. 4. Cum sese vindicat, sive verbis, sive factis, eo vindictæ genere, quod vitiosum esse docuimus. Et hîc propriè locum habet *Crudelitas*. 5. tandem cùm loci, aut rei, quæ agitur aut personarum, quæ adsunt, non habetur ratio: ut cùm quis in templo, cùm res divina peragitur, aut presentibus viris magni alijsq; quos revereri debemus, irâ, praesertim vehementiori, effervescat, & affectum indicium externum prodat.

*Quor sunt Iracundorum hominum genera?*

Duo potissimum: Primum eorum, qui quamvis ob causam, quibusvis celerius & vehementius irascuntur, quàm oportet; verum celeriter irasci desinunt, & iram non celant, sed statim veluti effundunt: inter quos illi, qui



qui celerrimè & vehementissimè irascuntur, part. spec.  
 ἀκρόχολοι dicuntur, quasi flavâ bile perciti.

Alterum genus eorum est, qui vehementer irascuntur, & ægrè desinunt irasci, ac prope modum sunt implacabiles. Atq; hi iterum sunt duplicis generis: Quidam enim ferè iustis tantum de causis irascuntur, sed iram premunt vindictæ occasionem expectantes; nonnunquam tamen longinquitate temporis injuriæ memoriam delent: & hi dicuntur πικροί, acerbī. Quidam verò quibusvis de causis gravissimè irascuntur, iram diu alunt, & non nisi vindicta sedari solent; & hi sunt omnium pessimi, dicunturq; ἄγριοι feri, sævi, atroces, immanes.

*Quotuplices sunt Iracundie causæ?*

Duplices. Internæ & Externæ. Internæ tres: *Temperamentum*, quale est cholicorum: *Imbecillitas*, & *Consuetudo*. Externæ sunt omnia, quæ contemptū nostri arguunt, aut desideriiis nostris, præsertim vehementiorib⁹, obstant.

*Quæ sunt iracundie remedia?*

I. Ut cogites, quantopere ipse in Deum peccaveris, & quantum tibi ab ipso, vel condonatum sit, vel condonari velis. Quam enim veniam à Deo expectat homo, eam homini denegare non debet.

II. Ut cogites, nunquid ipse in alios deliqueris, aut delinquere possis, adeoq; imbecillita-

cillitatem tuam agnoscens in alios ne sævi-  
as, & quam in altero desideras æquitatem,  
eâ ipse adversus alios utaris.

III. Ut iræ turpitudinem, & gravissima,  
quæ inde partim ad te, partim ad alios re-  
dundare possint, mala, sæpissimè consideres.  
Mala autem illa partim ad animum perti-  
nent, partim ad corpus; partim privata sunt,  
partim publica.

IV. Ut consideres & laudabile, & utile sæpe  
esse, non irasci, nec vindicare injurias. Nam  
quemadmodum jactatur senarius ille: *Vete-  
rem ferendo injuriam invites novam*; ita non re-  
pudiandus ille: *Veterem ferendo injuriam vites  
novam*. Præsertim cùm res est cum homini-  
bus non planè improbis, qui lenitate nostrâ  
emolliri, & emendari nonnunquam pos-  
sunt: & etiamsi invites injuriam novam, laus  
tamen apud cordatos, præmium apud De-  
um manet.

V. Ut expendas levitatem causarum, quæ  
iram nonnunquam excitant. Frivolis enim  
sæpe & inanibus turbamur.

VI. Ne quicquam bonorum caducorum,  
quæ ab aliis eripi tibi possent, nimis appetas,  
aut speres, aut de iis retinendis nimis sis an-  
xius: minus enim irasceris, si iis excidas.

VII. Ut fugias irarum occasiones, & cau-  
sas, quas potes præcidas. Itaq; inprimis sunt  
vitandæ.

vitanda colloquia cum hominibus contentiosis, morosis, superbis.

VIII. Ut, si forte irâ efferaris, moram adhibeas, antequam quicquam loquaris, aut facias, aut ad castigandum accedas. Quod si placeat Athenodori consilium Augusto datum, alphabetum prius animo percurras: vel potius precationem dominicam, in quâ vindictæ remedium præter moram reperies efficacissimum. Præterea etiam post primum iræ impetum danda est opera, ut oblivione, quam injuriarum remedium esse vetus asserit verbum, offensas sepelias.

IX. Consideres tum dicta, tum facta sapientum ac piorum virorum, quæ iram frænari posse ac, debere ostendunt. Sententiæ autem plurimæ, & exempla huc pertinentia tum in sacrâ, tum in profanâ historia extant.

X. Socrates Speculum iræ remedium esse dixit. Iræ enim deformitatem in facie apparentem quemq; ab ea dehortaturum putavit. Possunt etiam quædam ex medicinâ peti, cum iracundiâ ex temperamento pendet: inprimis autem fugiendus est cibus ac potus, qui nimium calefacit. *Hactenus de iracundiâ altero Mansuetudinis extremo.*

*Quid est Lentitudo?*

Est vitium in irâ modum deserens. Sed hoc ita rarum est, ut vulgo nomen non inveniret,

part. spec. rit, & committitur tum, cùm quis gravissimis sceleribus nihil commovetur, nec ad ea coërcenda animi quodam impetu fertur. Oritur enim ira interdum à recta ratione, ut in Domino Iesu apparet, de quo consulenda est sacra historia.

*Utrum extremum est deterius?*

Hoc quidem facilè est videre. Iracundiam enim deteriorem esse patet, 1. quia Ira, cui habenas laxat, est affectus vehementior. 2. quia ad eam natura sumus proniores. 3. quia frequentior. 4. quia damnosior & societati humanæ infestior.

## C A P V T VI.

### De Iustitia

#### Sectio Prima.

*Distinguitur Iustitia in Vniversalem  
& Particularem.*

Vniversalis explicatur.

*Quid Iustitia vox in Politicis significat?*

**V**irtutem, quâ præstamus ea, quæ alteri debentur. Deberi autem dico illa, ad quæ facienda quispiam ita est obstrictus, ut, si ea non præstet, civili jure adversus eum agi possit.

*Quotplex esse?*

Duplex. Vniversalis & Particularis.

*Quid*



*Quid est Iustitia Vniversali?*

Virtus omnia ea præstans, quæ legibus à vera prudentia profectis sunt constituta. Est ergo nihil aliud, quam virtutis perfectæ usus, quatenus ad alterum spectat, cum legibus à prudentiâ verâ profectis omnium virtutum officia, quæ ad societatem civilem conservandam spectant, præscribantur.

*Quid est Lex?*

Præceptio quædam generalis à legitima potestate proposita: seu, Sententia communis aliquid vel iubens, vel vetans, obligans aut ad obedientiam, aut ad pœnam. Nam quæ de rebus singularibus feruntur, *decreta*, *plebiscita* aut *psephismata*, non leges propriè dicuntur.

*Quotuplices sunt Leges?*

Duplices, ut jam apparuit: *iubentes & Vetantes*; vel ut alii loquuntur *affirmantes & negantes*. Illæ faciendæ docent; hæ omittendæ. Illæ tum demum sunt observandæ, cum earum exercendarum est occasio: hæ semper.

*Nonne est alia adhuc Legum divisio?*

Est, quod aliæ sint *Naturales*, aliæ *Positivæ*. quæ divisio intelligetur paulò post, cum de divisione Iuris agetur.

*An Iustitiæ duo opponuntur distincta vitia, quemadmodum ceteris virtutibus?*

Non: sed unum tantum nempe *Injustitia*.

E quæ

part. spec. quæ duo veluti extrema in se complectitur. Nam quocunq; modo adversus leges peccatur, sive per audaciam, sive per timiditatem, sive per profusionem, sive per avaritiam, injustum illud admittitur, quod cum Iustitia universali pugnat. Eodem modo etiã Iustitiæ particulari una tantũ opponitur Injustitia.

*Quid est ergo Injustitia illa, quæ Iustitiæ universali opponitur?*

Vitium ea non præstans, quæ legibus à verâ prudentiâ profectis sunt constituta. Vnde Græcis *παράνομια* dicitur, & qui eã laborat *παράνομος*.

*An potest quis simul omni genere Injustitiæ laborare?*

Non potest: cum vitia quædam, eorumq; actiones magis inter se dissideant, quàm repugnant virtutibus vitia.

## Seçtio Secunda.

### De Jure.

*Quot modis Iuris nomen accipitur?*

**D**uobus: vel pro facultate ac licentia agendi, quæ Græcis *ἐξουσία* dicitur, quâ ratione jus mihi est, rem meam vendendi, donandi, repetendi: vel pro obligatione seu obstrictione ad aliquid præstandũ, præsertim alteri, quâ ratione jure adigor ad reddendum debitum. Vnde etiam Iustum dupliciter sumitur, vel pro eo, quod

quod rectè & honestè fieri potest: vel pro eo, quod omnino fieri debet, seu, ut fiat æquum est. Hoc loco de Iure in posteriori significatione accepto inprimis agemus, cum ab eo Iustitia dicatur.

*Quotuplex est Ius?*

Duplex: aliud *Politicum* seu *Civile*; aliud *Oeconomicum* seu *domesticum*. Illud proprie ac simpliciter *Ius* dicitur: hoc secundum analogiam & similitudinem quandam.

*Quid est Ius Politicum?*

Quod est hominum liberorum societatem civilem inter se colentium. Liberos appello eos, qui sunt sui arbitrii, non alieni domini ac potestatis. *qua ratione excluduntur servi, & filii non emancipati, imò & uxor sub viri potestate constituta.*

*Quotuplex est jus Politicum seu Civile?*

Duplex. *Naturale & Positivum.*

*Quodnam dicitur Naturale?*

Quod naturalis ratio omninò jubet, nec ab arbitrio hominum pendet, ita ut vel fieri, vel omitti pro eorum voluntate rectè possit. Itaq; apud omnes rectè sentientes omnì tempore, ac loco idem est. Sub hoc comprehenditur *Ius naturale* à Iureconsultis dictum, angustè sumto vocabulo pro eo Iure, in quo cum brutis aliquo modo convenit homini: & *Ius gentium*, quod omnibus hominibus tan-

part. spec. tum commune est. *Tale est, non occidendum innocentem: nulli rem suam eripiendam.*

*Quodnam dicitur Positivum?*

Quod ab hominum arbitrio pendet, & ob Reipublicæ utilitatem à legitimo magistratu sancitur. Itaq; antequam sanciatu lege, ἀδίκον, seu Indifferens est, & vel fieri, vel omitti potest: postquā statutum est, ἀδικον ποσόν esse definit. Et hoc non apud omnes est idem, sed pro diversitate Rerum publicarum, temporum, locorum, ac hominum diversum. Hoc à Iureconsultis Civile, strictè hac voce acceptâ, dicitur. *Tale est illud v. g. Follonorum, ne nobilis in vincula conjiciatur, nisi jure fuerit victus.*

*Ius Domesticum quid est?*

Quod illis, qui eandem familiam constituent, intercedit.

*Quotuplex est?*

Duplex, pro duplici personarum, quæ familiam constituunt, discrimine. Aliæ enim, pares inter se censentur esse, ut Fratres sub patriâ potestate constituti, & Servi: aliæ impares, quarum alia alteri est subjecta. Itaq; aliud jus inter pares versatur, aliud inter impares.

*Quotuplex est Ius domesticum, quod imparibus intercedit?*

Triplex: Vxorium, Patrium, Herile. Vxorium est



est, quod conjugibus intercedit. Patrium, quod inter parentes & liberos versatur. Herile, quod inter Dominum & Servum. Nomine autem *Domini* etiam *Dominam*: nomine *Servi* etiam *Ancillam* comprehendimus. Quibus Ius per analogiam sic dictum convenit, quia omnibus naturalis arbitrii vis competit, & actionum suarum aliquo modo sunt domini, & nonnihil habere videntur suum, quod illis non rectè quâvis de causa eripatur: unde societas & mutua quædam obligatio illis intercedit.

*Cur non est ius propriè dictum inter Maritum  
& Vxorem, Parentes & Liberos?*

Quia conjuges veluti unum corpus sunt, ut & parentes cum liberis, qui pars quædam sunt parentum. At Ius propriè non est eadem adversus se ipsum, sed adversus alterum, quemadmodum & injuria: nemo enim propriè sibi ipsi facit injuriam.

*Cur verò non est Ius propriè dictum inter Dominum & servum?*

Quia servus est quædam res domini, seu instrumentum heri animatum. At nemini Ius intercedit cum re suâ, quemadmodum nec rem suam quisquam potest injuriâ afficere.

*Quodnam autem istorum Iurium ad Ius propriè dictum proximè accedit?*

Maritale seu Vxorium: major enim est æ-

part. spec. qualitas inter maritum & uxorem, quam inter cæteras personas impares: & cum uterq; aliquo modo in domo imperet, sui videntur arbitrii. Verum quia uxor marito subest, ideo juris ratio hîc à proprietate discedit. *Hæc de jure abstractè sumso.*

*Quenam sunt concreta à jure deductæ?*

*Iustum, Iustum factum, & Iustè factum.*

*Quomodo hæc à se mutuò differunt?*

*Iustum* dicitur aliquid etiam antequam fiat: *Iustum factum* tum demum, cum re ipsâ peractum est: *Iustè factum* deniq; quod sponte factum est; & hoc, si consilium accesserit, iustitiæ habitum arguit. Itaq; *Iustum* latius patet, quam *Iustum factum*, & hoc latius, quam *Iustè factum*, cum *Iustum factum* esse possit involuntarium.

*Quæ hîc opponuntur?*

Iuri opponitur *Nefas*: *Iusto*, *Inustum*: *Iustè factum*, *Injustè factum*, quod propriè dicitur *Injuria*, & si consilium accesserit, *injustitiæ* arguit habitum.

### Sectio Tertia.

De Aequo Bono & Aequitate.

*Quid est Aequum Bonum?*

**E**st juris legibus comprehensi moderatio & correctio quædam.

*Cur verò correctione juris legalis opus est?*

Quia

Quia leges generalioribus verbis concipi solent, cùm tamen de eo tantum, quod ut plurimum obtinet, loquantur. Quare si casus aliquis incidat, ubi circumstantiarum ratio suadet, ut à generali legis præscripto discedatur, quod ipse etiam legislator vellet, si adesset, defectus legis, quæ casum illum expressè non exceperat, corrigendus est, & sententia legislatoris, non verba legis spectanda.

*Cedò aliquod hujus rei exemplum?*

Sit, verbi gratiâ, lex, ut Homicida capite plectatur: accidat autem, ut quis per ignorantiam non affectatam aliquem occidat; non debent hic legû verba spectari, sed sententia legislatoris, qui eos demum voluit capite plecti, qui sponte quempiam occidissent. Quare cedes per imprudentiam admissa est excipienda, & absolvendus is, qui eâ admiserat.

*Estne Aequum Bonum à Jure prorsus diversum?*

Non: sed tantum à jure legibus comprehenso, & quidem eo, quod emendatione quadam eget, quod *Ius strictum*, interdum etiam *Ius summum* appellatur; de quo accipiendum est illud vulgatum: *summum jus, summa iniuria*. Itaq; æquum bonum strictum jus corrigens maximè jus est.

*Quid est æquitas?*

Est Iustitia, quæ jus legibus comprehensum moderatur, ac corrigit, eaq; ex parte cum be-

nigritate magnam habent cognationem, cum de jure suo libenter cedat, nec rigide id persequatur.

*Quid ei opponitur?*

Iniquitas & rigor, qui de verbis ac jure scripto nihil remittit, etiamsi circumstantiarum ratio aliud postulet.

*Sectio Quarta.*

De Iustitia Particulari.  
in genere.

*Quid est Iustitia particularis?*

Est virtus in bonis externis, quæ alteri debentur, tribuendis æqualitatem analogicam servans.

*Quæ sunt bona illa externa?*

Honores & Pecuniæ. Pecuniæ autem nomine omnia ea, quæ pecuniâ æstimari solent, complectimur, siue sint res corporales, hoc est, quæ tangi possunt, ut *fundus, domus, mancipium, vestis*: siue incorporales, quæ tangi non possunt, ut *labores & operæ*, quæ pecunia locari ac redimi solent, *usus adium*, aut *alterius cuiuspiam rei*.

*An iustitia hæc non versatur etiam in horum bonorum contrariis?*

Versatur: sed secundariò; nos autem in definitione tantum primarii, ad quod secundarium reducitur, fecimus mentionem.

*Quid*



*Quid vocas Æqualitatem analogicam?*

Æqualitatem compositam, seu in quatuor minimum terminis consistentem, quæ æqualitas rationum dici solet.

*Quid vocas Terminum?*

Rem quamvis, quæ in comparisonem cum altera venit: qualis est, verbi gratiâ, Episcopus, Pastor, Ecclesia, Grex.

*Quid Rationem?*

Duorum terminorum seu rerum inter se respectum ac comparisonem: ut respectum, qui est inter Episcopum & Ecclesiam; itemq; inter Pastorem & Gregem. Quod si respectus seu comparationes diversarum rerum inter se sint similes, convenientia illa Analogia dicitur: & si æqualitas aliqua ibi locum habet, (quod fit, ubi comparatio est quantitatis, sive propriè, sive impropriè dictæ) Æqualitas analogica vocatur. Vt in hac comparatione; quemadmodum se habent 2. ad 4. ita 3. ad 6. Nam utroq; est ratio dupla. Quaternarius enim est duplum binarii, ut senarius ternarii.

*Estne' ergo alia adhuc æqualitas præter analogicam?*

Est, nempe simplex, quæ in duabus etiam rebus locum habet, eandem quantitatem, qualem cunq; tandem, habentibus. Sic decem-peda decem-peda æqualis est, binarius binario.

*Quotuplex est æqualitas analogica?*

E 5. Duplex

Duplex: *Disjuncta* & *Conjuncta*. *Disjuncta*, cum omnes termini, inter quos versatur comparatio, sunt separati; ut 2. 4. 3. 6. *Conjuncta*, ubi unus terminus bis sumitur, & duabus rationibus est communis, adeo ut actu sit unum, potestate duo. ut, si dicam: quemadmodum se habent 2. ad 4. ita 4. ad 8. quaternarius numerus communis est utriusque rationi, ac licet unus sit, re ipsa duorum tamen vicem obinet: itaque analogia est conjuncta.

*Qualis analogia in Iustitia particulari locum obinet?*

*Disjuncta*. Nam Iustitia hæc semper versatur inter duas minimum personas distinctas, & res duas distinctas. Inter personas distinctas: quia Iustitia omnis est adversus alterum. Inter res distinctas: quia minimum res duæ requiruntur, quæ inter se aliquo modo exæquandæ sunt, & distinctis personis applicandæ, quemadmodum ex distributione & permutatione rerum postea intelligitur.

*Cur verò dici Iustitiam hanc minimum inter duas personas & duas res versari?*

Quia & personæ & res, inter quas versatur Iustitia, possunt esse longè plures. ut, cum singulis militibus in toto exercitu præmium aut prædæ portio est tribuenda.

*Quid est Iustitia particularis?*

Vitium in bonis externis, quæ alteri debentur,

tur, tribuendis æqualitatem analogicam non servans. Eo qui laborat  $\pi\lambda\epsilon\omicron\nu\acute{\epsilon}\kappa\tau\eta\varsigma$  dicitur, quasi eūm dicas, qui plus habeat, quā alter, seu quā analogia postulat. Nam qui injurias facit alteri, plus habere censetur, qui injuriam passus est, minus; illi aliquid accessisse, huic decessisse censetur. Ideō iustitia hīc interjecta æqualitas est: medium enim inter plus & minus æquale est.

*Annon interdum is, qui injuriam facit, minus habet, qui patitur plus, nempe de oneribus & malis?*

Habet: sed nihilominus etiam tum plus habere dicendus est is, qui facit, minus is, qui patitur injuriam, nempe de bonis. Nam minus malum majoris boni habet rationem; majus contra malum minoris boni.  $\pi\lambda\epsilon\omicron\nu\acute{\epsilon}\kappa\tau\eta\varsigma$  autem ideō dicitur is, qui facit injuriam, quod de bonis plus capiat, non quod de malo.

### Sectio Quinta.

#### Iustitiæ Particularis divisio.

Explicatio Distributivæ, quæ prima est illius species.

*Quoruplex est Iustitia Particularis?*

**D**vplex: altera *Distributiva*; altera ea, quæ in contractibus versatur, quæ vel est  
*Communitas*

part. spec. *Commutativa, vel Correctiva, ut suo loco dicitur.*

*Quomodo à se invicem distinguuntur?*

Duobus modis: partim materiæ ratione, partim formæ.

*Quomodo ratione materiæ?*

Quod Distributiva in bonis aut oneribus communibus cernitur; altera illa in bonis singulorum, seu privatis.

*Quomodo ratione formæ?*

Quod Distributiva dignitatem ac conditionem personarum spectat, & divisionem ad eam accommodat; ea verò, quæ in cōtractibus, dignitatem personarum non spectat, nisi fortè per accidens; sed personas tanquam æquales sumens, res ipsas etiam ad æqualitatem redigere conatur. Docti ita hoc discrimen efferunt: quod Distributiva Iustitia *analogiam Geometricam* observet; ea, quæ in cōtractibus, *Arithmeticam*.

*Quæ hinc distributivæ Iustitiæ colligitur definitio?*

Quòd sit Iustitia in divisione rerū proportionem geometricam servans: seu, Iustitia ad dignitatem personarum partitionem bonorum aut onerum accommodans.

*Quenam est illa dignitas personarum in distributione spectanda?*

Caula iusta, ob quam aliquis, vel de communibus

munibus bonis participare, vel partem communium onerum ferre debeat. sic in præmiis dividendis virtus ac labor cujusque spectatur: in multis delictum; in honoribus publicis nonnunquam etiam nobilitas aut census consideratur: in lucro communi nunc labor, nunc magnitudo pecunie, quam quis in societatem attulerit; in contributionibus ac oneribus civitatis, facultates uniuscujusque & commoda, quæ quis in civitate percipit.

*Declara hoc exemplo?*

Sint, verbi gratiâ, spolia dividenda inter Vlysem, Patroclum, & Achillem: dignitas, quæ spectanda est in hac distributione, est fortitudo in prælio ostensa. ponatur autem Patroclus duplo fortior Vlyse, Achilles triplo: ergo Iustitia distributiva requirit, ut spolia, quæ Patroclo dantur, sint duplo preciosiora iis, quæ Vlyssi obveniunt, ea vero, quæ Achilli, triplo præstantiora. Sic, si mercatorum unus in societatem contulerit decem florenorum millia, alter duo: lucrum commune sit mille ducentorum florenorum: priori de lucro debentur mille floreni, posteriori ducenti. nam quæ ratio duorum millium ad decem millia, eadem est ratio ducentorum ad mille; ratio utrobique est quintupla. Sic, in contributione civium, si is, qui sex millia possidet, dat florenos sexaginta; is, qui mille possidet, dare debet decem; utrobique est ratio sextupla. Ex quibus faciliè apparet, quid sit Iustitia, quæ in distributione cernitur.

*Sectio*



*Sectio Sexta.*

*De Iustitia.*

*Quæ in Contractibus cernitur,  
hoc est,  
Commutativa & Correctiva.*

*Quid Contractus nomine hoc loco intelligitur?*

**A**ctionem omnem, ex qua alter alteri ad  
aliquid præstandum sive in præsens,  
sive in futurum obstringitur.

*Quotuplices sunt ejusmodi contractus?*

**Duplices:** Voluntarii & Involuntarii.

*Qui dicuntur Voluntarii?*

Qui utriusque partis contrahentium con-  
sensu, ac voluntate constant: ut *venditio &  
emptio, mutuum, commodatum, depositum, locatio  
& conductio, fidejussio.*

*Quinam dicuntur Involuntarii?*

Qui altera parte invita oriuntur, suntq; o-  
mnis generis injuriæ: Atque hi iterum sunt  
duplices: vel enim clandestini sunt, ut *sur-  
rum, adulterium, veneficium, servi alieni corru-  
ptio, falsum testimonium:* vel aperti ac violenti,  
ut *verbera, vincula, debilitatio, cedes manifesta,  
rapina, contumelia.* Involuntarium enim du-  
plex est,

plex est, alterum per ignorantiam fit, alterum  
vi.

*Quomodo appellatur ea Iustitia, quæ in Contracti-  
bus cernitur?*

**Commutativa.**

*Quomodo ea, quæ in Contractibus Involuntariis?*

Correctiva seu Emendativa. unde defini-  
tiones utriusque facile colligi possunt, ad-  
iuncto ad objectum genere.

*Quod est officium Iustitiæ Commutativæ?*

Vt res, quæ inter se permutandæ sunt, ex-  
æquentur, ratione pretii: deinde fiat per-  
mutatio, ita ut hîc rem illius capiat, ille hu-  
jus. v. g. si agricola frumentum habeat, sutor o-  
creas, velintq; inter se permutationem justam insti-  
tuere, prius æstimatio tum frumenti, tum ocrearum  
est instituenda, ac pretium exæquandum; et, si con-  
flet, duo paria ocrearum respondere pretio unius  
modii frumenti, agricola unum frumenti modium  
dare debet, & vicissim à sutore duo paria ocrearum  
accipere, vel id, quod tantundem valeat. Nihil au-  
tem refert, si in præsens det, si in futu-  
rum altero consentiente promittat. Promis-  
sum enim, donec tempus exhibitioni præ-  
stitum advenerit, loco rei est.

*Quanam est mensura ea, quâ rerum pretia  
sunt definienda?*

Ea duplex est. Altera Naturalis: altera ho-  
minum arbitrio constituta.

*Quanam*

Indigentia, quæ est defectus rei alicujus utilis. Vnde apparet, duo ad indigentiam requiri, adeoq; in rerum pretiis constituendis esse considerata: Primò carentiam seu absentiam rei, ad quam etiam raritas spectat, quæ rerum pretia sæpe mirum in modum auget, ut *in gemmis accidit*: deinde usum, qui quò major est, tantò majus esse solet rei pretium, in defectu pari. In usu autem spectanda est necessitas, commoditas, jucunditas, dignitas.

*Quenam est mensura arbitrio hominum constituta?*

Nummus, qui naturalis mensuræ, scilicet indigentia, veluti vicarius est.

*Quotuplex ergò est nummi in permutationibus usus?*

Duplex. Primus, ut rerum pretia definiat. Alter, ut in rerum ipsarum, quibus alter contrahentium indiget, locum subeat, ne permutatio impediatur, quemadmodum apud veteres ante nummum inventum sæpe accidit, cùm res tantum rebus permutarentur. Nam si ego quidem re tua egeam, nihil vero habeam, quo tu indigeas, cessabit permutatio, nisi ego nummum substituerò in locum rei, qua tu indigeas, quem si dederis ei, qui ea re abundat, eam possis consequi. Interca  
verò

verò dum id fiat, sponsoris loco est numerus, qui tibi certum faciat fore, ut id consequaris, quo tibi sit opus. *Haftenus de officio Iustitiae Commutativæ.*

*Quodnam est officium Iustitiae Correctivæ?*

Inæqualitatem, quæ ex injuria inter lædentem & læsum orta fuerit, ad æqualitatem, quæ ante injuriam fuerat, quoad ejus fieri potest, revocare.

*Quenam est Inæqualitas illa ex injuria orta?*

Quod is, qui fecit injuriam, plus, qui passus est, minus habere censetur, cum à Iudice æstimatur, istud quidem lucrum, hoc verò damnum appellatur.

*Quomodo verò Iudex hanc inæqualitatem emendat?*

Dum ei, qui fecit injuriam, lucrum detrahit, & ei, qui passus est, reddit: quod fit vel restitutione rei ablata, ut in furto, aut bonis vi rapta, aut in famæ violatione: nam qui calumnia famam læsit alterius, veri professione resarcire jubetur id, quod de dignitate ipsius detraxerat. Vel fit alio quodam compensationis aut satisfactionis genere, atq; adeo etiam interdum corporali pœna sibi inflicta, qua partis læsæ honor ac jus sancitur, ejusq; securitati consulatur. Sic qui vulneravit, cogitur solvere impendia in curationem facta, & operarum intertrimentum: cæcæ eade sepe vindicatur, aut etiam multa cognatis,

part. spec. *gnatū, ad quos injuria pertinet, solvitur; nonnunquam carcer additur.*

*An iudex personarum ipsarum conditionem spectare debet?*

Non, nisi eatenus, quatenus personarum conditio vel injuriæ, vel pœnæ gravitatem augere aut minuere potest, quod imprimis tum fit, cū honoris, aut ignominie & contumeliæ habetur ratio. Verbi gratiā, *gravius est delictum, si quis magistratum percutiat, quam si privatum: gravius si parentem, quā si alienum: & in multis aliis. Sic, gravior est pœna, si is, qui in summa dignitate fuit constitutus, virgi cedatur publice & infamiā notetur, quā si alius quispiam obscurus admodum & ignobilis: gravior, inquā, est, quod ad ignominie rationem attinet. cæteroquin iudex personas ipsas, inter quas versatur injuria, tanquam æquales sumit, & ipsius tantum lucri aut damni differentiam, ad quam nonnunquam personarum conditio aliquid facit, intuetur, eamq; ad æqualitatem pristinam reducere conatur.*

*Quid est Injustitia his opposita?*

Est ea, quæ in contractibus ab hac æqualitate recedit. In voluntariis quidem, cum pretium iniquum est, & vel majus vel minus mercede: vel etiam cum alter & mercem capit, & pretium retinet, alter nihil. In involuntariis autem, cum compensatio injuriæ vel major, vel



vel minor à iudice constituitur, vel ei non part. spec.  
redditur, cui debetur.

## CAPVT VII.

### De Beneficentia & Liberalitate.

*Quid est Beneficentia?*

**E**ST virtus aliena commoda iure civili  
non cogente curans.

*Quot sunt illius officia?*

Duo: Dare beneficium, & Reddere: prius tam  
Beneficentiæ magis censetur proprium: posterius Grati-  
tudinis, quæ ex Benefi-  
centia & Æquitate veluti conflata est.

*Quenam in dando beneficio sunt consideranda?*

1. Quem in finem des. 2. cui des. 3. quid,  
& quantum des. 4. quomodo des. 5. quo-  
modo dato beneficio te gerere debeas.

*Quis beneficiorum debet esse finis?*

Finis, quem Ethica proponit, est honestum  
ipsum & rectæ conscientiæ gaudium: quibus  
Theologus addit Dei gloriam, animæ salu-  
tem, & aliorum divinorum munerum im-  
petrationem. Itaq; gloriolæ & lucelli cupi-  
ditas à beneficentia est arcenda.

*Quenam in illis sunt spectanda, quibus dan-  
dum est beneficium?*

Eorum Indigentia, Mores, & Conjunctio,  
quæ nobis cum illis intercedit.

*Quid & quantum dare debess*

Hoc partim ex iis, quæ modo diximus, hoc est, Indigentia ejus, cui dandum est, Moribus, & Conjunctione; tum ex nostris facultatibus ac viribus æstimandum est. Itaq; primum curandum, ut ea habeat alter, quæ sunt necessaria & quorum absentia cruciat: tum ea, quæ ad commoditatem & jucunditatem quandam vitæ pertinent. Quo loco cavendum, ne roganti & urgenti id demus, quod ipsi foret noxium, ut *irato ferrum, febricitanti aquam frigidam, aut vinum.* Deinde plus dandum est egentiori, meliori, conjunctiori: quâ in re prudentia est opus, cum ista videantur inter se certare; ut cùm is, qui minus indiget, est melior, aut is, qui melior, minus conjunctus. Nam pro circumstantiarum diversitate & causarum, quæ ad beneficentiam impellunt, ratione, nunc huic potius succurrendum est, aut plus dandum, nunc illi. Deniq; quod ad vires atq; facultates ejus, qui dat beneficium, attinet, plus præstare debet, qui plus potest; plus dare potest dives, quam pauper cæteris paribus: qua de re infra non nihil, cum de liberalitate speciatim agemus, dicetur.

*Quo verò modo dare debes beneficium?*

Vt alacriter des, atq; ita prorsus, ut velles accipere. Quo pertinet *Primo*, ne expectes, dum rogeris; sed ipse necessitatem alterius inquiras,

inquiras, & ubi desiderari opem tuam vides, part. spec.

eidem succuras. *Deinde*, si contingat, te rogari, plura rogantis verba intercidas, ne videaris velle rogari; sed certior factus statim promittas, facturumq; te, antequam interpellareris, ipsa festinatione approbes. *Tertio*, promissum ne differas, donec denuò rogeris. nihil æquè amarum, quam diu pendere, nihil fere molestius, quam id rogare, quod impetraveras. *Quarto*, ut vultu hilari, non severo, non superbo, nec sermone aspero beneficii gratiam corrumpas, nec quicquam ei triste misceas: etiam si quid erit, de quo monere velis, aliud tempus eligas, nisi res ipsa id prorsus postulet. *Deniq;* ut clam potius des beneficium, quam apertè, præsertim cum alterius infirmitati, egestati, ignominia lucurris, in quibus nonnunquam etiam is ipse, in quem confertur beneficium, fallendus est, & ejus pudori consulendum. Apertè autem dari possunt ea beneficia, quæ accipientibus sunt honorifica.

*Quenam dato jam beneficio sunt consideranda?*

1. Ne patiaris tibi gratias agi, præsertim prolixè, imò minus te præstitisse, quam alter fuerat meritus, asseras, aut etiam eundem laudes, quod tuo beneficio, uti voluerit. 2. Ut, quantum in te est, obliviscaris dati beneficii. 3. Ne id etiam libenter commemorares,

part. spec. nec facile cuiquam exprobres, nisi forte ingrato, aut ei, cui commemorationem beneficiorum ad emendationem ac virtutem profuturam arbitreris. 4. Ne compensationem exigas, nisi necessitas prorsus postulet. 5. Non tam doleas, si indigno forte dedisti, quam si digno non dedisti.

*Quot sunt Gratitude, quam vocant, officia?*

Tria: Gratiā habere: Gratiā agere: & Gratiā referre: Primum animo perficitur: Secundum verbis: Tertium re ipsā.

*Quid in singulis officiis observandum est.*

I. Ut habeas gratiā, necesse est, ut memor sis beneficii, & referre cupias.

II. In gratiis agendis cavendum est, ne aut vilipendere videaris beneficium, aut nimis extollendo in adulationis suspicionem incidas: istud in magnis potissimum beneficiis; hoc in parvis est vitandum.

III. In reddendis beneficiis danda est opera, ut majori etiam mensurā, si possis, majorique alacritate reddas, præsertim cum magis necessarium sit reddendi, quam dandi beneficii officium. Qui enim reddit, accepto beneficio ad reddendum obligatus est: qui prior dat, non obstrictus est: Itaq; illud iustitia propemodum exigit: hoc liberalis voluntas. Deinde delectus in beneficiis acceptis habendus est, & ei plus reddendum, qui aut plus aut libentius dedit: non enim tantum

munus ipsum, sed animus dantis præcipuè spectandus est. Nonnunquam tamen magis egenti plus dandum est, ac promptius subveniendum.

*Quid Gratitude opponitur?*

*Ingratitudo*, quæ in eo, quod parum est, peccat, & vel gratias non agit bene merito, vel gratiam non habet, vel non refert, cum possit, vel agrè ac multo cum murmure, vel longè minori mensurâ reddit: quod vitium meritò omnibus est invisum, & singularis cujusdam improbitatis censetur indicium. Unde illud vetus: *Omnia mala dixeris, ingratum si dixeris*. Alterum extremum, quod in excessu peccat, quia in mundo locum vix invenit, idè nec nomen. Subjici autem potest Profusioni, de qua postea. *Haftenus generalia Beneficentia officia vidimus.*

*Quotuplex est Beneficentia?*

Duplex: Nam vel operâ beneficit alteri, vel pecunia. *Opere* nomine non tantum labores, sed & consilium, & quamcunq; actionem, quæ alteri profit, præter pecuniæ dationem, complectimur. *Pecuniæ* vero nomine intelligimus tum nummum, tum res omnes nummo æstimatas, quæ dari aut donari cuiquam possint: donari autem possunt eæ, quæ ante donationem sunt, & post eam manent. Prior Beneficentia speciale nomen adepta non



part. spec. est, solâ generis appellatione contenta. Posterior *Liberalitas* propriè dicitur, cum in sumtibus utilitatis ac mediocribus cernitur, licet hoc etiam nomen ad universum beneficii genus nonnunquam transferatur.

*Quenam sunt prioris Beneficentiæ præcepta?*

Præter generalia superius tradita I. observandum, ne forte dum prodes aliis, aliis nocuas, & contra æquitatem aliquid facias.

II. Ut temeritatem vites, & quantum ejus fieri potest, caveas, ne dum gratificaris aliis grave aliorum odium ac periculum tibi accerlas, quod tum ferè accidit, cum operam nostram alicujus præstamus adversario. Interdum tamen etiam capitis periculum est adeundum pro altero: quod quando sit necesse, in doctrinâ de fortitudine diximus.

III. Oppressos à potentioribus, si possis, juvare honestum ducas.

IV. Quod sine tuo detrimento præstare potes omnibus, nemini negandum est: ut consilium fidele, quod accipienti est utile, danti non molestum, præsertim si res deliberatione diuturna non indigeat. Huc pertinet illud Ennii, quod est apud Ciceronem

*Homo, qui erranti comiter monstrat viam,*

*Quasi lumen de lumine accendat, facit*

*Ut nihilominus ipsi luceat, cum illi accenderit.*

Quod enim in una re dictum est ab Ennio,  
id trans-

id transferri debet ad omnes, quæ ei sunt similes, qualis est admonitio ad virtutem, institutio in divina veritate, quam qui docet alterum, lumen ei de lumine accendit suo, ita tamen, ut nihilominus ipsi luceat.

V. Cum alia omnibus prolint, alia multis, alia paucis aut uni, præferenda sunt ea, quæ omnibus aut multis prosunt: nisi forte in re ipsâ magna sit differentia. *Honestius est, verbi gratiâ, civitatem integram servare, quam privatum aliquem. Satius tamen est, virum bonum servare, quam civitatem exiguo aliquo bono aut commo- modo augere.*

*Quotuplex est Liberalitatis officium?*

Duplex: Primarium & Secundarium. Primarium est datio seu largitio pecuniæ. Secundarium iterum duplex est: acceptio pecuniæ, & ejusdem custodia. Acceptio quidem, quia nisi accipias, dare non potes, & nisi honestè accipias, honeste dare non potes. Custodia etiam pertinet; quia cum liberalitas in mediocritate sit posita, non semper, nec omnibus, nec omnia dare debes, sed interdum etiam servare & custodire in usus meliores ac magis necessarios. Nos de acceptione & custodia, quæ dationem antecedunt, priori loco agemus.

*Quid in accipienda pecunia est observandum?*

I. Ne forte, ut aliis des, sumas, unde aut qua

ratione non oportet, hoc est, ne aliena vel vi, vel fraude ad te pertrahas; vel illiberalem ac sordidum quæstum facias, qualis est *lennum, cauponum, agyrtarum, circulatorum, ac senaratorum*, de quibus infra; sed sumas ex tuis bonis sive prædiis, sive hæreditate aut donatione aliquâ ad te translatis, sive honesto labore partis.

II. Ut in accipiendo avaritiæ tum crimen, tum suspicionem vites. Quo pertinet 1. ne unquam quærendæ pecuniæ ita incumbas, ut ea cura animum à cælestibus ad terrena avocet, à pietatis ac religionis exercitatione distineat, aut etiam ut plus, quàm tibi sit opus, asservare ac custodire velis, qua de re paulo post dicem⁹ explicati⁹. 2. huc pertinet, ne in exigendis debitis sive à subditis tuis, sive ab alienis sis acerbus ac rigidus, sed facilis ac benignus, qui de jure tuo, præsertim si egestatem debitoris cernas, libenter concedas, lites etiam forenses tuorum repetendorum causa, quantum licet, fugias. Deniq; ne sis petax, nec à quovis beneficium libenter accipias: utrumq; enim sordidum est ac putidum.

*Quid in Custodia pecunie est observandum?*

I. Cura est adhibenda aliqua, ne fons Liberalitatis exhauriatur, & ne tandem tibi ipsi, aut tuis, quos deserere nefas est, desis.

II. Mo-

II. Modus est adhibendus, ne in avaritiam incidas. part. spec.

*Quis est modus in custodienda pecunia observandus?*

Tria sunt observanda, ut modum adhibeas: 1. Ne animum pecuniæ adjicias & ejus amore à religione ac divinarum rerum curâ patiaris avocari, neve opibus confidas, ac in illis potius, quam in Deo spem reponas. 2. Ut finem respicias, cujus gratia pecuniam si-ve quæris, si-ve asseruas. De tertio, quod ad modum custodiendæ pecuniæ pertineat, dicemus postea.

*Quis est finis pecuniæ quarendæ aut aservandæ?*

Is duplex est: alter ad nos respicit; alter ad alios. Nostri autem nomine non modo nostras ipsorum personas intelligimus, verum etiam totam familiam, cujus alendæ & sustentandæ cura nobis incumbit.

*Quis est finis pecuniæ, qui ad nos respicit?*

Ut habeamus ea, quæ ad vitam ac valetudinem conservandam sunt necessaria: tum ea, quæ ad illas actiones obeundas requiruntur, ob quas vita nobis data est: denique ut habeamus, quæ ad vitæ commoditatem, ac civilem quandam honestatem spectant, ut tum molestias, tum contemptum, quantum licet, evitemus. Itaque primùm victu, cultuq: corporis & habitatione, quâ nos nostraq; ab injuriis tum aëris, tum hominum improbo-

part. spec. improborum defendamus, est opus: cum iis vitæ ac valetudinis conservatio omnino indiget. 2. Opus est instrumentis ad illud vitæ genus, quod colimus, quod ipsum debet esse honestum ac generi humano utile, exercendum, atque ad vitæ subsidia paranda, necessariis. Sic, *Viro docto libri, agricola instrumentis rusticis, medico alii est opus*, & sic in cæteris. 3. Ad commoditatem ac civilem honestatem aliquid, præter ea, quæ ad vitam ac valetudinem tuendam omnino sunt necessaria, requiritur. Requiritur autem ea, quæ ad quandam vitæ jucunditatem, itemq; ea, quæ ad gravitatem dignitatemq; spectant, quorum absentia non conficit quidem omnino, sed affligit ac deiecit, aut contumeliis obnoxios reddit. Quæcunq; ad hunc finem pertinent, illa honestis rationibus quærere & custodire licet, observatis iis, quæ paulò ante diximus, & mox dicturi sumus.

*Qui est finis pecunie ad alios spectans?*

Vt aliis prosumus, & eorum usibus serviamus, qui finis beneficentiæ ac liberalitatis est proprius, & qui hanc ob causam pecuniam custodit, nihil peccat, modò adhibeat prudentiam, quæ largitionem futuram præsentem eamq; necessariam omittat, aut ne id, quod aliorum causâ se putat custodire, pecuniæ amore caprus sibi tandem servet.

*Quodnam*



*Quodnam est tertium ad modum pecunie custodiendæ pertinens?* part. spec.

Ne pecuniam tuis usibus quæsitam in tempus longum ac diuturnum asserves, & eum terminum tibi præfigas, ad quem te perventurum meritò dubitari queat, aut ad casum valde malum nummos colligas; præsertim si videas, ea tibi adesse subsidia, ut interea, dum tempus illud adveniat, denuo parare possis ea, quæ tibi tunc futura sint necessaria: sed asserves pecuniam in tempus mox sequuturum, quod propemodum iam instare dici queat, & ad quod usque te victurum valde sit credibile, maximè si non perinde certum sit, te, si res partas è manibus dimiseris, interea ea recuperaturum, quæ tum sint futura necessaria. *Hæc imprimis sunt observanda in subsidii pro senectute, morbis, sustentatione uxoris, aut liberorum post mortem parandis; in dote filiarum, patrimonio cæterorum liberorum quærendo ac relinquendo.*

*Quid est in danda pecunia observandum?*

Id ex generalibus beneficentiæ præceptis, juncto eo, quod de pecuniæ custodiendæ modo paulo ante diximus, patet. Hoc inter alia cavendum est, ne ob largitionem inconsideratam fiat, ut iis, quibus maximè obstrictus es, sufficere nequeas, *ut uxori, parentibus, liberis, aut etiam creditoribus, quibus nō solvere debita*

part. spec. *bita injustum est; actandem ne tibi ipsi desis.*

In quo postremo tamen observandum est, si contingat, ut vel ei, quem deferere honestas vetat, carendum sit rebus ad vitam conservandam necessariis, vel tibi iis, quæ ad commoditatem ac civilem quandam honestatem spectant, satius esse, ut tu his careas, quam ille istis: imò si vel tibi, vel ei, pro quo vitam ponere honestum est, carendum sit rebus omnino ad vitam necessariis, satius est, te destitui, quam illum: hanc enim ratione vitam pro illo revera pones. Cavendum & illud est, ne forte pecuniam, quam aliàs extrudere ob vitium aliquot illius non poteras, in liberalitatem convertas: qua tamen in re non semel peccatur.

*Annon huc etiam pertinet Hospitalitas?*

Pertinet: Est enim Liberalitas, quæ in honestis exulibus, aliisque peregrinis & pauperibus lare mensaque excipiendis cernitur.

*Quenam sunt vitia Beneficentiæ opposita?*

Vitia, quæ beneficentiæ generatim sumptæ exactè opponuntur, suis nominibus fere carent: quemadmodum & ea, quæ opponuntur ei Beneficentiæ speciei, quæ operâ succurrit alteri.

*Quodnam tamen est vitium istud, quod in excessu adversus Beneficentiam generatim peccat?*

*Temeritas in aliis invandis: quæ admittitur, cum quis*

cum quis alterius juvandi causa vel id aggreditur, quod perficere nullo potest pacto; vel sine iusta causa in discrimen, aut damnum se suosq; conjicit, aliosve offendit; vel deniq; alienis se ingerit negotiis tum, cum ejus opera nequaquam desideratur, nec grata futura est iis, quos juvare cupit; quæ vitii hujus pars πολυπραγμοσύνη dicitur.

*Quodnam est id, quod in defectu peccat?*

Improbilas illa, quæ vel tum, cum possit, alteri non succurrit; vel ei etiam nocere studet, nocetvè; vel deniq; malis ejus delectatur, bonis tristatur. Prima hujus vitii species *Immisericordia* dici potest, altera *Malevolentia*, tertia *Invidia*; quanquam hæc affectuum potius sunt nomina, quàm habituum cum improbitate tamen junctorum. Et hæc, quæ de vitiis Beneficentiæ generatim sumtæ oppositis diximus, sufficere possunt ad ea quoq; intelligenda, quæ beneficentiæ illi, quæ sit opera, opponuntur.

*Quenam sunt vitia Liberalitati strictè sumtæ opposita?*

*Avaritia*, cujus species est *Inhospitalitas*; & *Profusio*.

*Quid est Avaritia?*

Est vitium, quod in quærenda & custodienda pecunia modum superat, in danda deficit.

*An ne-*

part. spec. *An neceſſe eſt quemvis avarum & in querenda & in custodienda pecunia ſimul peccare?*

Non: ſed alterutrum ad conſtituendam avaritiam ſufficit; maximè poſterius.

*An in defectu magis peccat avaritia, an verò in exceſſu?*

In defectu magis: quia in datione, quæ magis propria eſt liberalitatis actio, deficit.

*Annon Fœneratores avari ſunt accenſendi?*

Sunt: Nam in quærenda accipiendavé pecunia modum ſuperant.

*Quosnam vero Fœneratores hic appellas?*

Qui uſuram extorquent, hoc eſt, fructum de pecuniis creditis cum oppreſſione ſeu damno aliorum.

*Quorumnam hic damnum & oppreſſio ſpectanda eſt?*

Primò ipſius debitoris, deinde etiam aliorum. Debitoris quidem ipſius, cum ex pecunia ſibi credita non poteſt tantum capere commodi, ut perſolutâ creditori uſurâ ullum capere poſſit fructum indiſtriâ ſuâ dignum, etiamſi diligentiam adhibeat, quantum poteſt ac debet maximam, quin etiam tum, cum res non meliores, ſed neceſſarias tantum quærit, aded ut ei creditor donare potius aliquid, quam fœnus ab eo debeat extorquere. Alterum vero damnum & oppreſſio tum cernitur, cum debitor, ut, tum detrimentum

mentum ipse non patiat, sed justum capiat laboris sui præmium, tum fœnus creditori persolvat, cogitur quodammodo in alios esse iniquus, & merces v. g. majoris vendere, quàm vendendæ fuerant, unde rerum pretia augentur, & in publicum bonum peccatur.

*Quinam avaritiæ maximè sunt obnoxii?*

Senes, tum ob imbecillitatem, cui subsidia quærunt: tum ob usum, qui docuit, quam gravis sit egestas, quam necessarius numerus, quam difficulter paretur, quam faciliè amittatur.

*Quid est Profusio?*

Vitium in danda pecunia modum superans.

*Vtrum vitium est deterius, avaritia an profusio?*

Avaritia: 1. quia insanabilior; nam cum ætate crescit, ipso remedio exasperatur, naturæ nostræ, quæ in commoda sua valde propendet, est amicio: Profusionem, adolescentium fere vitium, ætas & egestas coercet. 2. à liberalitate abest longius quam profusio: hæc enim libenter largitur, id quod in liberalitate est primū. 3. prodigus aliis prodest; avarus ne sibi quidem. 4. avari ignobilioris sunt animi; generosioris prodigi.

CAPVT VIII.

De Magnificentia.



*Quid est Magnificentia?*

**V**irtus in magnis sumptibus occupata.  
*Quotuplices sunt sumptus illi magni?*

Duplices: alii sunt in res sacras, alii in humanas, seu maius profanas. Illi sunt, quicumque ad religionis promotionem spectant: ut, qui impenduntur in eos, qui Theologiam docent, aut discunt, in libros adesq; sacras, & si quæ sunt similia. In res humanas fiunt sumptus vel publicè, vel privatim. Publicè, qui ad Reipub. commodum aut ornamentum pertinent, idq; vel pacis, vel belli tempore: ut, in scholas, nosodochia, Xenodochia, gerontodochia, curias, muros, aqueductus. &c. Itemq; virorum de Repub. benemeritorum præmia. Privatim qui fiunt sumptus, vel ad alios magis respiciunt, vel ad nos ipsos: ad alios, cum hospites vel multos, vel magnos excipimus, & hospitalibus muneribus ornatos dimittimus: ad nos, qui ad cultum corporis & apparatus domesticum pertinent. In utroque genere iterum alii sunt rari & insoliti, in quibus magis conatur excellere magnificus, ut in nuptiis, aut funeribus: alii frequentiores.

*Quomodo in his sumptibus se gerit Magnificus?*

I. Necessaria primùm parat Magnificus, tum demùm utilia. Necessariis autem illa etiam annumeranda sunt, quæ consuetudo publica cum honestate non pugnans ita firmavit,

mavit, ut sine dedecore omitti non possint.

II. Divina præfert humanis, privatis publica, diuturnum ac perpetuum fructum habentia iis, quæ fugacia: nisi fortè temporum ratio aliud exigat.

III. Privatim dignitatem servat vitæ conditioni ac ordini convenientem, ita tamen magis necessaria virtutum officia, nempe ea, quæ ad justiciam, aut liberalitatem pertinent, omittantur.

IV. Invidiam, quæ Magnificentiae comes esse potest, modestia & obvia humanitate declinat.

V. Opum suarum diligentem habet rationem, quod illi cum liberalitate commune est, à qua virtute Magnificentia gradu potius, quàm specie distincta videtur.

*Quosnam hæc virtus maximè decet?*

Nobiles, potentes, ac claros viros, & quibus relicta potius res est, quàm labore parata.

*Quæ sunt vitia Magnificentiae opposita?*

Ea nominibus propriis apud Latinos ferè carent. Alterum eorum *Insolentia in sumptibus* dici potest; alterum *Sordes*.

*Quid est Insolentia in sumptibus?*

Vitium in magnis impensis modum superans.

Admittitur tùm, cùm vel sumptus magni fiunt, ubi planè non est opus; vel majores, quàm opus esset, aut ne-

glectis magis necessariis, minùs necessariis  
fiunt, vel ostentationis tantùm causâ pecu-  
nia profunditur.

*Quid Sordes appellas?*

Vitium modum deferens tùm, cùm magni  
sumptus sunt faciendi.

## CAPVT IX.

De Veritate, seu Veritatis studio,

*ubi etiam*

De Taciturnitate.

*Quid est Veritatis studium?*

**V**IRTUS, quæ dictorum cum rebus, con-  
sensum prudenter observat.

Hæc Virtus, quatenus ad promissa jura-  
menta; refertur, *Fidem* in se complectitur,  
quatenus in sermonibus nostris sive bonis,  
sive malis versatur, *Sinceritatem & Candorem*.

*Quanam illius sunt officia?*

I. Danda est opera, ut, quantum ejus licet,  
sermones nostri rebus semper consentiant,  
maximè in rebus ad religionem pertinenti-  
bus, in juramentis, in promissis, atque adeo  
in omnibus, ubi mendacium nostrum nocere  
alteri posset, qua in re fidem, quam dicto-  
rum factorumq; constantiam definiunt, &  
justitiæ fundamentum esse rectè asserunt,  
cerni diximus.

II. Si

II. Si civili mendacio periculum ab altero avertere, aut insigni eum commodo augere possis, eo uti convenit, observatis iis, quæ in primo præcepto diximus, nempe ut nec præter necessitatem, nec in rebus ad religionem pertinentibus, nec in iuramentis mendacium versetur, nec cum aliorum injuria sit conjunctum. Sic, *Obstetrices olim jussæ infantes Israëlitos enecare, Pharaonem mendacio eluserunt, cujus facti premium à Deo retulerunt.* Cum de nobis solis agitur, parcius hujusmodi mendaciis est utendum, quàm cum de aliis: nam quod aliorum utilitati datur, facilius nos excusat, quàm quod nostræ.

III. Si quis fortè juraverit, aut sine jurejurando promiserit id se facturum, quod cum honestate revera pugnat, iuramentum aut promissum damnandum ac deplorandum est: non autem, ut verus esse videatur, denuò peccandum. Cedit enim veritas dictorum factorumq; honestati, quando inter utramque lis est.

IV. Cum de bonis nostris sermo est, licet nonnulla reticere ac dissimulare, aut verbis modestè elevare, ita tamen, ne ipsa dissimulatione alienas de te laudes provocare velle videaris, præsertim si res, quam dissimulas, nimis sit manifesta. Semetipsum tum demum laudare licet, idq; cum significatione modestiæ,

**modestia**, cum adversariorum calumniæ & obrectationes nos eò impellunt, quo tempore etiam ostendendum est, nos inviros ad laudes nostras commemorandas adigi: licet etiam tum dona sua enumerare, cum eorum commemoratio non tam ad nostram laudem, quàm ad eorum pertinet gloriam, quod illorum in nobis fuerunt auctores: tandem & senioribus nonnunquam licet, ut juniores suo exemplo ad virtutem hortentur, suos labores præclaraq; facta enumerare. Alias laudes suas, licet verissimas, prædicare putatidissimum & odiosissimum est.

V. Delicta erroresq; nostros aliavé male fateri tum est necesse, cum eorum dissimulatio aut negatio posset nos vel mendaces, fraudulentos, impudentes; vel saltem pertinaces, contentiosos, ambitiosos arguere vel alios etiam corrumpere & non leviter offendere: quod tùm inprimis fit, cum quæ res manifestas ab aliis convictus fateri non vult. Atque in his rebus inprimis *Candor*, *Sinceritas*, *Simplicitas* spectatur, quemadmodum etiam in bonis nostris modeste agnoscendis aut profitendis.

*Quenam sunt vitia virtuti huic opposita?*

*Mentiendi libido*, sub qua *Perfidia* continetur, quæ Fidei adversatur, & nimia in dicendo *Simplicitas*, sive *Sinceritas*, quæ imprudentiam potius



potius, quàm improbitatem arguit: istud vitium in defectu peccat, hoc in excessu. Caudori speciatim quæ opponantur, postea dicemus.

*Quid est Mentiendi libido?*

Est vitium ejusmodi, quo quis vel in aliorum fraudem ac detrimentum, contra animi sui sententiam loqui, vel ex levitate quadam sciens prudens mendacia sua aliis obtrudere amat, etiamsi nihil ad illos mali, ad se nihil boni redundet. Qui hoc vitio laborat, is demum mendax jure dicitur.

*Idemné est Mendacium dicere & Mentiri?*

Non: *Mendacium dicere* censetur, qui falsum dicit imprudens: *Mentiri* autem is demum, qui sciens prudens falsum aliis obtrudit, præsertim si id ad illorum fraudem aut ludibrium pertineat.

*Quid est Persidia?*

Mentiendi libido in juramentis & quibusvis promissis. Ejus actus dicitur *Dolus malus*, sub quo continetur *Perjurium*.

*Quid est Dolus malus?*

Cum aliud dictum, aliud cogitatum, aut actum est in alterius damnum.

*Quid est Perjurium?*

Dolus malus in juramento, hoc est, in affirmatione religiosa. Ita enim juramentum definitur à Cicerone. quanquam etiam paulò  
latius

latius Perjurium extendi potest, ut omne mendacium in juramento, licet ad detrimentum alterius minimè pertineat, & ab imprudente etiam fuerit profectum, complectatur.

*Quot modis committitur Perjurium?*

Cum res præterita aut præsentes juramento confirmantur, uno tantum modo committitur, nempe cum falsum asseritur: at cum de futuris agitur, duobus cōtingere potest modis. Vnus est, cum is, qui jurat, id facere tum non cogitat, ad quod jurejurando se adstringit: alter cum is, licet tum, cum juraret, in animo haberet id facere, postea tamen id non præstat, culpâ aliquâ suâ interveniente.

*An ambiguitate verborum uti licet in juramentis ad fallendum eum, qui juramentum exigit?*

Haudquaquam; sed sincere ac candidè agendum est tum, cum Deus testis ac vindex fraudis advocatur. Itaq; perjurii crimen non effugies, etiamsi id, quod jurasti, eo sensu præstiteris, quem tibi ipsi reservaras, neglecto eo, in quem aut nolebas, aut probè noras, juramenti verba accipere eum, cui jurabas. Nam cum juramentum in illius utilitatem primò sit comparatum, cui juratur, ut habeat, cui tuto innitatur, non verò in utilitatem jurantis, nisi per accidens, eo sensu accipienda

cienda sunt juramenti verba, in quem illum accipere constat, non hunc.

*Quid vocas nimiam in dicendo Simplicitatem  
seu Sinceritatem?*

Vitium eorum, qui cum damno aut periculo, siue suo, siue alieno quicquid verum esse putant, eloquuntur, praesertim interrogati, licet rem dissimulare, vel honestè negare possent. Ut, si quis latentem alicubi hominem, eumq; fortasse planè innoxium, à persequente hoste interrogatus prodat, & in discrimen vitae adducat, quem tamen ibi latere honestissimè negaret: Sic, si quis delictum alterius, quod tegere juberet charitas, vel etiam suum aut suorum domesticorum, quod honestius occuleres, nulla necessitate compulsus evulget.

*Quae vitia Candori speciatim opponuntur?*

*Arrogantia seu Iactantia, & Dissimulandi studium, quod Græcis Ironia dicitur.*

*Quid est Arrogantia?*

Est vitium in bonis nostris prædicandis modum excedens. Committitur tum, cum quis ea, quæ laude digna esse putat, sibi tribuit, quæ vel plane in ipso non sunt, vel minor, quam verbis jactat, vel deniq; cum intempestivè ea, quæ revera habet, commemorat, & de illis gloriatur. Quod vitium nunc superbiæ fructus est, nunc avaritiæ, ut in iis, qui, ut quæstum faciant, multa de se falso ja-

stant, ut *Sophistæ agyræ*, & alii ejus *farinæ homines*.

*Quid est Dissimulandi studium seu Ironia?*

Vitiū eorū, qui bona, quæ habent, vel prorsus se habere negant, vel nimis extenuant.

Vitium hoc nonnunquam ex ambitione nascitur ei; subservit: nam qui nimis affectatē suā extenuant, eo ipso majora sibi inesse bona credi volunt, & aliis occasionem laudandi sese præbent.

*Quid est Taciturnitas?*

Virtus modum in oratione servans; seu, Virtus in lingua frænanda occupata.

*Quæ sunt illius præcepta?*

I. Ut secreta tum tua, tum aliena studiosè celes, idq; etiam tum, cum vix quicquam videtur esse periculi. Hæc res ad consilia perquam est necessaria. Vnde Taciturnitas prudentiæ nervus dicitur.

II. Ut non nisi utilia loquaris, quæ jucunditate ita temperanda sunt, ut ab honestate tamen nihil deflectas.

III. Ut tempestiva loquaris, hoc est, ea, quæ personis, loco, tempori sint accommodata.

IV. Brevitati orationis, quantum res quidem & auditorum fert ingenium desideriumvé, studeas.

*Quæ sunt vitia Taciturnitati opposita?*

*Garrulitas & Morositas, seu nimia sermonis parcitas.*

*Quid*

*Quid est Garrulitas?*

Vitium in dicendo modum excedens.

Quod admittitur, cum quis secreta effutit, inutilia, intempestiva loquitur, aut deniq; verbosior est, quam res & auditorum fert voluntas.

*Quid est nimia sermonis parcitas?*

Vitium in dicendo modum deserens.

Quod fit, cum quis ne tempestiva quidem, aliisvé utilia vult loqui, aut, cum res vel auditorum ingenium prolixiorum orationem postulare, verborum nimis est parcus. Deterius autem Garrulitatis est vitium, quia frequentius ac magis noxium.

## CAPUT X.

De Humanitate seu Comitatu, quam Aristoteles Amicitiam appellat.

*Quid est Humanitas?*

**V**irtus in civili conversatione ad seriam aliorum voluptatem sermones factaq; externa accommodans: seu, Virtus, quæ in sermonibus factisq; externis utiliter aliis placere studet.

*Quot sunt ejus officia?*

I. Id agit Humanus, ut quantum honestas, & vera aliorum utilitas patitur, nemini sit molestus, sed omnibus jucundus.

II. Aliorum rectè facta, ubi commodum videt,



videt, libenter laudat. Commodum autem tum in primis est, cum vel ei, qui laudatur ad similia majoravé conanda, vel aliis ad æmulandum prodesse potest approbatio. Intempestivas laudes, aut assentationis specimen præbentes vitat.

III. Si quæ in aliis reprehensione digna videt, ita vituperare studet, ut reprehensionis asperitatem dexteritate quadam, & verborum lenitate, quantam res ipsa, & ejus, qui objurgandus est, patitur utilitas, emolliat. Quod si mali gravitas acriorem medicinam postulat, futuram potius eorum, quos monet, utilitatem, honestamq; jucunditatem, quam præsentem voluptatem quarendam statuit.

IV. Ad emolliendam reprehensionis duri-  
ritiem, dat operam, ut alter sentiat, sese ab ipso amari, & reprehensionem ab animo sibi optimè cupiente proficisci, eum reprehensione ac criminatione non delectari, sed invitum eò adigi, & vicem suam dolere: contentus suspicionem diligenter vitat: à convitiis abstinet, nec delictum nimis exaggerat: alterum ex imprudentia potius, quam studio peccasse mavult credere & dicere, nisi forte res ipsa contrarium loquatur, & commendationis ratio aliud postulet: communi-  
catione criminis libenter utitur, & sibi  
quodam.

quodammodo verbis tribuit, quod in altero reprehendit: nonnunquam non directè, sed veluti aliud agens amici vitium tangit, aut veluti joco rem maximè seriam agit.

V. Decorum ubiq; observat, & quid cuiq; personæ conveniat, diligenter expendit; aliter cum patre, aliter cum filio, aliter cum fratre, aliter cum notis, aliter cum ignotis agit.

VI. In monendo temporis opportunitatem captat, nec tum quemquam facile reprehendit, cū animus ejus alias ob causas turbatus est ita, ut vix videatur reprehensionem patienter laturus. Quodsi tamen periculum sit in mora, etiam, cū non satis est opportunum, monet, ne fortè monitioni postmodum nullus sit locus.

VII. De lana caprina non rixatur, nec pertinaciter sua defendit, sed aliis libenter, ubi honestè licet, cedit: contentiosa voce non utitur: vicissitudinem sermonis in colloquiis servat, nec, quasi in suam possessionem venisset, aliis dicendi licentiam adimit: alienos sermones non interturbat: nec ad primum quodque verbum, quid alter voluerit dicere, divinat, aut responsionem, antequam is sermonem finierit, orditur.

VIII. Mœstos solatur, dubios ac vacillantes erigit, & animum illis inspirat.

IX. Vultu non tristem ac nimis severum, sed

sed serenum potius ac permixta gravitate blandum, adituq; non difficilem se præbet: libenter salutat.

*Quæ sunt extrema Humanitati opposita?*

Ex una parte virtuti huic opponitur *Nimum aliis placendi studium*, sub quo *Adulatio* continetur; quod eorum est vitium, qui emolumentum sui causâ in omnibus placere aliis volunt, & omnia eorum dicta factaq; laudant. Ex altera parte virtuti huic opponitur *Inhumanitas ac Morositas, & Contentioni studium*, item *Conviciandi, Calumniandi & Obrectandi libido*.

*Quid est Inhumanitas seu Morositas?*

Vitium eorum, qui non curant, ut aliis sint jucundi; sed eorum dicta factaq; libentiùs, aut asperioribus, quàm opus esset, verbis reprehendunt, vultu tristes, aditu difficiles.

*Quid Contentioni studium?*

Vitium eorum, qui aliis quavis in re libenter contradicunt, de re levi acriùs, iracundiùs, & altiori voce disputant, sua pertinaciter defendunt, nec, licet victi, de sententia facile discedunt, aut se victos fatentur.

*Quid Convicium?*

Crimen quodvis iguominie causâ alteri objectum.

*Quid Calumnia?*

Crimen gravius alicui fallò impactum.

*Quid*

Sermo clandestinus ad famam alterius minuendam comparatus.

*Verum extremum huic virtuti oppositum est deterius?*

Simpliciter quidem deterius est id, quod in defectu peccat: per accidens autem nonnunquam id deterius est, quod in excessu peccat, nempe Adulatio, ad eorum, qui laudantur, detrimentum ac morum corruptionem comparata, quæ morositate, imò & contentionis studio est deterior.

## C A P V T X I.

### De Urbanitate.

*Quid est Urbanitas?*

**A**Ristoteli virtus est in iocis: nobis Habitus dextrè iocandi: qui quatenus ad risum tantum excitandum valet, vitiosus est, docentibus sacris literis, quæ non tantum sermones obscænos, & scurrilitatem, sed & *ἐντράπεζαν* prohibent: quatenus verò scilicet quippiam festiuitate sermonis ab omni obscænitare sejuncta condit, verbisq; in speciem jocosæ mixtæ voluptati utilitatem audientibus affert, rarò ac tempestivè adhibetur, Comitatis seu Humanitatis quædam est particula, eaq; ratione haud videtur reprehendenda.

*Quotuplex*

*Quotuplex Urbanitatis est officium?*

Duplex: alterum dicendi, alterum audien-  
di iocos: sed istud potius est.

*Quid in dicendis jocis est observandum?*

Id paulò antè dictum est: nempe ut impie-  
tas & obscœnitas omnis absit; ut seria & uti-  
lia jocis subsint; ut tempestivè ac rarò ad-  
hibeantur.

*Quid requiritur, ut tempestivè adhibeantur?*

I. Ne tum usurpentur, cum de rebus gravi-  
bus seriò, & intentis animis agitur: inprimis  
autem cùm de reb<sup>9</sup> divinis, & ad religionem  
pertinentibus sermo est, itemq; in calamita-  
tibus, sive publicis, sive privatis, sive nostris,  
sive alienis: nisi forte ad eos, qui lugent, ex-  
hilarandos maximè opportuna festivius  
quippiam dicendi se offerat occasio: quod e-  
tiam in politicis negotiis, licet gravibus,  
nonnunquam accidit.

II. Privatum potius, quàm publicè, inter pau-  
cos potius ac notos, quàm inter plures & igno-  
tos utendum est jocis: nec in parentes, magi-  
stratus, aliosq; viros graves ac magnos, quos  
revereri debemus, dictoria sunt iacienda.

III. Diligenter cavenda est offensio, & eo-  
rum, qui joco petuntur, spectandum ingeni-  
um: quod si irritari facile possint, temperan-  
dum est à salibus, qui ipsos mordere aliqua  
ratione possint. Tales autem inprimis sunt  
homines



homines potentes, iracundi, superbi, qui se ab omnibus laudari ac magnifici postulant.

IV. Personæ, quas præ cæteris gravitas decet, vel ob ætatem, vel ob muneris dignitatem, præ cæteris etiam à jocis abstinere debent. Tales autem sunt ii in primis, qui res divinas tractant. Nam ioci, nisi valdè sint opportuni ac rari, nisi item aliquid serii aut ingeniosi contineant, de gravitate & auctoritate nonnihil detrahunt.

V. Sine effuso risu & cachinnis proferantur, ut nihilominus decorum & gravitas quædam observetur.

VI. Caveatur, ne verborum festivitas rem seriam efficiat ludicram. Itaque alterum admoniturus de re seria, ioco uti non debes, nisi forte id commodius præstare non possis, ne vel propter id ipsum monita tua spernantur.

*Quid in audiendis joci est observandum?*

Ne ea libenter audias, quæ honestè non diceres: obscœna tibi auditu esse iniucunda, nunc vultu, nunc verbis quoque ostendas: cæteris æquiores te præbeas.

*Quæ sunt vitia Urbanitati opposita?*

Ab Aristotele duo constituuntur: *Scurrilitas*, & *Rusticitas ab omni joco abstinens*. Sed hoc posterius, nisi ad Morositatem accedat, vitium haudquaquam est, & immerito Rusticitas appellatur, cum potius ad divinam & he-

Hæc sunt vitia Urbanitati opposita.

part. spec. roicam quandam gravitatem pertineat, qualis in Domino Iesu fuit. Scurrilitas verò re ipsa vitium est.

*Quid est Scurrilitas?*

Vitium in iocis modum superans, estq; eorum hominum, qui posthabita honesti aut decori cura ferè in omnibus, aut in iis, in quibus haud decet, risum captant, nec, modò ridiculi sint, magnopere laborant, ne quem forte salibus suis offendant; quin ne sibi quidem ipsis nonnunquam parcunt.

*An differentia quadam est inter Scurriles sermones?*

Est: alii enim etiam obscœni sunt, & ad audientium mores corrumpendos sunt comparati, & hi omnium sunt deterrimi: alii vanum tantum ac leves: alii falsi ac paulò mordaces, qui scommata dicuntur: alii ingeniosi & innoxii, sed frequentiores, quam ut hominem gravem deceant: quanquam vulgo Scurriles haud dici solent.

## CAPVT XII.

De Decore in rebus externis; tum de Decore, quod ex diversitate naturæ, sexus, ætatis, conditionis oritur?

*Quibus rebus absolvitur Decorum istud, quod in externis cernitur?*

Gravitat

**G**Ravitate, & Civili morum elegantia.

*Quid appellas Gravitatem?*

Dignitatem quandam, & constantiâ in vultu, motu ac gestu corporis, sermone & vestitu.

*Explica hanc dignitatem in singulis?*

Vultus virum gravem is decet, qui solet esse hominis seria agentis, ita tamen ne tristis sit aut tetricus. Motus debet esse æqualis, non varius, non concitatus, nisi res moram non ferat, itemq; flexus corporis, omniumq; membrorum virilis, non effæminatus, non histrionicus, ita tardus, ut ignaviam tamen non arguat. Sermo sit sedatus, stabilis, tardior paulò, non volubilis, non acutus, non contentiosus, non jactabundus: quam & veritatis ac taciturnitatis studium non parum ad gravitatem in sermone pertinet. Vestitus non varietate colorum aut affectato quodam splendore sit insignis, nec juvenilem levitatem præ se ferat. Viros certè ac senes, & eos, qui divina tractant, niger color, aut ad nigrum paulo propiùs accedens, nisi consuetudo aliud postulet, toga promissior, mundities frugalior decet.

*Quid Gravitati opponitur?*

In excessu quidem affectata quædam *Severitas* & *Supercilium*: in defectu autem *Levitas*, quam ex contrarii naturâ faciliè intelliges.

*Annon Choreæ quoq; profane ad levitatem  
pertinent?*

Pertinent: unde quo quisq; est gravior, tanto magis ab iis abhorret: quod in universis etiam populis cernere licet: Nam Græci, quia leviores erant, saltare non indecorum putabant: at Romani, quia graviores erant, saltationem in probri habebant. Hinc etiam quo quemq; major decet gravitas, tantò magis dedecet saltatio, ut, senes, & eos, qui res divinas tractant, aut munus in Republica amplum sustinent. Sed levitate pejor est intemperantia & libido, cui ferè choreæ suberviunt.

*Quidnam observandum est in, qui civili morum elegantia student?*

I. Sequenda est regionis ac loci cujusq; consuetudo. II. Et exemplum eorum, qui prudentum inprimis judicio elegantioribus censentur moribus. III. Quicquid vitii alicujus speciem præbere, aut suspicionem in aliorum animis excitare potest, id studiose cavendum est. IV. Utendum verecundia. V. Omnia illa vitanda sunt, quorū aspectus aut cogitatio molesta esse potest; quin etiam ea, quæ rei alicujus sædæ memoriam excitare queunt. VI. Quicquid molle & effæminatum, id cavendum, viro inprimis. VII. Mundities corporis ac vestitus sequenda non odiosa & exquisita nimis, sed quæ ab-

à rusticis

à rustica negligentia, & dissolutum hominem non arguat. VIII. Benevolentia aut honoris, quo alios prosequimur, signa usu recepta non sunt negligenda, sed ita, ne in iis videamur nimii. Alia multa, quæ pro diversitate loci, temporis, personarum, ac rerum observanda sunt, videantur apud eos, qui de Civilitate morum, aut de civili conversatione scripserunt: quanquam plurima usu ipso aliorumq; exemplis sunt discenda.

*Quid morum elegantia opponitur?*

*Rusticitas in defectu: in excessu autem Superstitiosa aut Ridicula civilitatis affectatio.*

*Qua in re situm est decorum illud, quod ex diversitate naturæ, sexus, ætatis, conditionis oritur?*

In eo, ut quisq; in actionibus id sequatur, quod ingenio suo non vitioso, sexui, ætati ac vitæ statui convenit.

*Quomodo ex diversitate naturæ diversitas*

*quoq; decori nascitur?*

Natura pro varietate temperamenti ad varia nos vitæ genera, variasq; virtutes aut vitia pronos facit: quod vitiosum est, id corrigendum est: quod bonum quisq; nactus est à natura sibi maximè proprium ac peculiare, id si studio excolat, eum maximè decebit. Atq; ut de diversis vitæ generibus, ad quæ nos naturæ impetus rapit, taceamus, in virtutibus quoq; id apparet: alii enim ad severitatem,



part. spec. tatem, gravitatem, magnanimitatem à natu-  
ra sunt facti: alii ad lenitatem, humanitatem,  
ac modestiam majorem, ita ut nec illi ho-  
rum facilitatem, nec hi illorum gravitatem  
imitari usquequaque possint, nec omnino  
deceat, licet utrique & graves sint, & mode-  
sti, sed alia atque alia ratione.

*Quanam virilem sexum decet, & quæ  
femineum?*

Virilem sexum major decet animus. Ejus  
enim sexus est discrimina adire pro bonis,  
Rempublicam gubernare, foris rem parare,  
itinera suscipere, cum aliis contrahere, eru-  
dire alios, sermonem habere ad populum,  
ad quæ omnia major requiritur animi præ-  
sentia. Fœminas major decet modestia, &  
verecundia; earum fortitudo ab audacia lon-  
gius debet discedere, quàm virorum; domi  
potius rem à viris partam custodire, quàm  
foris versari, aut itinera suscipere; aliis potius  
parère, quàm imperare; tacere potius & au-  
dire, quàm loqui debent.

*Quanam verò hanc illam præstatem decet?*

Juniores major decet modestia & vere-  
cundia; seniores major gravitas & severitas;  
illi rectè monentibus libenter parère; hi re-  
ctè præcipere, & exemplo ad omnem hone-  
statem cæteris præire debent. Iuvenes ac gi-  
ri labores qui majores corporis vires postu-  
lant

lant, suscipere, senes consilio alios instru-  
ere: his corporis labores minui, animi exer-  
citationes etiam augeri (senectutem decre-  
pitam excipio) solent.

*Quenam in diversis vite generibus decent?*

Hæc quia propè sunt innumera, idèd proli-  
xum esset singula persequi. Sunt in Ecclesia,  
in Republica, in Schola, in Domo varia mu-  
nera dignitate inter se discrepantia, quorum  
officia partim peculiaribus libris sunt descri-  
pta, ut *Principis, Consilarii Ecclesiæ &c.* alia  
ipso usu, monitis prudentum, & eorum, qui  
cujusque vitæ generis maximè sunt gnari,  
discenda veniunt: omnia verò ex fine cujus-  
que vitæ generis ac muneris imprimis æsti-  
manda sunt. Finis enim est, qui media definit.

*Hactenus de Virtute morum perfectæ &  
communi.*

## CAPVT XIII.

### De Virtute Heroica.

*Quid est Virtus Heroica?*

**V**irtus morum adèd excellens, ut, qui e-  
am habet, communem humanæ naturæ  
conditionem videatur supergredi.

*Vnde ea cognoscitur?*

Inde, quòd quis ea præstare soleat, quæ in  
virtutum actionibus maximè sunt ardua, &  
quæ ne ii quidem, qui communiter viri boni  
dicuntur, facere solent. *H + Quibus*

*Quibus ex causis oritur?*

Tribus potissimum: singulari naturæ bonitate, assuetudine, cui sapientiæ studium subservit, & divini spiritus afflatu: quæ causa vel omnes simul concurrunt, vel duæ, aut una potissimum virtutem heroicam producit. Adjuvant autem & promovent etiam externa, nempe res admodum secundæ, vel admodum adversæ aut periculosæ; hæc occasionem illius exercendæ præbent, illæ etiam instrumenta.

*Quomodo dividitur?*

Quamquam ex causis efficientibus divisio aliqua peti potest, tamen & hæc illius tradi potest distributio, quod ea vel sit excellentia & perfectio omnium virtutum moralium, vel quarundam, vel unius tantum. Prima illa in Christo, tum in Paulo, cæterisque divinis viris ac Christianis enituit, pro ratione muneris. aut status uniuscujusque nunc clariùs nunc obscuriùs. Quod ad certas virtutes attinet, in quibus heroicus animus imprimis cernitur, inter eas primum locum obtinet Magnanimitas, cui Fortitudo & Patientia est adjungenda: sequitur Temperantia & Castitas singularis, tum Iustitia, Beneficentia, Mansuetudo ac Clementia, præsertim cum magnæ sunt vitiorum contrariorum occasiones & irritamenta.

*Quid Virtuti Heroicæ opponitur?*

*Feri-*

*Quid est Feritas seu Immanitas?*

Vitiositas adeò facta, ut excussa ratione hominem ad pecudes abjiciat. Id fit, cum quis ea committit flagitia, quæ plerique, licet aliis improbi & vitiosi vitare solent, & à quibus humana natura prorsus videtur abhorere.

*Quibus ex causis oritur?*

Naturâ depravatâ, casu, morbo, consuetudine, aut pœna divina peccatum consequente. Ea, quæ ex consuetudine aut pœna divina peccatum consequente oritur, vitium morale est propriè sic dictum, & communi vitio deterius: cætera feritatis genera alio quodam modo vitia dicuntur, & commiseratione potius, quàm vituperatione, aut pœna digna sunt, præsertim si nulla eorum, qui illis laborant, culpa intervenerit, quæ in morbis aliisvè casibus nonnunquam deprehenditur.

*Quomodo dividitur?*

Præter eam divisionem, quæ ex causis petitur, hæc quoque tradi potest: quòd alia sit vitiorum omnium, quæ in eundem hominem simul cadere possunt, excessus quidam: vel quorundam, aut unius tantùm; ut impietatis, intemperantiæ, atque inprimis libidinis, tum crudelitatis, injustitiæ, timiditatis.

CAPVT XIV.

De Virtutibus Imperfectis,

*atque in specie,*

De Continentia.

*Quid sunt Virtutes Imperfectæ?*

**D**ispositiones, seu gradus quidam ad virtutes perfectas.

*Quot sunt?*

Tot, quot ipsæ virtutes perfectæ: sed cæteras propemodum in se complectuntur hæc duæ, *Continentia* & *Tolerantia*, quæ circa voluptatem & dolorem, eorumq; cupiditatem ac fugam versantur: hæc verò per omnia virtutum objecta sunt diffusa. Itaq; de duabus his virtutum imperfectarum speciebus nobis insignitè agendum est.

*Quid est Continentia?*

Continentia est virtus imperfecta circa voluptates eas, quæ habent nimium, seu quantum excessus vituperatur.

*Annon omnium voluptatum est nimium, seu excessus vituperatione dignus?*

Non: Nemo enim jure eum reprehenderit, qui ex actionibus honestis, ex spe ac gustu immortalitatis, ex rerum divinarum contemplatione, voluptatem capiat maximam, eamq; vehementissimè appetat.

*Quotuplices*



*Quotuplices sunt voluptates quæ habent nimium?*

Duplices: aliæ sunt genere ipso necessariæ, nempe quæ ex cibo & potu percipiuntur; itemq; eæ, quæ ad propagationem soboli pertinent, circa quas versatur *Temperantia*: aliæ non necessariæ, expetendæ tamen, si modus adhibeatur: ut eæ, quæ ex honore, lucro, victoria, manant, itemq; voluptates aurium, oculorum, narium; quedam etiam tactus, ut ex frictionibus perceptæ, & similes. Ex qua divisione ipsius etiam *Continentiæ* divisio nascitur.

*Quotuplex ergo est Continentia?*

Duplex: alia simpliciter sic dicta; alia cum adjectione, seu appositione objecti, in quo versetur. Illa in necessariis versatur voluptatibus; hæc in nō necessariis. Eadem quoq; *Incontinentiæ* seu *Intemperantiæ* est distributio.

*Quid est Continentia simpliciter sic dicta?*

Virtus imperfecta in voluptatibus necessariis occupata, vel temperantia imperfecta: Vnde vulgo *Continentiam* & *Temperantiam* inter se confundunt. Itaq; *Continentiæ* præcepta ex doctrina de *Temperantia* petenda sunt.

*Qua in re Continens & Temperans discrepant?*

Quod in homine continente cupiditates adhuc sint vehementes, & cum recta ratione acriter contendunt, licet vel semper, vel plerumq; ab ea vincantur. At in temperante

part. spec. cupiditates non sunt acres, sed moderatæ, & rationi libenter parent. Itaquæ; continenti voluptates turpes allubescere solent, aded ut ægrè sibi ab illis temperet: temperanti non item.

*Quid est Incontinentia simpliciter sic dicta?*

Vitium imperfectum in voluptatibus necessariis modum superans: seu, intemperantia imperfecta,

*Quomodo inter se differunt Incontinens & Intemperans?*

Quod Intemperans jam persuasus est, voluptates turpes esse persequendas, corrupto rectæ rationis de rebus honestis & inhonestis iudicio. At Impotens saluum habet rectæ rationis iudicium de rebus honestis ac turpibus, ideoquæ; contra animi sui sententiam turpes voluptates à cupiditate victus persequitur.

*Potestne aliquis sciens peccare?*

Potest: nam cum rei turpi aliquid est admixtum boni, qualecunquæ; illud sit, potest voluntas libera eam vel repudiare propter turpitudinem, vel amplecti propter admixtum bonum, ut in doctrina de voluntate dictum est. Est tamen ista scientia, contra quam quis peccat, in affectus & rationis pugna non prorsus libera, & liquida, sed aliqua ratione impedita, & turbata, maximè tum,  
cum

cum decretum de cupiditate implenda jam part. spec.  
factum est.

*Quid de Continentia & Incontinentia cum  
adjectione statuendum est?*

Idem quod de ea, quæ simpliciter ita dicitur, observato tantum discrimine, quod in objecto consistit. Est enim Continentia hæc virtus imperfecta in voluptatibus non necessariis, per se tamen expetendis, occupata. Incontinentia ei opposita, vitiū imperfectū in iisdem voluptatibus modum excedens.

*An non alia adhuc Impotentia in universum  
restat divisio?*

Restat: alia enim Temeraria dicitur, alia Imbecillis. Temeraria est eorum, qui nulla antegressa præmeditatione de voluptate spernenda, ab eâ adveniente vincuntur, *quales sunt ii, qui celeres & vehementes habent motus.* Imbecillis eorum est, qui diligenter præmuniti adversus voluptatem ab eâ nihilominus vincuntur.

## C A P V T X V.

### De Tolerantia.

*Quid est Tolerantia?*

**V**irtus imperfecta, quâ dolores non sine magna rationis & appetitus lucta superamus.

*Quæ sunt Tolerantie præcepta?*

Ea in

Ea in doctrina de Fortitudine & Patientia, à qua gradu tantum differt, tradita sunt. Nam quod est Continentia respectu Temperantia, id est Tolerantia respectu Patientia, adeo ut definiri etiã possit, Patientia inchoata.

*Quid ei opponitur?*

*Mollities.*

*Quid est Mollities?*

Vitium imperfectum, quo doloribus, quos pleriq; non difficulter superant, contra rationis iudicium succumbimus.

*Annon ii quoq; molles sunt censendi, qui exquisitissimis doloribus succumbunt?*

Non: quanquam dum succumbunt, cum non deberent, ad molliem inclinant.

*An ii molles sunt censendi, qui ob naturæ imbecillitatem, morbum aut casum quædam non sustinent, quæ alii facile?*

Non: Sed si iis succumbant, quibus alii eodem imbecillitatis genere laborantes facile sunt superiores. sic non protinus sunt accusande feminae, si ab iis vincantur doloribus, quos viri facile superant, sed si eos non serant, quos alie mulieres paulo constantiores facile sustinent.

*Finis doctrina de Virtute Morali.*

# SECUNDA PARS Tractationis de Virtute,

Cap. I.  
Tractat:  
De virtute  
Intellectus

## *qua agit* DE VIRTUTE INTELL- ECTUS

### CAPVT I.

*Definitio & Divisio Virtutis  
Intellectus.*

*Quid est Virtus Intellectus?*

**H** Abitus mentis, quo verum concipimus.  
Græci rotundiùs *ἐξεν ἀληθειῶν* de-  
finiunt.

*Quot sunt virtutes Intellectus?*

Quinq; : Ars, Prudentia, Intelligentia, Sci-  
entia, Sapientia.

*Quomodo inter se distinguuntur?*

Objectis. Nam objecta, circa quæ versan-  
tur, vel sunt necessaria, vel contingentia. Ne-  
cessaria iterum sunt quodammodo triplicia:  
Principia, Conclusiones ex illis deductæ, &  
Vtrâq; inter se junctæ. Circa Principia sola  
versatur *Intelligentia*; circa Conclusiones ex  
illis deductas *Scientia*; circa Vtrâq; simul *Sapi-  
entia*. Contingentia sunt duplicia: vel enim  
planè sunt incerta, nec sub hominis arbitri-  
um ca-



um cadunt, qualia sunt ea, quæ à casu ac fortuna pendent, & circa hæc nullus versatur habitus, sed opinio tantum: vel ad aliquam certitudinem revocari possunt, & sub hominis arbitrium cadunt. Et hæc iterum sunt duplicia: vel enim ad actionem ac mores pertinent, vel ad effectiorem, seu operis alicujus productionem: Circa priora versatur *Prudentia*, circa posteriora *Ars*.

*Annon alia quadam ratione distingvi possunt hi habitus?*

Possunt finibus. Alii enim sunt *Contemplativi*, quorum finis per se est ipsa cognitio, & hi tres sunt, *Sapientia*, *Intelligentia*, *Scientia*: Alii *Practici*, hoc est, quorum finis est præter cognitionem Actio honesta, & est *Prudentia*: Alii *Effectivi*, quorum finis est operis alicujus productio, & est *Ars*. Nos in iis explicandis ab eo incipiemus, qui dignitate postremus est, & cæteris subleuit.

## CAPVT II.

### De Arte.

*Quot modis Artis vocabulum accipi solet?*

**T**RIB<sup>9</sup> potissimum: vel enim ita latè sumitur, ut omnis honestas disciplinas ac scientias in se complectatur, vel pro præceptis alicujus artis ac disciplinæ: vel denique pro virtute Intellectus, quæ versatur circa opus aliquod

aliquid efficiendum, quo modo hîc accipimus.

Cap. II.  
Tract. de  
virt. Intel.

*Quomodo ab Aristotele definitur Ars?*

Habitus mentis ad aliquid cum recta ratione efficiendum comparatus: seu, Virtus mentis effectiva.

*Quotuplices sunt artes?*

Duplices: aliæ sunt Certæ, quæ certa ratione finem suum semper assequuntur, ut *Grammatica, Analytica, Geometria illa, quæ in agris dimetiendis occupatur, Arithmetica, quam practicam appellare licet*: aliæ sunt Stochasticæ, quæ pro diversitate circumstantiarum alia atq; alia ratione finem suum consequuntur, aut etiam licet omnia adhibuerint media, finem interdum propter impedimenta artis vim superantia non assequuntur, ut *Rhetorica, Medicina, Nautica, Militari*: non enim semper persuadet Rhetor, licet optimus; nec semper medicus sanat. Prioris generis artes consultatione non egent: hæ egent, & prudentiæ opem desiderant.

*Annon & alia est Artium distinctio?*

Est: nam aliæ in ipso artifice opus suum producunt, ut *Logica*, quæ in artificis mente format argumenta: aliæ extra artificem, quod inprimis faciunt *Mechanicæ*. Distingvuntur aliàs artes fine, & materiâ, seu objecto, in quoddam formam artificialem introducere laborant.

borant. Sed hæc persequi non est nostri instituti.

*Quid Arti opponitur?*

*Inertia*, non ea, quæ desidiam significat; sed ea, quæ est vel privatio artis, vel habitus contrarius, qui definitur: *Habitus falsa ratione aliquid efficiens.*

### CAPVT III.

#### De Prudentia.

*Quid Prudentie nomine intelligi?*

**H**abitum rectè consultandi: vel, Virtutem intellectus in consiliis occupatam.

*Quotuplex est?*

Duplex: alia simpliciter sic dicta: alia secundum quid, seu hæc illâvé in re. Illa universæ vitæ rationem moderatur; hæc, in certis tantum rebus ad vitæ rationem pertinentibus occupatur, ut in iis, quæ ad valetudinem, robur augendum, agrum rectè colendum pertinent: ista huic præest; hæc illi subservit. Nobis de priori potissimum erit sermo.

*Quomodo defini Prudentiam simpliciter sic dictam?*

Prudentia est virtus mentis actiones totius vitæ dirigens.

*Quanam Prudentie sunt officia?*

I. Verum totius vitæ finem, & apta ad eum consequendum media nosse.

II. Sing

II. Singularum actionum circumstantias  
examinare, & exinde facta ipsa moderari.

III. Inter duo, pluravé bona aut mala dele-  
ctum rectè instituere.

IV. Consilia recta invenire, inventa tegere,  
& quanta licet celeritate exequi. Et in hoc  
quidem postremo maxima prudentiæ vis  
cernitur, adeò ut cætera ejus officia ad hoc  
unum revocari quodammodo possint.

*Quenam ad rectum consilium requiruntur?*

I. Ut honestus præfigatur finis.

II. Ut tum honesta, tum commoda ad eum  
inveniantur media: quam ad rem mora, si  
res ipsa ferat, in deliberando adhibenda est.

*Quenam ad Prudentiam comparandam sunt  
necessaria?*

I. Ingenii acumen ac judicii bonitas.

II. Experientia, in qua robur prudentiæ est  
longè maximum.

III. Doctrina inprimis politica, quâ Ethicam complectimur, & historiarum cogni-  
tio: quanquam doctrina, si cætera omnia ad-  
sint, nonnunquam abesse potest, sed ita, ut  
nonnihil prudentiæ fastigio decedat.

IV. Virtutis atque inprimis temperantiæ  
studium: hæc enim prudentiæ est custos &  
atrix.

*Quotuplex est Prudentia?*

Prudentia simpliciter sic dicta una revera  
I 2 est,

Tract. de  
virt. Intel.

est, sed pro diversitate materiæ, in qua occupatur, quodammodo fit multiplex. Prudentia enim vel in privatis tantum nostris negotiis & actionibus cernitur, vel in aliorum etiam. Prior, generali nomine prudentiæ contenta est. Posterior iterum duplex est; vel enim in Reipub. negotiis versatur; vel totius alicujus familiæ commodis consulit: illa *Politica*, hæc *Oeconomica* dicitur.

*Quodnam est Prudentiæ Politicæ officium?*

Totius Reipub. felicitati prospicere. Quod fit, cum curat, ut virtus ac pietas ab omnibus colatur, sapientiæ studia florent, tranquillitas sit ac pax tum extra, tum intra mœnia, & copia rerum ad vitam commodè ac liberaliter traducendam necessariorum.

*Quotuplex est Prudentia Politicæ?*

Duplex: Altera circa universalia occupatur, & dicitur *Nomothetica*, seu *legum ferendarum scientia*: altera verò circa singularia negotia, & hæc generale prudentiæ politicæ nomen sibi tanquam proprium vulgò assumit, eaq; iterum duplex est: *Iudiciaria*, quæ in litibus dirimendis, ac causis disceptandis versatur; et *Consultatrix*, quæ in deliberationibus publicis cernitur.

*Quodnam Oeconomice Prudentiæ est officium?*

Prudentiæ civili inservire, & quæ illa publice curat, privatim exequi: ad virtutem, religio-



religionem, & si licet, sapientiam quoq; do-  
mesticos instituere, prosperitati eorundem,  
& commoditati vitæ prospicere.

*Annon οὐνεως etiam, quam Latini intelligenti-  
am vocant, ad prudentiam pertinet?*

Pertinet: Est enim nihil aliud, quàm Pru-  
dentia de iis judicans, quæ ab aliis sunt con-  
stituta.

*Annon ευγνωμοσύνη etiam huc pertinet?*

Pertinet: Est enim iudicium rectum viri æ-  
quum bonum amantis. Quale verò illud sit,  
ex doctrina de æquo bono cognosci potest.

*Quid Prudentiæ opponitur?*

*Imprudentia*, vel ut privatio, vel ut contra-  
rium. Si ut contrarium, definitur *Habitus*  
mentis actiones totius vitæ malè instituens.  
Ad hanc *Astutia* pertinet, quæ apta quidem  
media ad finem assequendum invenit, sed  
vel inhonestum finem sibi præfigit, vel in-  
honestis ad eum contendit mediis, vel u-  
trumque simul facit.

## C A P V T IV.

### De Intelligentia.

*Quot modis sumitur Intelligentia seu Intellectus?*

Duobus potissimum: vel pro facultate na-  
turali, qua intelligimus: vel pro habitu quo-  
dam mentis nostræ, in qua significatione  
hoc loco nomen istud accipimus.

*Quomodo definitur?*

Virtus mentis in scientiarum principiis occupata: vel, Habitus animi ratione præditi, quo scientiarum principia cognoscuntur.

*Quid vocas scientiarum principia?*

Propositiones naturâ clarissimas, quibus cætera, quæ in scientiis traduntur, tanquam fundamentis superstruuntur, quæ per causas proprias demonstrari amplius nequeunt.

*Quomodo autem ista principia cognoscuntur*

*& probantur?*

Modi, quibus primò colliguntur principia, sunt duo: *Inductio singularium*, & *Collectio ex effectibus*. his etiam modis, cùm in dubium vocantur, probari solent in scientiis, quibus adde *Deductionem ad impossibile*, & *rationes communes*, quas *Aristoteles* vocat *Logicas*, quæ non ex mediis cuilibet quæstioni propriis, sed generalioribus, & ad alias etiam quæstiones probandas aptis deducuntur. Sed generatim loquendo, omnium aptissimi sunt ad principia probanda duo hi modi: *Inductio*, & *Deductio ad impossibile*.

*Quid Intelligentiæ opponitur?*

Quod ei propriè opponitur, caret nomine; dici autem potest, *Ignorantia principiorum*.

## C A P V T V.

De Scientia.

*Quot*

*Quot modis sumitur vox Scientiæ?*

Tribus potissimum: *primò* latissimè, pro quavis cognitione, præsertim certa sive singularium, sive universalium. *Secundò* paulò strictiùs, pro cognitione certa universalium, atque inprimis necessariorum, qua ratione intelligentiam & sapientiam, imò & artem in se complectitur. *Tertiò* strictissimè, pro cognitione certa conclusionum, quæ per causas proprias habetur. Et hæc significatio est hujus loci.

*Annon alia adhuc subest huic voci ambiguitas?*

Subest, & quidem duplex: nam *primò* sumitur vel pro habitu sciendi, qui etiam est in dormiente, vel pro actu. *Deinde* vel pro cognitione unius tantùm conclusionis, vel pro notitia plurium conclusionum ad idem rerum genus pertinentium, & unum disciplinæ corpus seu systema constituentium, ut est *Physica, Astrologia, Arithmetica, Geometria*. Hoc loco ponitur pro habitu, qui complectitur cognitionem multarum conclusionum ad idem rerum genus pertinentium.

*Quomodo definitur Scientia?*

Habitus demonstrativus, seu demonstratione comparatus.

*Quenam in quavis Scientia considerantur?*

Hæc tria: Subjectum, Principium & Affectiones subjecti propriæ. Principia autem in-

Tract. de  
virt. Intel.

tellige tum ea, quæ subjectum constituunt, quæ sunt res simplices, & appellantur *Principia constitutionis*, tum propositiones per se claras, ex quibus affectiones propriæ de subiecto demonstrantur, quæ appellantur *Principia cognitionis*; hæc primò sub intelligentiam cadunt, ejus beneficio scientiis inferuntur, quæ sine illa consistere non possunt. Sic in *Physicis* tractatur de corpore naturali, de principiis & affectionibus ejus propriis tum generalibus, tum specialibus, descendendo à genere usque ad species infimas: Corpori naturali in genere generalia accommodantur tum principia, tum affectiones, speciebus ejus specialia. Sed de his plenius agitur in *Analyticis*, ubi de Demonstratione tractatur.

*Quid Scientiæ opponitur?*

*Ignorantia*, præsertim conclusionum necessariorum.

*Quotuplex est Ignorantia?*

Duplex: altera negationis, altera praviæ dispositionis: quæ divisio non tantum in ignorantia Scientiæ strictè sumptæ opposita, sed & in quavis alia locum habet.

*Quid appellas ignorantiam negativam?*

Meram absentiam, seu privationem scientiæ in eo, qui scire per naturam potest: qualis est in rustico *Metaphysica*, aut *Mathematica* ignorantia.

*Quid*

*Quid vocas ignorantiam prave dispositionis?*  
 Errorem seu falsam persuasionem: *qualis est*  
*in Turcis aut hereticis ignorantia veræ religionis.*

## CAPVT VI.

## De Sapientia.

*Quot modis Sapientie vox sumitur?*

**T**Ribus: vel pro prudentia, qua ratione *Lælius* aut *Cato* Sapientes sunt dicti: vel pro excellentia & perfectione cujusvis artis, qua ratione architectus, pictor, aut statuarius excellens, à Græcis dicitur Sapiens: vel deniq; pro omnium scientiarum fastigio & perfectione; quomodo hic accipitur.

*Quid est Sapientia?*

Virtus intellectus, quâ tum principia rerum universalium, tum ea, quæ ex principiis pendent, cognoscuntur.

*Quodnam disciplinæ genus hoc nomine intelligitur?*

Vel Metaphysica, quæ sapientia, Philosophia prima, item Theologia solet ab Aristotele appellari, quæ de Ente ut ens est in universum, & ejus affectionibus communibus agit, maximè autem de Ente primo, quod cæterorum omnium principium est; id verò est Deus optimus maximus. Vel intelligi potest universa Philosophia, quæ olim Sapientia dicta est, à Pythagora verò modestiæ causa Philosophia seu amor ac studium Sapientia.



Tr. & de tix, quod Sapiencie nomen soli Deo videre-  
vult. Intel. tur competere.

*Vtra virtus est prastantior, Sapiencia an Pru-  
dentia?*

Sapiencia naturâ suâ prastantior est: cum  
prudencia illius causa imperet, & curet, ut ea  
in civitate habeat locum: prudencia tamen  
magis est necessaria.

*Quid Sapiencie opponitur?*

Insipientia, quæ est ignoratio principiorum  
communium, & rerum, quæ inde pendent.

*Finis secundæ partis Ethicæ, quæ est de  
Virtute Intellectus.*

TERTIA

TERTIA PARS  
ETHICES

## De Voluptate.

*Quid est Voluptas?*

**V**oluptas est perfectio functionum facultatis cognoscentis.

*Quanam est facultas cognoscens?*

Quæ percipit ac iudicat objectum suum; estq; duplex: *Sensus*, & *Mens* seu *Ratio*. Vnde patet, ea tantum voluptatis esse capacia, quæ vel utraq; hac facultate, vel alterutra sunt prædita: nempe *Dens*, *angeli*, *homines*, *bruta*.

*Quibus in rebus perfectio ista functionum consistit?*

Duabus in rebus: quarum prior ad facultatem cognoscentem pertinet, posterior ad eius objectum. Nam *primò* requiritur, ut facultas cognoscens sit benè secundum naturam affecta, & in actione ipsa non impediatur. *Secundò*, ut objectum cognitum benè se habeat, & cum facultate cognoscente, ejusq; instrumento egregiè consentiat.

*Quæ est prima Voluptatis divisio?*

Voluptas alia est simpliciter & absolutè talis: alia verò per accidens, seu huic, aut illi tantum. Simpliciter dicta voluptas ea est, quæ illis videtur talis, quæ secundum naturam benè sunt affecti. Et ratione quidem mentis benè sunt affecti viri sapientes, & viri

Tract. de  
volup.

*De Voluptate.*

tute præditi: secundum corpus ii, qui recte  
valent. Voluptates per accidens illæ sunt  
quæ tales videntur iis, qui vitio aliquo labo-  
rant, live animi, live corporis; tales sunt volup-  
tates improborum, egrotorum aut melancholicorum,  
quibus ea sepe jucunda sunt, à quibus boni  
sani maximè abhorrent. Definitio antea tradita  
prioris generis voluptates revera describit  
posterioribus non nisi ex parte convenit.

*Quæ est secunda divisio?*

Voluptates aliæ sunt mentis, aliæ sensuum,  
quæ etiam corporis dicuntur, quia sensus in  
corpore aliquo modo resident, & corpore  
instrumentis operationes suas absolvunt. Vnde  
træq; iterum tot habent genera, quot gene-  
ra sunt actionum, live mentis, live sensuum  
Diversarum enim actionum diversa est per-  
fectio, adeoq; & voluptas.

*Quæ est tertia divisio?*

Voluptates aliæ sunt honestæ, aliæ turpes,  
aliæ neutre seu ἀδιάφοροι, hoc est, quæ per se  
neque nec turpes sunt, nec honestæ. Honestæ volup-  
tates sunt, quæ ex actionibus honestissimis  
percipiuntur; turpes quæ ex turpibus; neu-  
træ quæ ex neutris.

*Quæ est quarta divisio?*

Voluptates aliæ sunt puriores, aliæ impuri-  
ores, ut et actiones. Puriores illæ sunt, quæ  
corporeum contactum rei, quæ voluptatem  
excitat, vel plane non requirunt, vel minus

requirunt: impuriore, quæ magis. Sic purior  
est mentis voluptas, quam sensuum, & inter volu-  
ptates sensuum puriores sunt eæ, quæ oculis, auribus,

naribus percipiuntur, quam quæ gustu & tactu.

Cur voluptates gustus & tactus, licet impuriore.

tantoperè vulgus appetit, relictis voluptati-

bus mentis?

Triplex hujus rei est causa 1. quia volupta-  
tes gustus & tactus solet antecedere dolor  
quidam, ex defectu naturæ ortus, qui cum  
nobis admodum sit molestus, vehemens i-  
nstarum voluptatum desiderium excitat. Vo-  
luptates enim istæ instar medicinæ cujus-  
dam sunt, quæ dolorem istum mitigant, aut  
enervollunt, & quo majores sunt, tanto magis:  
humili autem sensus medicinæ desiderium ex-  
percit & stimulat. Voluptatum animi alia est  
ratio; eas enim non antecedit naturæ defe-  
ctus, adeoq; nec molestia, & vehemens ali-  
quod istarum voluptatum desiderium ex  
doloze natum. 2. quod voluptates corporis  
hominib; sint notiores ac familiariores: iis e-  
ntissim ab ineunte ætate utimur: mentis volu-  
ptates veras non nisi longo demum tempo-  
re gustamus. Verisimilius autem est notiora  
vulgus appetere, quam ignotiora. 3. quia  
ad solidas animi voluptates non nisi multis  
laboribus pervenitur: voluptates corporis  
tæmobiæ sunt. Laborem autem omnes fugim.

*Finis tractationis de Voluptate.*

## QUARTA PARS ETHICES De Amicitia.

*Quot sunt partes tractationis de Amicitia?*

**Q**uatuor: In prima agitur de ejus necessitate & usu. In secunda definitio & varietas ejus divisiones traduntur. In tertia præcepta de amicitia exponuntur. In quarta quaestiones quædam de Amicitia enodantur.

### CAPVT I.

De Usu & necessitate Amicitiaæ.

*Quam latè patet Amicitia necessitas & utilitas?*

**A**micitia tum privatim, tum publicè utilis est & necessaria, & privatim quidem in utraq; fortuna, & quavis ætate.

*Cur necessaria est Amicitia in secunda fortuna?*

Duplici de causa: 1. quia sine amicitia fructus bonorum propemodum perit, Beneficentia, inquam, & lucunditas. Beneficentia quia ea in amicos maximè & honestissimè exercetur. Lucunditas, quia nullius boni sine socio jucunda possessio, & in maximis opibus colloquia amicorum desideramus. 2. quia custodia & defensione bonorum est operus, idq; tanto magis, quanto ea sunt majora: nam tanto plures habent insidiatores: at



grè custoditur, quod multis placet. Quis vero tua custodire volet, nisi amicus?

*Cur necessaria est amicitia in adversa fortunæ?*  
Propter solatium & auxilium.

*Cur in infantia & pueritia opus est amicitia?*

Propter educationem. Ætas enim hæc auxilii maximè est indiga: qua de causa naturæ architectus tantum parentibus erga prolem indidit amorem, ut per tot curas ac molestias hæc ætas ad maturitatem perduceretur.

*Cur adolescentibus & juvenibus opus est amicitia?*

Vt ab amicis artibus ingenuis, & moribus honestis imbuantur, atq; à vitiorum illecebris, quibus inprimis capitur hæc ætas, revocentur, & sicubi exorbitare incipiant, in viam reducantur. Est enim in hæc ætate magna iudicii imbecillitas, rerum imperitia, affectuum vehementia.

*Cur viris opus est amicitia?*

Opus est tum ad cognitionem rerum, tum ad actionem; & in actione quidem tum ad consilia ineunda, tum ad ea exequenda. Nam plus vident oculi, quam oculus, nec mediocre rerum ad res gerendas est amicorum benevolentia.

*Cur senibus?*

Quia senes ob corporis imbecillitatem neque se ipsos satis curare, neq; alias res, quarum corporis robur postulant, obire commodè queunt,

queunt, ideoq; amicis indigent, quorum opera id consequantur, quod per se ipsi non possunt.

*Cur publicè opus est amicitia?*

Quia concordia est vinculum, ac fulcrum Reipublicæ, fundamentum securitatis communis, quæ efficit, ut alii ab aliorum injuriis abstineant, eorum commoda promoveant, communibus hostibus resistant, ad præclara facinorâ se mutuo adjuvent, sine hac non modo non florere, sed ne stare quidem potest civitas. *Concordiâ enim res parvæ crescunt; discordiâ maxime dilabuntur.*

*Annon habes aliud adhuc signum necessitatis*

*& utilitatis amicitia?*

Habeo: quod natura ipsa non modo hominibus, sed & brutis conjunctionis & convictus desiderium altissimè insevit. Nihil autem frustra facit natura, & admodum necessarium esse oportet, ad quod tantos nobis infixit stimulos.

## CAPVT II.

Amicitia definitio & divisiones.

### Sectio I.

*Quid est Amicitia?*

**A**micitia est benevolentia mutua & manifesta, qua alter alteri ipsius causa bonum cupit.

*Annon*

*Annon omnis benevolentia est amicitia?*

Non: Est enim quædam benevolentia non mutua, quædam non manifesta alteri, quædam planè otiosa, hoc est, non conjuncta cum desiderio convictus, cum cupiditate gratificandi alteri, quorum utrumq; in vera amicitia reperitur.

*Vnde amicitia oritur?*

Ex eo, quod alter in altero vel re ipsa deprehendit, vel esse credit ejusmodi bonum, quod amore ac benevolentia dignum sit, & ætiores cum eo nexum ac conjunctionem postulet. Hæc enim persuasio impetum, quem natura nobis ad amicitiam indidit, excitat & promovet.

## Sectio Secunda.

*Quæ est prima divisio Amicitia?*

**A**micitia alia per se est, alia per accidens. Illa ex bonis per se oritur, hoc est, ex Virtute, quo nomine non modo moralem, sed & mentis virtutem complectimur, licet illam magis: hæc ex bonis per accidens, hoc est, Vtilitate, ac Voluptate. Vnde amicitia per accidens iterum efficitur duplex: alia enim ex Vtilitate est, alia ex Voluptate, aded ut in universum tria possint constitui amicitia genera: *Amicitia ex Honestate, ex Incunditate, ex Vtilitate.*

**K**

**Sunt**

*Suntne hæc amicitia genera inter se paria?*

Non: Prior enim ac potior est amicitia per se, quàm ea, quæ per accidens: & isti quidem magis amicitia definitio competit, huic minus. Nam is, qui virtutis causa amat alterum eum verè ipsius causâ amat: qui verò voluptatis, aut utilitatis gratiâ, non tam ipsius quàm sui causâ eum amat. Virtus enim est bonum illius, qui eam habet, proprium, & in ipsum vertitur; at utilitas & iucunditas, quæ loquimur, refertur aliò, nempe ad eum qui illius consequendæ causâ alterum amat. Itaq; amicitia genus est *ab uno*, quod non qualiter, sed secundùm magis ac minus suis speciebus prædicatur.

*Quæ sunt differentie inter amicitiam per se, & eam, quæ est per accidens?*

Præter eas, quæ ex ipsa earum natura cui videntur, patent, nempe quod ea, quæ per se est, in viros tantum bonos cadat, quæ per accidens in quosvis; illa inventu sit perrara, hæc passim obvia; illa multitudinem amicorum vix admittat, hæc ferat; præter has, inquam, differentias istæ quoq; tradi possunt: 1. Quod ea, quæ per se, sit stabilis, quæ per accidens instabilis: illa enim virtute, tanquam stabilitur fundamento, hæc fugacibus bonis. 2. In amicitia, quæ est ex virtute, neuter amicorum ullum desiderat bonorum genus.

quæ ab amicis expetuntur, est enim virtuti  
conjuncta semper jucunditas & utilitas: at in  
vulgaribus amicitiiis hæc bonorum genera  
distingvi possunt ac solent. 3. Amicitia ex  
virtute longa periclitatione indiget, ante-  
quam penitus coalescat: diversa vulgarium  
est ratio, maximè illius, quæ ex voluptate.  
Illa tum criminationibus & querelis, tum  
& iniuriis suspicionibus vacat, quia neuter a-  
micorum injuriam facit alteri, & cum alter  
alterum probè novit, sinistrè de illo non su-  
picatur; alia est amicitiarum vulgarium ra-  
tio. 5. Homines potentes & opulenti ami-  
ciam ex virtute rarè colunt, ex voluptate  
& utilitate libenter.

*Quomodo inter se differunt amicitia per accidens?*

1. Eam, quæ ex utilitate, senes libenter co-  
lunt; eam, quæ ex voluptate, juvenes & viri  
juvenibus similes. 2. Illa convictum non  
agnoperè desiderat; hæc maximè: nam in  
convictu inprimis voluptatem ex amicis ca-  
vimus. 3. Amicitia ex voluptate ferventior  
quidem est, sed instabilior, nisi forte alter al-  
terius mores paulatim imbiberit: nam & vo-  
luptas fere fugacior est, & juvenes, in quos  
cadit, inconstantes.

### Sectio Tertia.

*Qua est secunda amicitia divisio?*

K 2

Amici



**A**micitia alia est simplex, alia mista: seu mixta, alia similium, alia dissimilium.

*Quæ est amicitia simplex, seu similium?*

Est eorum, qui idem boni generis in amicitia quærunt, hoc est, eorum, quorum uterque vel virtutem, vel utilitatem, vel voluptatem ejusdem generis spectat: talis est amicitia compotorum v. g. aut collusorum.

*Quæ est amicitia mista, seu dissimilium?*

Cùm diversi generis bona spectantur ab amicis; ut cum alter lucrum quærit, alter voluptatem: sic parasiti, citbarædi, caupones lucrum solent querere; ii, qui eos affectantur, voluptatem. Fieri etiam potest, ut alter alterius generis voluptatem, aut commodum quærat: princeps potentiam quærit, miles illius stipendium.

### Sectio Quarta.

*Quæ est tertia Amicitia diviso?*

**A**micitia alia est parium, alia imparium: talis æqualitatis, hæc excellentiæ amicitia dicitur.

*Quæ est Amicitia parium?*

Eorum, qui conditione vitæ ac dignitate causisque; amicitia inter se sunt æquales: cum amici virtute pares sunt, aut utilitate, aut cunctitate, nec dignitate multum discrepant.

*Quæ est amicitia imparium?*

Est eorum, quorum alter alterum vbi u  
con

conditione ac dignitate, aut amicitia causa  
superat: qualis amicitia est inter magistratum &  
subditos.

Quot sunt genera amicitiae imparium?

Tot, quot sunt ipsius excellentiae, quae ami-  
corum alter alteri praestat. Alia est praestantia  
patris, qui superat filium, alia mariti pra uxore,  
alia magistratus pra subdito, alia praeceptoris pra  
discipulo: itaque alia quoque, atque alia inter eos  
amicitia, & diversis officiis colenda.

### Sectio Quinta.

Quae est quarta amicitiae divisio?

Amicitia alia est Politica seu civilis, alia do-  
mestica: utraque rursus vel parium, vel impa-  
rium. Imparium illa est, quae superioribus  
cum inferioribus intercedit: parium, quae  
vel his, vel illis solis.

Quot sunt genera amicitiae civilis, quae est in-  
ter impares?

Tot, quot sunt genera, seu formae Reipubli-  
cae, seu administrationis civilis, in quibus ali-  
quid juris est inferiori adversus superiorem.

Quotuplices sunt Reipublicae formae?

Duplices: Recta & Prava.

Quot sunt Rectae?

Tres, quae quidem sunt simplices, ex qui-  
bus aliae miscentur. 1. Regnum, seu Monarchia,  
ubi unus publici boni causa imperat. 2. Ari-

*stocratia*, ubi plures virtute ac prudentia excellentes. 3. *Democratia*, quæ generali Republicæ nomine appellatur, ubi omnes, quicquid certum habent censum, & imperio non sunt indigni. Prima sua natura optima est: habet bonitate sequitur secunda: tertia etiam dignitate postrema est.

*Quot sunt prave?*

Idem tres: 1. *Tyrannis*, quæ regno opprimitur: 2. *Oligarchia*, quæ Aristocratia: 3. *Popularis status*, qui Democratia. In prima unus sui commodi causa imperat: in secunda pauci potentiores opibus aut nobilitate prævalentes: in tertia omnes ingenui promiscue, etiam sordidissimi & imperitissimi. Prima pessima est, secunda minus mala, tertia inter malas optima.

*Quenam domesticæ administrationis genera respondentis rerum publicarum formis?*

Patris in liberos potestas regno respondet Aristocratia: mariti & uxoris imperium conjunctum: Democratia fratrum societas: qui nonnihil in familiam juris & auctoritatis habent: quod si unus ex fratribus ætate & auctoritate cæteris multum antecellat, jus in fratres potestas patriæ similis est.

*Quæ societates in domo pravis Rerum publicarum formis respondent?*

*Tyrannidi duplex regiminis genus respon-*

det: alterum vitiosum; alterum genere ipso  
rectum: istud est durum & illiberale patris  
in liberos imperium; hoc verò ejusdem im-  
perium in mancipia. Oligarchiæ aliquo mo-  
do respondet ille status, cùm vel maritus u-  
xoris etiam officia ad se trahit, & vix ullam  
imperii partem ei relinquit: vel uxor super-  
ba mariti partes sibi sumit, & eum imperio  
vel prorsus, vel magnam partem excludit.  
Populari denique statui respondet *ἀναρχία*,  
quæ cernitur in familiis domino carenti-  
bus, aut dominum quidem habentibus, sed  
autoritate destitutum, ubi omnes imperant,  
nemo paret, nisi qui vult.

*An in omnibus his tum civilis, tum domesticæ admi-  
nistrationis formis amicitia locum habet?*

In rectis magna est superiorum cum inferi-  
oribus amicitia, in pravis exigua, interdum  
nulla, prout jus quoq; & communitas. Hæc  
enim duo cum amicitia pari quodammodo  
passu ambulant; ubi enim eorum unum est,  
cætera quoque vel sunt, vel esse possunt. I-  
dem statuendum est de amicitia, quæ est i-  
psorum imperantium inter se, cùm ii sunt  
plures.

*Quot sunt genera amicitia, quæ inferioribus ipsis  
inter se mutuo intercedit?*

Varia pro varietate societatum, quas vel ci-  
ves, vel ejusdem familiæ membra inter se

Tract. de

Amic.

colunt: ad civiles pertinent, *tribus, centuriarum, collegia artificum, societates mercatorum, publicanorum*, & si quæ sunt similes, quarum alia magis censenda sunt publica, alia privata magis. Domestica, sunt societas fratrum, ac sororum inter se ætate non multum discrepantium, itemq; servorum.

*Annon alia adhuc domesticæ amicitie potest tradidisti distinctio?*

Potest; alia enim naturalis est, & dicitur *Consanguinitas* seu *Propinquitas*; alia consensu ac voluntate hominum constat.

*Quinam sunt gradus amicitie naturalis?*

Primus est parentum & liberorum conjunctio, quæ cæterarum hujus generis amicitiarum origo est & caput, & in hac amor mutuus maximè viget, ita tamen ut parentes magis ament liberos, quàm hi illos. Secundus est fratrum conjunctio. Tertius cognatorum præter fratres omnium, avi cum nepotibus, patru aut avunculi cum fratribus ac sororum liberis, fratrum patruelium, consobrinatorum, & aliorum, quos inter se necit eadem stirps, idemq; auctor generis, unde etiam illis amicitia naturalis vel major, vel minor est, quo à communi stirpe vel propius, vel longius absunt: propius inter se cohærent fratrum duorum filii, quàm nepotes; auctor enim idem avus est, à quo illi propius absunt, hi longius.

*Quorum*



*Quotuplex est amicitia domestica, quæ mutuo consensu constat?*

Duplex: alia enim ad naturalem propius accedit; ut conjugum & affinitate junctorum, ubi etiam natura quoddam incercedit vinculum: alia longius ab ea recedit; ut conjunctio domini cum servo, item sodalium, aut servorum inter se.

### *Sectio Sexta.*

*Quæ est quinta amicitie divisio?*

**A**micitia alia habitu & possessione tantum constat, alia etiam usu.

*Quanam amicitia habitu tantum est, quæ etiam usu?*

Habitu ea constat amicitia, quæ in amicorum animis latet, convictu verò & mutuis officiis non colitur: Vsu, quæ ipso se prodit opere, convictu, & officiorum vicissitudine exercetur. Illa inter absentes ferè est, hæc inter præsentes; nonnunquam tamen inter absentes etiam reperitur, cum per literas aut per legatos crebrius inter se colloquuntur, & alter alterius commodis servit: quod si non fiat, paulatim ipsa deletur amicitia.

## CAPVT III.

*Præcepta de Amicitia.*

### *Sectio Prima.*

K 5

*Quotupli-*

*Quotuplicia sunt Præcepta de Amicitia?*

**T**Riplicia: quædam enim sunt de ea contrahenda, quædam de ea conservanda, & colenda, quædam denique de eadem, si opus sit, dissolvenda. Tradenda autem inprimis sunt præcepta de amicitia ex virtute, quæ verè hoc nomen meretur, eaq; ad vulgares, quatenus licet, sunt accommodanda: & primo quidem de ea, quæ est parium, tum de ea, quæ imparium, agendum est.

*Quenam sunt præcepta de incunda vera amicitia?*

Primum, ne cuivis manum injicias, sed probè mores ejus ac fidem explores, cum quo arctiorem vis contrahere amicitiam. Vnde ajunt, multos salu modios esse comedendos, donec amicitia hæc penitus coalescat.

*Quibus in rebus fides amicorum est spectanda?*

In secretis tegendis, in pecuniis & honoribus amici causâ negligendis, & maximè in adversis. Amicus enim certus in re incerta cernitur.

*Qua verò ratione ea est exploranda?*

Omnium tutissima via est, ut inquiras, quomodo illi adversus amicos suos sese gesserint, aut adhuc gerant. Nam tales illos erga te fore spes est, quales erga alios fuerunt.

*Quod est secundum de contrahenda amicitia præceptum?*

Vt tot

Ut tot tibi accertras amicos, (intellige intimos) quot unà tecum atque inter se familiaritatem colere commodè possunt, & libenter vellent, & quorum ulibus intervire queas: utrumque enim horum ius amicitia vera postulat. Amicorum vulgarium, cum quibus adeò familiariter vivere non est opus, major potest esse numerus.

### *Sectio Secunda.*

*Quenam sunt praecepta de amicitia colenda  
& conservanda?*

**P**rimum est, ut in amore tum fervor sit, tum constantia, & magnus voluntatum consensus.

*Qua in re amoris fervor cernitur?*

In eo primum, ut alter alteri optima quæque cupiat, nō secus ac sibi ipsi, & ut ea consequatur amicus, sedulam det operam. Deinde in eo, ut alter alterius rebus secundis æquè lætetur, ac suis, adversis æquè tristetur.

*Qua in re voluntatum consensus?*

Primò in eo, ut alter alterius studiis non libenter adversetur, sed obsequatur potiùs, quando honestè licet, & iisdem delectari se ostendat, vel saltem ea haudquaquam improbare. Secundo, ut sententias ejus & consilia non carpat, sed vel approbet, vel si licet, iis cedat, vel ita modestè ac civiliter repugnet,

Tract. de  
Amic.

gnet, ut flectere potius amicum conetur, quàm vi aliò rapere; non acerbè, non ambitiosè, ac pertinaciter sua defendat. Tertiò, ut amicus dissentientem aliqua in re amicum æquo ferat animo.

*Quod est secundum de amicitia colenda  
præceptum?*

Vt officiorum sit vicissitudo & paritas, quantum quidem res amicorum ferunt: magis enim voluntas spectanda est, quàm res ipsa, si facultas majora præstandi desit. Observabitur autem hîc præceptum, si talis in amicum sit quisque, qualem esse vellet amicum in seipsum.

*Quenam sunt officia quæ amicus amico debet?*

Ea ex doctrina de Beneficentia imprimis sunt petenda, referunturq; ad hæc duo, ad Consilium & Auxilium, quod partim in malis avertendis, partim in bonis & utilibus parandis cernitur. Maximum autem, quod amicus amico debet, est, ut animam pro ipso ponere, seu vitam in discrimen adducere non dubitet: qua de re videatur doctrina de Fortitudine.

*Quo tempore maximè desideratur amicorum  
officium?*

Tempore adverso: tum enim promptissimè amico succurrendum est, isq; solatio erigendus, consilio instruendus, operâ juvandus est,

us est, & periculorum malorumq; societas non defugienda.

*Quenam hic cautio est adhibenda?*

Prima est, ne vel amici causâ peccemus, & quicquid ille petierit, faciendum putemus; vel etiam rogemus amicum, ut nostri iuvandi causâ peccet. Honestâ tum petenda sunt ab amicis, tum eorum causâ facienda. Possunt autem nonnulla fieri amicorum causâ honestè, quæ nostri ipsorum causa non satis honestè faceremus; ut *superbo alicui Tyranno humiliter supplicare pro amico vir magnus potest, pro se ipso non satû decorè*. 2. Cavendum, ne præpoltero amici amore aut desiderio impulsî, virtutibus aut commodis ejus obstemus, quod ii faciunt, qui egregia eorum facinora, quia periculosa sint, & laboris ac molestiæ plena, aut necessaria eorum itinera, quia ipsi absentiam eorum ferre nequeunt, impedire conantur, id quod non virorum prudentium, sed mulierum est.

*Quod tertium est de colenda amicitia præceptum?*

Vt libenter cum amicis conversemur, & colloquamur, si præsentes sint, corâ; si absentes, per literas aut legatos.

*Quomodo in amicis vel accersendis vel ad-  
undis nos gerere debemus?*

Quod ad accersendos amicos attinet I. ad res nostras lætas eos libenter ac promptè debemus



debemus advocare, ad tristes inviti ac cunctanter. II. tum etiam eosdem advocare debemus, cum ii parva molestia suscepta prodesse nobis multum possint: tum enim eos non accersere, esset illorum fidei admodum diffidere.

Quod ad amicos adeundos attinet I. in rebus eorum adversis eos ultrò ac promptè adire debemus, nec expectare dum vocemur. II. florentibus ipsorum rebus beneficii accipiendi causa cunctanter, eos aliqua in re juvandi causa promptè debemus adire.

*Quenam in familiari convictu, & colloquiis  
sunt observandæ*

Ea in virtutum homileticarum præceptis fere sunt exposita. I. enim requiritur in sermonibus veritas, candor ac fides: fucus & simulatio amicitia inimica sunt. II. requiritur taciturnitas, præsertim in secretis tegendis, sermonibus ac factis amicorum non eliminandis, qua re fiat, ut amicus cum amico adedò audacter possit loqui, atq; secum ipso. III. requiritur comitas, quæ suavitatem in convictu sectetur, amicum soletur, vacillantem erigat, admoneat etiam, si sit opus: qua de re comitatis videantur præcepta. IV. morum requiritur suavitas & elegantia quædam, vitandaq; est rusticitas & sordes hominibus politioribus graves.

*Quod*

*Quod est quartum de colenda amicitia præceptum?*

Tract. de

Ne sinistris de amico suspicionibus indulgeamus, & ejus virtuti ac fidei temerè diffidamus: non quælibet ejus facta dictavè, quæ incauto fortè exciderunt, in crimen trahamus, aut ad contemptum nostri pertinere arbitremur; sed æquitatem adhibeamus in judicando, & in meliorem potiùs partem dicta & facta amici accipiamus.

amic,

*Quod est quintum?*

Ne criminationes ac querelas de amicis faciliè admittamus; sed eorum, præsertim absentium, famam summo studio ac fide contra calumnias defendamus, ipsi quoq; amicos non criminemur, nec faciliè apud quemquam de iis conqueramur. Si quid erit, de quo eos velimus admonitos, id faciamus secretò, laudemus palàm.

*Quod est sextum?*

Si quos amicus habeat nævos, quos corrigere non possumus, non tamen tantos, ut amicitiam nostram debeant dirimere, eos æquiori feramus animo; ejus in nos delictis faciliè ignoscamus; dissimulemus ea, quæ salva honestate dissimulare possumus, nec ei faciliè talia exprobremus. Quod præceptum iis inprimis est observandum, qui cum hominibus iracundioribus aut morosioribus versantur.

*Quod*

Ne reprehensiones amicorum, admonitionesq; spernamus, monentibus nunquam succenseamus, rectè monentibus pareamus, consilia salutaria tum quæramus apud amicos prudentiores, tum libenter accipiamus.

*Quod octavum?*

Vt amicis convenientem exhibeamus honorem, eos etiam nobismetipsis præferre & in honoris significatione prævenire studeamus; omnia, quæ contemptum ipsorum arguere possint, diligenter vitemus. Vitanda tamen est nimis anxia ceremoniarum, ut vocant, superstitio, dandaq; potius opera, ut in vultu, voce, ac gestu familiaritatis ac fiduciæ erga amicos signa extent.

*Sectio Tertia.*

*Quæ sunt præcepta de vulgaribus amicitiiis colendis?*

**D**E voluptatis amicitia vix opus est ullum tradere præceptum. Ea conservanda est convictu, ac crebra conversatione, in qua amicus ex amico eam capiat voluptatem, quam quærit.

In amicitia utilitatis hæc sunt observanda.

I. Vt in accipiendis beneficiis cautus sis, & si vel non possis, vel nolis ea compensare, non facilè à quovis accipias, etiam si tandem is, qui affert, hostimentum expectare non videatur.

videatur. Fallunt enim sæpè ii, qui hamata offerunt munera liberalitatis specie, & dum maximè id agunt, ut aliquid recipiant, desiderium suum maximè dissimulant, qui tamen, nisi remuneres, graviter solent conqueri.

II. Si accipere beneficium placeat ab eo, quem remunerationem spectare suspicaris, de compensatione statim cogites, & eo ipso tempore, cum accipis, promittas.

III. Tantum reddas, quantum acceperis, & compensationem nimis diu ne differas, nec extorqueri à te patiaris.

*Cuinam æstimatio beneficii est relinquenda?*

Ei, qui accepit, nisi fortè is, qui largitur certam veluti mercedem statim stipuletur. Aliàs qui absq; conditione dat beneficium, ejus judicio & fidei rem totâ videtur permittere,

*Quid in æstimatione beneficii est spectandum?*

1. Utilitas. 2. necessitas. 3. quo tempore acceperis. 4. an ab alio etiam potueris accipere, an vero ab eo solo, qui dedit.

*Quando æstimatio est facienda?*

Vel tum, cum beneficium nondum est acceptum; vel tum, cum id adhuc recens est, & fructus ejus maximè sentitur. Aliàs iniqua sæpè fieret æstimatio, cum beneficiorum gratia cum tempore ferè exolescat, & pleriq; majorem ea faciant, quibus indigent, & quæ  
L adhuc

Tract. de adhuc expectant, quam quæ jam accepe-  
Amic, runt, præsertim dudum.

### Sectio Quarta.

*Audivi de Amicitia parium: quid in amicitia  
imparium est observandum?*

**V**T iusta sit amoris, honoris, & officio-  
rum proportio.

*Qua in re proportio ista cernitur?*

Hoc ut intelligas, tum superiorum erga in-  
feriores, tum inferiorum erga superiores of-  
ficiū considerandum est.

*Quod est officium superiorum erga inferiores?*

I. Vt ii, qui opibus antecellunt, aut alio ali-  
quo bonorum genere, quod in inferiorum  
amicorum commodum convertere possint,  
plus utilitatis in eos conferant, minus ab iis  
postulent.

II. Vt ii, qui dignitate antecellunt, sese ad  
inferiores quodammodo demittant, comi-  
tate, facilitate, modestiaq; sua eos erigant,  
non verò supercilio suo ac nimia gravitate  
à se absterreant: breviter; magis id agant, ut  
ab amicis amentur, quàm ut timeantur & co-  
lantur. Qua tamen in re status uniuscuiusq;  
considerandus est, & consulendum impe-  
rii, si quod est, dignitati & auctoritati.

III. Vt iidem dignitatem suam cum amicis,  
præsertim iis, quos virtus aut sapientia sibi  
conci-



62  
pe  
io  
in  
of  
li  
um  
nt  
iis  
ad  
ni  
nt  
te  
ut  
co  
sq  
pe  
is  
ibi  
ci

conciliavit, quodammodo communicent,  
& eos apud alios reddant honoratiores.

*Quod est officium inferiorum erga superiores?*

I. Ne superioribus invident.

II. Ut eos, qui virtute, sapientiâ, aut alio a-  
liquo dignitatis genere antecellunt, hono-  
rent ac colant, non verò ob familiaritatem,  
aut ob eorum modestiam ac humanitatem  
contemnant, & iis sese prorsus æquent: sed  
cum illorum facultate certent modestiâ, &  
quanto magis illi se demittunt, tantò magis  
eos suspiciant ac colant.

III. Ut iis, qui aliquid in se potestatis ha-  
bent, obsequium præstent, & quanto major  
ea est potestas, tantò magis.

IV. Ut eos, qui beneficentia, aut aliquo a-  
lio virtutis genere sunt superiores, magis a-  
ment, quam se ab iis amari postulent.

V. Si contingat, ut ii, qui beneficiis suis i-  
psos devinxerunt, aliquando ipsorum ope-  
ram ac beneficia vicissim desiderent, iis li-  
bentissimè gratificentur, & eorum merita  
remunerare studeant.

*Quid hinc de officio liberorum erga parentes  
colligunt?*

Liberi parentibus debent I. maximum in-  
ter mortales amorem ac benevolentiam. II.  
honorem ac reverentiam summam. III. ob-  
sequium promptissimum. IV. curam ac vi-

Tract. de  
Amic.

Etum, si parentes sibi ipsis prospicere nequeant: qua in re eoulq; progrediendum est liberis, ut ipsi malint egere, quam parentes rebus necessariis destitui Sacrae literae haec omnia uno honoris nomine complectuntur.  
*An in omnibus prorsus obediendum est parentibus?*

Non, sed in iis, quae cum honestate non pugnant: ac praeterea cum de re agitur, cuius non satis gnari sunt parentes, peritiorum ac prudentiorum iudicium sequi possunt liberi, sed ita, ut quam modestissime à parentum iudicio discedant, non verò ita agant, ut imperitiae parentum illudere, vel auctoritatem spernere videantur. Quod si tamen parens, is praesertim, è cuius potestate nondum exieris, omninò urgeat, ut suum potius sequaris consilium, ita ut gravis sit sequutura offensio, nisi ei morem geras, ex eius autem consilio non sit magnum aut irreparabile damnum ad te rediturum, in commoda tua potius peccare debes, quam parentis spernere voluntatem.

*An quis honores patri potius, quam alii alii cui sunt deferendi?*

Non, sed ii tantum, qui ei conveniunt. Aliàs honores ac munera sive in Republica, sive in Ecclesia dignioribus potius sunt deferenda & peritioribus, qui ea majori cum fructu possint obire, nec committendum, ut priva-

tusa.

tus amor publicis commodis obstat.

*Quid discipuli debent præceptoribus fidelibus?*

Similia iis, quæ parentibus debent liberi, habita tamen ratione meritorum, quæ in nos contulerint. Digna est Aristotele vox: Deo, parentibus ac præceptoribus dignum persolvere premium non posse, tribui tamen id debere, quod possimus, maxime honorem. Ii enim sunt, qui maxima in nos conferunt beneficia: Parentes ut vivamus; præceptores unà cum illis ut benè ac feliciter vivamus, curant; utrumq; autem per illos præstat Deus.

*Annon officia etiam subditorum erga magistratus, servorum erga Dominos, uxorum erga maritos,*

*& contra horum erga illos huc pertinent?*

Pertinent: Sed ea observato uniuscujusq; statu ex generalibus præceptis paulò ante traditis colligi possunt. Quis autem sit uniuscujusq; status in Politica & Oeconomica, quibus Theologia quædã addit, explicatur.

*Quid ex præceptis de amicitia colenda hucusq; traditis colligi potest?*

Causæ, quæ amicitiam aut conservant, aut corrumpunt. Ea enim, quæ hætenus præcepimus, si ab utraq; parte observentur, amicitiam conservant; si omittantur, labefaciunt, aut penitus abolent. In universum autem pestes amicitiae sunt avaritia, ambitio, & contemptus amicorum ob fortunæ prosperi-

Tract. de tatem, perfidia, diffidentia, simulatio, iracun-  
 Amic, dia, morositas, silentium nimis diuturnum.

### Sectio Quinta.

*Quid est observandum in amicitia dissolvenda?*

**P**rimò causa, ob quam ea sit dirimenda;  
 deinde modus.

*Quam ob causam amicitia jure dissolvitur?*

Cùm ea non amplius habet amicus, aut  
 præstare non vult, ob quæ amicitia inter nos  
 & illum constabat, & ea, quæ antea præstitit,  
 tantam vim non habent, ut iis etiam cessan-  
 tibus nos ei nihilominus devincti esse debe-  
 amus: qualia sunt parentum, aliorumq; in  
 nos merita. Iustissima autem causa est, quan-  
 do amicus, cum quo nostra nos conjunxit  
 voluntas, à virtute ad insanabilem desciscit  
 improbitatem; nam tum ab ejus familiarita-  
 te abstinendum est, tum ne ei evadamus si-  
 miles, tum ne videamur. Parentum & alio-  
 rum benemeritorum, itemq; eorum, qui im-  
 perium aliquod in nos habent, quod ex ar-  
 bitrio nostro non pendeat, amicitia penitus  
 renunciare nunquam possumus.

*An aliàs nunquam dissolvi potest amicitia?*

Interdum ipsa amicitia sponte sua cessat,  
 cùm inter amicos vel ob locorum distantia-  
 am, vel ob nimiam dignitatis ac conditionis  
 discrepantiam non potest coli familiaritas,  
 ut, si

ut, si condiscipulorum alter sordido vite generi sese addicat, alter ad summos honores perveniat.

*Quis est modus dissolvendi amicitiam?*

I. Observandum est, ne protinus amicum, etiam in vitium aliquod prolapsum, deseras, sed tam diu in eo ad frugem revocando labores, donec tandem videas, iam esse conclamatum.

II. Si vel ob locorum distantiam, vel ob dignitatis discrimen dissolvatur amicitia, prius tamen conjunctionis memoria retinenda est, & favore saltem ac benevolentia majore prosequendus est amicus noster vetus, quam ignotus aliquis.

III. Cavendum est, ne amicū perfidē videamur deseruisse: quod accidit, si amicum in rebus ejus adversis, cū aliās operā nostram non injuria videatur postulare, deseramus.

## C A P V T IV.

### Quæstionum de Amicitia Explicatio.

*Verum similitudo, an verò dissimilitudo magis conciliat amicitias?*

Quæstio  
I.

**S**imilitudo magis: nam ea per se, ac naturā suā conjungendi vim habet. Vnde vulgò dicitur: *similis simili gaudet; graculus graculo assidet; æqualis æqualem amat.* Dissimilitudo per



Tract. de  
Amic.

accidens tantum conjungit, quatenus nempe contingit, ut ii, qui dissimiles inter se sunt, vel mutuis commodis ac honoribus non obstant; vel etiam facilius sibi mutuo ea prestare possunt, quæ uterq; desiderat. Nam aliàs cum eorū, qui idem fortè artificii gen<sup>o</sup> tractant, alter alterius laudi, honori, aut commodis obstat, vel alteri id prestare non potest, quo is eget, similitudo vim quandam ad disjungendas amicitias habet; hinc ista: *figulus figulum odit, cantor cantori invidet.*

Quæstio  
II.

*An benemerito potius, quàm viro bono succurrendum est, si utrique nequeas?*

Generatim loquendo, benemerito potiùs, quàm viro bono: interdum tamen, circumstantiis ita postulantibus, contrà faciendum est. Istud patet, quia debita reddenda potius sunt creditoribus, quàm alteri, licet viro bono, donandum: at benemerito debetur remuneratio. Hoc patet, quia contingere potest, ut vir bonus in longè graviore periculo sit constitutus, quàm benemeritus, & Ecclesiæ vel Reipub. longè sit utilior, & præterea alio tempore liceat beneficium compensare benemerito: tum enim honestas (vadet, ut viro bono potius succurras, quàm benemerito. quemadmodum enim non quovis tempore reddendum est debitum, sed suus ita & beneficium.

An 4-

*An amicorum inimici nos quoque inimici esse debemus?*

Non: nam & Christiana id prohibet pietas, & ratio dissuadet: (1.) quid si enim alter ille sit innocens, aut de me optimè meritus? (2.) pari ratione deberem etiam eum odisse, qui cum altero fortè amico meo inimicitias exercet, & sic utrique vel ob unius odiū esset valedicendum. (3.) Quin potius in utriusque amicitia perseverare debeo, ut eos tantò facilius in gratiam reducam, ut delinquentes corrigam, quæ res Reipub. nonnunquam valde utilis est, imò necessaria. At qui cum altero conspirat adversus alterum, aditum sibi ad eum reconciliandum intercludit. Denique necessitas interdum cogit in inimici tui amicitia perseverare, ut si is sit pater, magistratus, conjux, dominus, aut alius, cui renunciare non liceat.

*Sed quomodo se gerere debet is, qui cum amici sui inimico amicitiam colit?*

Non debet adversus alterum conspirare, sed ejus potius causam apud inimicum agere, & cum in gratiam cum altero reducere.

*An vir bonus seipsum maximè debet amare?*

Partim debet, partim non debet, pro diverso genere amoris, quo quis seipsum complecti potest.

*Quotuplex ergo est amor sui?*

L 5

Duplex

Cap. IV.  
Tract. de  
Amic.

Quæstio  
III.

Quæstio  
IV.

Duplex: alter honestus est, vulgo ferè igno-  
tus; alter inhonestus, sed vulgò notissimus.

*Quinam est amor sui honestus?*

Cum quis bona vera, hoc est, sapientiam,  
virtutem, ipsamq; immortalitatem, & si quæ  
sunt alia cælestia divinaq; munera, sibi vehe-  
menter optat, eaq; parare magna animi con-  
tentione laborat: bona vulgaria aliis potius  
relinquit, cum honestè potest, quam sibi su-  
mit. Hoc qui facit, is mentem, cujus bona  
præcipuè quærit, adeoq; seipsum verè amat.  
Quisq; enim id maximè est, quod in ipso est  
præstantissimum, & qui istud amat, se revera  
amat. Hoc amoris genere vir bonus seipsum  
maximè amare debet.

*Quis est amor sui vitiosus?*

Cùm quis neglectis veris ac solidis bonis,  
vulgaria & evanida, honores, pecunias, volu-  
ptates corporis sectatur, & in iis potiora sibi  
vindicat: qui amor corporis est, non mentis,  
& vix philautias nomen meretur, quod ta-  
men vulgò solus obtinet, quia solus ferè no-  
tus est. Hoc amoris genere non debet se-  
ipsum maximè complecti vir bonus.

*Annon cum amore sui pugnat pro aliâ vitam  
ponere?*

Cum posteriori pugnat, sed non cum prio-  
ri, quem verum sui amorem diximus; imò  
cum hoc maximè consentit: nam qui istud  
facit,

facit, vitam quidem prodigit, sed id, quod honestissimum ac præclarissimum est, sibi sumit; & brevem quidem, sed magnam voluptatem, quam ex tam insigni facinore capit, diuturnæ, sed exiguæ præfert; brevem, sed honestissimam vitam anteponit longæ ac minus gloriosæ; deniq; quod omnium maximum est, & ex religione Christiana petitur, immortalem vitam mortalis jactura quodammodo redimit, & ad supremam gloriam aditum sibi patefacit, qua de re explicatius Theologia agit. Idem ferè dicendum est de eo, qui vulgaria bona aliis honestè relinquit, aut minorem sibi eorū partem vindicat.

*An etiam amicitia quædam potest esse unicuiq; secum?*

Quæstio  
V.

Potest, sed improprie dicta, quæ tamen veluti norma quæ dā esse debet amicitia veræ.

*Qua in re consistit?*

In his quatuor. I. ut quis seipsum maximè velit esse salvum & incolumem, præsertim ejus partis ratione, quæ est omnium præstantissima. II. ut bona vera sibi & cupiat & tribuat maximè. III. ut sibi ipsi maximè consentiat, & ante facta & post facta. Antefacta, ne secum ipse in consiliis luctetur, certante hinc ratione, illinc appetitu, & nunc hoc, nunc illa vincente. Post facta, ne id, quod antea probârat, postea improbet, & cupiditas

piditas fortè gaudeat, ratio doleat. IV. ut secum libenter vivat, hoc est, animum, consilia, factaq; sua recognoscere, & secum expendere non horreat, imò magnam ex ea recapiat voluptatem, quia & facta & consilia sint honesta & laude digna. Hæc omnia in vera amicitia locum habent. *Amicus enim est alter idem.* Itaq; quemadmodum quisq; erga se ipsum affectus est, ita erga amicum esse debet.

*In quosnam hæc amicitia cadit?*

In viros bonos, & quidem quo meliores fuerint, tanto magis: in cæteros non nisi eatenus, quatenus aliquid cum viris bonis habent commune: in extremè improbos vix ullo pacto. Itaq; amicitia etiam, quæ viro bono est secum ipso, norma esse debet veræ amicitia, seu ei, quæ cum altero virtutis causa colitur.

*Cur in extremè improbos non cadit?*

1. Quia cum in se inveniant id, quod maxime est odio dignum, quodq; eos perpetuò excruciat, nempe gravissima atq; immania scelera, vita illis molesta est, seq; ipsos superesse non admodum cupiunt, imò sæpè mortem optant, aut semetiplos è medio tollunt. 2. vera bona sibi non parant. 3. à se ipsis sæpè maximè dissident, & id, quod modo cupi-  
ère, mox repudiant; nonnunquam alia vel-  
lent,



lent, alia faciunt, & ea, quæ pernicioſa eſſe cernunt, propter voluptatem perſequuntur; cum flagitia ſua expleverunt, cupiditas lætatur, ratio, poſtquam aliquantulum evigilât, dolet: cum ea impediuntur, contra accidit, modo aliquid judicii de rebus honeſtis ac inhoneſtis ſuperſit. 4. ſecum iſtis verſari horrent, cùm nihil in ſe inveniant jucundum; contra verò terreat memoria præteritorum, metus futurorum. Pænitenſiâ nempe & dolore pleni ſunt improbi, eoſq; conſcientia diris atq; æternis cruciatibus torquet. Vnde compotorum & colluſorum ferè quærunt conſortium, ut tempus fallant, & conſcientiæ convitia minus audiant, remulentiâq; vim illius obruant: quærunt quidem aliquando ſolitudinem, ſed quam diu ferre nequeunt, & quæ eos perpetuis tormentis lancinat ac conficit.

*Cur benemeriti vehementius amare ſolent eos quibus benè fecerunt, quam contra hi illoſe*

Quæſtio  
VI.

1. Quia iſ, in quem beneficium confertur, majorem veriorẽq; voluptatem affert bene merito, quàm contrà hic illi. Nam qui beneficium dat, honeſtum conſequitur, qui accipit utile tantum: at honeſtum amabilius eſt utili, & ſolidiorem conſtantioremq; affert voluptatem. 2. Quia beneficium dare difficilius eſt, quam accipere: at quæ majori labore

labore constant, chariora sunt, quam quæ exiguo, aut nullo. Quâ de causa ii, qui divitias labore suo pepererunt, vehementius eas amant, quam quibus res ab aliis relicta est. Hinc etiam matres vehementius amant liberos, quam parves, quod illis maximo constent dolore. 3. ex naturâ petita est: quia quisq; videtur magis opus suum amare, quam opificem opus, si sentu sit prædium: nempe quia opus argumentum est viræ opificis sui, & ingenii ipsius quædam veluti imago, in qua se ipsum contempletur. unde Poetæ carmina sua amant, non secus, ac parentes liberos suos. 4. Quia is, qui beneficium dedit creditoris est instar, qui accepit debitoris: at creditor magis vult salvum esse debitorem, quàm contra hic illum; ille, ut suum recipiat; hic, ne reddere cogatur. Sed hæc ratio ad illos tantum pertinet, qui utilitatem vel solam, vel maximè in amicitia quærunt.

*An eadem sunt cause cur parentes magis amare soleant liberos, quam contra hi illos?*

Maximè huc pertinent secunda & tertia, prima minus: ultima non nisi in improbis liberis locum habet. Sed istis hæc quoq; addi possunt: 1. Quod liberi pars quædam sunt parentum, non parentes liberorum; vel ut Rutheni dicere solent: quia sanguis parentum in liberis est, non liberorum in parentibus. Non est autem dubium, quin cum vehementi-

mentius ames, qui pars tui est, tutusq; san-  
guis, quam eum, qui non est. 2. Quia paren-  
tes certius nōrunt liberos suos, quam contra  
hi illos. 3. Quia amor parentum erga libe-  
ros ab ipso eorum ortu incipit, & ipso auge-  
tur usu: at liberorum amor tum demum in-  
cipit, cum parentes eorumq; in se amorem  
ac beneficia agnoscere possunt.

*Cur convictus amicorum ad morum similitudinem  
efficiendam tantum habet robur?*

Cap. IV.  
Tract. de  
Amic.

Quæstio  
VII.

1. Quia quisq; ea studia, easq; actiones, qui-  
bus maximè delectatur, in convictu cum a-  
mico exercere, & eum tum exemplo, tum  
persuasionibus ad easdem pertrahere solet.  
Est enim convictus conjunctio quædam ac  
communicatio vitæ, seu actionum istarum,  
quas libentissimè exercemus, & propter  
quas vitam putamus expetendam. Ita q; ii, qui  
*potu delectantur, cum amicis compotare; qui aleâ,*  
*ludere; qui armis, pugnare; qui venatione, feras se-*  
*ctari; qui literis, disputare solent.* Quare si ami-  
cus rebus honestis delectetur, virum bo-  
num te efficiet, si turpibus improbum.

2. Adde quod hominis ingenium ad imi-  
tandum admodum est proclive: solemus au-  
tem eos in primis imitari, quos amamus, &  
quorum exempla crebrius ante oculos ver-  
santur. Tales verò sunt amici, cum quibus fa-  
miliaritatem quotidie colimus. Quamquam  
verò

Tract. de  
Amic.


verò tum ad virtutem, tum ad vitium magnam vim habent crebri cum amicis congressus; majorem tamen habent ad vitium quam ad virtutem. Vitium enim in proclivi est, imò in præcipitio: virtus in arduo; potestq; hîc illud usurpari poeta:

---


*Facilis descensus Averni:  
Sed revocare gradum, superasq; evadere ad auras  
Hoc opus, hic labor est.*

FINIS ETHICORVM.









Biblioteka Jagiellońska



stdr0010383





THE  
E  
R